

沙頭里志目錄

卷一

地名

屬隸

形勢

里至

水口

都圖

徭役

附屬隸始末
太倉州賦議

田賦

卷二

街術

橋梁

風俗

節序

物產

卷三

寺觀

祠院

牌坊

義莊

義塾

義田

義井

義塚

卷四

山

岡

堰 墩

名蹟

園林

卷五

水利

附潮汐 婁江考

卷六

進士

舉人

副榜

武進士

武舉

卷七

貢生

例貢

薦辟

恩典

鄉飲

卷八

儒林

文苑

隱逸

孝友

獨行

耆碩

藝術

遊寓

卷九

列女

兵警

卷十

逸事

稗說

舊目附

卷一 鄉域志

地名

屬隸

形勢

里志

營建志

街衢

橋梁

祠院

牌坊

義塚

風俗志

流習

卷二 選舉志

進士

舉人

副榜

武進士

武舉

貢生

例貢

卷三 人物志

宦績

孝德

卷四 人物志

文學

隱逸

耆碩

列女

沙... 舊目附

卷五 水利志

水道 水義 明 濬

兵警志

元 清 明

卷六 瑣綴志

書籍 塚墓 園林 寺觀

卷七 災祥

卷八 稗說 逸事

卷九 詩徵

卷十 文徵

凡例

一鎮為邑所統也邑有志則鎮事具矣然沙頭地雖為

鎮其人物風土有州志所不能盡載者此里志一書

一庵曹氏之所由作也

一沙頭里志既有成書自順治庚子志成於迄今乾隆

庚申已八十餘年中間補輯而末果其事其盛衰互異

時勢變遷凡足以係紀載者亦復不少因不揣固陋

為之增補於後

一凡志貴前不遺而後不溢是志多仍舊本間或芟治

繁文移置品目不安為去取以滋疑誤後即事有足稱亦必訪諸輿論衆好攸同方可續入否則不敢登載

一曹氏志沙頭兼及塗松以唐宋時本與塗松為一市

自張士誠築城於塗松民苦驛騷率遷沙頭而沙頭日盛塗松漸衰矣志沙頭不遺塗

松從所自也若穿山三家市與塗松前後相望鄉農

貿易文士風聲一從乎鎮志故兼之今悉仍舊

一科目姓氏除土著外有祖居沙頭後移至城或寄籍

他郡并隸他省於彼處發祥者一體並載匪曰借光

實係其桑梓也若本非沙頭偶從此地起家子孫遷之別土者則以遊寓目之

一吳中水利前賢講求最悉

廟謨博採而行之而成浦一何鎮列其上發帑開濬具有成績尤本鎮之要務故詩文條議多採錄之以備考覈

一前輩文章止錄其關係鎮人鎮事者類附各條之下亦不多收以非地志所急也若高文巨篇不可磨滅者自有國史與專集在毋庸濫入

一人材品格各有區分前志所載嫌於迭見今統為列傳於列傳之中稍存孝友文學等名以示風勵較為省括

一災祥歷代俱有所闕非細恐不獨應乎一方前志所載概不敢登惟切在乎鎮者間採一二

一舊志博採詩文立為二卷以徵其所載確有實據今即附於所載之後以便觀覽其人墓志列傳已詳概為刪去至於別墅屬在一家非地志所要僅志其目詩文不具錄

一是志曹氏於兵燹殘落之後網羅掌故搜討舊文實有世道人心之寄使生於今者不為踵志而增益之則後事闕如又何以為將來之所取資况太倉自分縣之後州志之脩行有日矣倘得邀覽而博採之如南郭氏之於鳳林備採州志雙鳳事蹟載之獨詳以有芝山周公備採為先也未必不有裨於沙頭也雖謂謗劣如予冒然竊擬於前賢亦可原其情矣

一現在名賢事業品行方興未艾不敢遽列惟詩文有關於鎮事者間採一二其卓然可紀籍籍在人耳目

者間亦取錄以為表式

一頁節最為難事舊志所載固不敢遺今就見聞亦已
其載意窮簷之下湮沒者尚多容俟訪的以圖補入

里人陸松齡鶴芬徠亭氏識

沙頭里志卷一

里人曹一庵先生修輯

徠亭陸松齡增訂

地名

沙頭沙之頭也昔猶瀕海志見州在唐宋已有其村統名

塗松市至元時設河泊所始有沙頭之名由明至今

相傳不改又名沙溪以其地枕戚浦一名戚溪龔大

戚溪濱因以為溪云沙溪猶之曰沙頭也明初張脩撰

洪自為生志曰余父沙溪人王弇州志曹中憲墓石

先生居是溪因以為號沙溪之稱由來舊矣其曰團

舊志原名

印溪陳氏建印溪書

堂得名亦曰南沙郡

志載長壽寺在南沙

葉墩志曰始遷南沙

古集曰夜過南沙又北沙

陸襄作曹筠軒傳自署

北沙陸某

溪曰印溪則又各指其溪而言總不離乎沙頭之地也

屬隸

沙頭地向屬常熟雙鳳鄉三十九都明弘治十年巡撫都御史朱瑄從鄉人參政陸容議割崑常嘉三色等地立為太倉州沙頭鎮屬太倉州遂為州地坐州十五都二十八都兩區鎮西之東十之八俱二十八都坐十五都祇北街東末十之二坐落字圩在二十八都者戚浦之北曰東飄曰兩曰疏戚浦之南曰遊曰

見曰即在十五都者戚浦之北曰近日抗

鎮地跨十五都抵塘北界涇東吳家市一隅呂氏向盛於東添出脚夫等項因割二十八都陶家橋以東為十五都至今地方值官等事仍舊不改按陶家橋以東為東鎮橋西為西鎮東至顧家樓始十五都界

形勢

沙頭南遠婁江北枕虞山西憑鹽鐵東控大海戚浦橫瀝縱橫如十字鎮名民烟火萬家攢集處十字之中

戚浦東西水各有灣東為糜長灣西為蘇家灣鎮居
 兩灣之中潮汐出入頓節有情最為秀疎秀州治在
 鎮西南穿山在鎮東北山與州相照鎮在其中若以
 穿山屏障東北之大海前望乎州治者然 戚浦西
 承陽城諸河之水泄瀉於東海昔年開濬稍深崇明
 官民船來往必道沙頭沙頭居然小都會也但晝夜
 兩潮水勢去來無定又地係岡身比郡地高聳淺露
 無藏蓄盛衰不常理亦有之
 趙汴晚過沙溪詩

仗劍胡來此江臯暑正微幽光濃野寺鮮鯽趁魚磯
 林靜聞蟬迴沙明度鳥違中流思擊楫還欲振吾衣
 里至

鎮地東西廣三里南北袤二里照舊志各削一里國初屯兵
民房皆拆毀西南至州治三十六里水行自戚浦西折入

鹽鐵達治從大北關入水程迂折較程多五里

陸行由毛家市東達治自鎮起程有二路一東路一

西路至毛家市總一路達治從小北關入

南至毛家市十八里北至常熟界十里至常熟治百

里

東至塗松市三里東至陸公市三十里東南至三家市十二里東北至璜涇一十八里

西至直塘鎮九里西南至雙鳳鎮十二里至崑山界十八里鎮地跨二都一十五都二十八都

都圖

嘉靖丁卯未張志都圖考

十五都里額九里五十圩

三十九圖十圩誠譏辱近隸經壁書漆恥西四圖五圩林臯幸抗殆

十四圖四圩將相路俠四十三圖四圩封柳五圖六圩

鍾墳典聚藁亦三十二圖十三圩八縣貽厥郡嘉猷六十

六圖八圩羅府省躬散寇增極

二十八都里額五十一圩

九圖九圩園莽抽條渠十圖四圩晚把十三圖二

圩疏十五圖一圩鷗十七圖三圩霄奏二十九圖

九圩凌摩消慮陳五圖三圩即機十三圖二圩遊

八十四圖十二圩格閑招減居歡十六圖五圩落

東觀西觀三十一圖二圩遙

以上仍舊原分來舊數

崇禎壬申張志都圖考

上十五都四里三十三圩

一圖即前三圩二圖即前十四三圖即前十四

圖即前五圩

下十五都三里二十七圩

五圖即前五圩六圖即前三十二七圖即前六十八

上二十八都七里二十八圩

一圖即前九圩二圖即前十圖分下二圖即前十圖分

圩三圖即前十三四圖即前十七五圖即前十五

六圖即前二十九

下二十八都一里二十三圩

七圖即前三十五一圩十六圖五圩

以上現據在徵糧冊更定數

鎮地坐二十八都南至二十五都北至常熟界東至

十五都西至二十九都

坐十五都南至七都二十五都北至二十七都東至

二十四都西至二十八都

水口

鎮地水口北街黃泥浜小涇北橫瀝木杓浜一名團溪元瞿月蕉

先生隱居 寺浜茅浜俗名北界涇 陳智涇

南街周涇方莊浜南橫瀝庵橋西向有一水口今塞姚

涇東周涇

北街水口團溪涇柴場涇東通陳智涇西通橫瀝其西一段長三十丈日漸淤塞乾

隆四年曾開浚今又日淤矣

田賦

鎮地從常熟縣三十九都割來在常熟輸下 糧一斗

九升田也其在常熟與鎮地接界為三十八都仍一
斗九升起科獨鎮地割隸太倉嘉靖十五年均糧遂
墮二斗八升漸增三斗瘠土而完重賦歷二百餘年
雍正三年三月奉

旨裁減蘇松二府額徵銀四十五萬蘇三十萬松十五萬著為定

例又命業戶於恩免數內十分中減免佃三分太倉

州減銀 萬 千 百 十 兩 錢 分有奇每

減銀四分

戶部請減浮糧疏

伏查蘇松田稅宋時每畝輸賦一斗元時水田不
過五升明太祖因蘇民張士誠固守不降盡籍諸
豪族及富民田為官田按田私租簿為稅額每畝
四五斗七八斗至一石以上蘇州秋糧至二百七
十四萬六千餘石時民田仍照元時之額歲輸十
五萬石餘皆徵之官田松江官田畧少秋糧亦至
一百三十餘萬石計蘇州田地山灘蕩淩等共九
萬九千九百餘頃松江田地等四萬八百餘頃以
宋時均稅一斗合算蘇松正額上應一百四十餘

萬石乃增加增二百六十四萬石幾二倍於正額
矣至宣德時以蘇松官田額租太重遞減二分三
分蘇松二府減七十餘萬石巡撫周忱定均耗之
法以官田稅額灘派民田每畝稅額少者一斗九
升多者至三斗六七升不等其後又以二府額糧
太多地產米石不敷始於平米內改徵條折此地
丁等項折銀所由始也嘉靖時增江浙稅賦百二
十萬蘇松又在加徵之內嗣後江南彼倭又有額
外提編之加萬歷時又每畝加增九厘自宣德遞

減之後嘉靖萬歷復增遞浮額三十餘萬於是二府之民困於重賦我

朝平定海內悉除前朝苛政凡各省賦稅凡嘉靖以後加增者概行蠲免惟蘇松二府明代屢增之額因未經詳悉奏請至今仍舊伏查蘇州府條折兵餉徭役人丁匠班隨漕經費等項歲徵銀八十三萬三千五百三十兩零蘇州府正耗漕白等項歲徵米四十一萬八千五百八十石零其歲徵額米歷年以來民間輸納完者俱多且天庾正供兵食

攸關無容請減惟徵地丁等項每至次年奏銷之期蘇州一府民欠必三十餘萬兩松江一府民欠必至十五六萬積累數年動至三四百萬幸遇聖朝時施曠典蠲免宿逋至數百萬而數年之內糧戶日受追比之苦地方亦因承追而罷去者多矣此雖有徵額之名而無徵收之實也我皇上心周節屋洞照萬里雍正二年江西南昌府屬明初加增浮糧已蒙

恩旨酌減寬免今蘇州浮糧事同一體但從來浮糧加

額太多國家經費浩繁理難照減查蘇州地丁銀
一百二十九萬五千餘兩松江地丁銀六十七萬
四十餘兩或應酌減幾分臣等不敢擅擬仰候
皇上欽定此實出自

聖主曠代特恩非蘇松二府臣民所敢冀望倘蒙
俞允伏祈

勅令江南督撫布政司將所減銀兩作何分減之處秉
公均派無少偏枯則二府十二州累百萬黎元之
子子孫孫咸戴高天厚地於千萬世矣奉

旨覽管理戶部事務怡親王所奏具見勤求民隱為國
推恩之意正應戶部辦理之事蘇松之浮糧當日
部臣從未陳奏常塵

皇考聖懷屢頌

諭旨本欲施恩議減乃彼時大臣以舊額相沿已久
國課所關綦重捐上益下非理財之道故以不應
裁減固執覆奏凡國家大事因革損益必君臣計
議畫一始可舉行若

皇考違衆獨斷既非詢謀僉同之義且恐一時減免倘

後來國用不足又開議論之端只得從議而中止
然

聖慈軫念蘇松誕敷渥澤屢蠲舊欠以紓民力其數較
他處為多是亦與裁減正額無異也今怡親王等
悉心籌畫斟酌奏請甚為可嘉朕仰體

皇考愛民寬賦之盛心準將蘇州府額徵銀蠲免三十
萬松江府額徵銀蠲免十五萬論語曰百姓足君
孰與不足周易曰損上益下民悅無疆但愿百姓
之足時存益下之懷用是特沛恩膏著為定例俾

黎民輕其賦稅官吏易於催科可飭令該地方知
之餘依議欽此

按蘇松浮糧兩郡士民數百年來所籲天請命不
可得減者

世宗憲皇帝乃仰體

聖祖欲行未竟之深仁裁減額徵銀十三分之三載之
青史垂鴻庶於萬禩矣

乾隆元年奉

旨裁減江南浮糧三十萬

聖諭

版圖

雍正三年始知州溫而遜始

最為民便就田多寡各立自戶

一至起徵即將應徵之數自封投櫃取照歸農官

不煩於追比民不困於追呼四月完半九月全完

一年兩輸不妨生理較之均田均役不惟無損抑

實有益於

國漕米通倉

雖零星小戶亦歸一處交收

亦便民

善政

巡撫尹公繼善禁勒索以肅漕政立石永遵

照得旗丁挽運漕糧既給軍田以養活家口復有

行月等項銀糧以資出門之用

朝廷養旗丁不為不厚迨後刁悍旗丁任意橫索又

經議給五米五銀猶不知饜足復又加增五銀俱

隨漕徵給是民之幫助旗丁者不為不多乃運費

日增而旗丁之苛求日甚州縣官吏隨此以橫取

於民而領運弁丁又乘機以挾制州縣輾轉作奸

民力幾何矣堪此朘削前後從旗丁領運北上過

淮抵通原有浮費或出情不得已今蒙

聖朝洞鑒俱經裁革又犬差大員各處稽查陋弊肅清

旗丁之領運已無他費惟是應給茶果繳項等銀兩若不稍留餘地恐致不足又非仰體我皇上愛軍丁之至意是以令州縣徵收漕白米每石收銀六分以三分為州縣修倉紙張飯食人工之用以三分貼給旗丁此係再三斟酌為爾等旗丁徹底籌畫儘足敷用所有向來勒索各項盡行革去倘後仍前恣肆多勒分厘監兌官與押運官一并嚴叅勒索之旗丁立時杖斃斷不姑寬今將裁革旗丁勒索各項開列於後

一嚴禁免費除定議每石給銀三分不許仍前多索分厘

一嚴禁夾兵勒索後文

一嚴禁網司水手赴倉打攪

一嚴禁船戶勒索花紅

一嚴禁舵工親禮後文

一嚴禁收取樣米

一嚴禁勒取斛面淋尖等名色

一嚴禁通關規禮

- 一嚴禁索取蓆片加貼
 - 一嚴禁開兌演戲酒席
 - 一嚴禁運官折蓆開兌等項規禮
 - 一嚴禁運官識字跟隨家丁勒索兌單工食開兌兌竣等項使費
 - 一嚴禁運官勒取船規
 - 一嚴禁船頭規禮
- 以上各項如敢有違犯并凡有私立名色勒取分厘與受一并分別叅追從重治罪再運官軍

丁倘因不能遂欲故意刁蹬不肯收兌及州縣官不收乾圓淨潔米糧交兌立行嚴叅不貸各宜凜遵

定按交糧到官用小口木斛米升斗聽民平攬漕費折收制錢五十四文挑錢五文自江撫都院尹公定為章程後遂遵為例

徭役

明明洪武時編定黃冊以一百一十戶為里催丁糧多者十人為里長歲役一人管攝一里之事十年一

週每里編為一冊冊首總為一團鯨寡孤獨不在役者帶管於一百十戶之外而列列於圖後名曰畸零大役五年一編充南北運收免收糧等差小役十年一編充編催總甲塘長該年等差其餘在官十級庫雜役將均役編銀充催
白糧解戶

明太祖以殷實戶充糧長督催稅入京往往得召見問民病疾苦一語稱旨輒拜官當時以能充糧長為賢有相承不易者時輸遼之餉尚行海運及會通河

成而海運罷多都燕民運至濟寧以裏河船運至京師謂之轉運農民不習淮河之事多觸風波陷沒且往復經年失農時民甚苦之用平江伯陳瑄議令民運至淮安瓜州出耗脚盤駁諸費對船充免貼與軍謂之免運民猶以為不堪成化七年用都御史滕昭議罷瓜淮之運令官各赴本地水次交免而加過江之耗是謂長運而民運之苦始息然而白糧民運如故也漕卒之艘萬其食糲六師食之民運之艘千其食精六宮百執事食之乃漕卒每估其家衆而凌阻

民船以致擔擱守凍又有水脚之侵沒沿途之需索
交納之留難種種患害

本朝順治初年巡撫土國寶題準官運民困始甦
糧長收兌

運雖改為官軍而交兌仍用糧長猶困於旗丁之需
索

本朝順治六年巡撫秦世禎題定官收官兌法每石除
耗外加米五石銀五兩更無餘費十六年巡撫馬騰
陞復疏請申飭通行然後官收官兌為定例五兩三

外又加五兩謂之五米十銀

催糧候比

每圖分上下五甲每五甲輪年甲催圖內糧戶應輸
本折錢銀糧責成催完應比賠累不堪啟禎間尤甚
又一區簽點收糧一人名曰公正公正之弊或肆其
於鄉里或自破其家身家自

本朝均田均役之法又革公正名色田盡落甲役必照
田按田起役不得憑空簽報漏富差貧而里書甲催
止執書算至於催完應比另有公差櫃收倉收別點

吏胥不從田畝差派

按解糧收兌催比三項昔行差役而害及於民今行催役而勞歸於吏民懦鈍不若吏之熟習吏雖以熟習而滋奸蠹然懦鈍之民偷得息肩於田畝故寧重出免役之費忍受追呼之擾而不悔也

均田均役之法

均田者統計一邑之內分為若干圖圖分十甲甲分均入田若干是也均役者統一邑之田使各自編甲或類聚編甲以圖中第一甲當本圖一年之役至十

年而週或以本圖一六甲當本年上下半年之役至本年而週是也其法起於康熙十三年前此差役偏重鄉民以役破家接撞小戶附於大戶求為代役大戶役使奴隸謂之護甲排年其小戶田中所收半餽大戶於是異姓產業逃亡錢糧逋欠所在多有此均田均役所以奉

旨通行也迨行之既久百弊滋生有胥吏奸民在已並無田業專以他人之田或三四十畝或五六十畝或少至十畝五畝合編於一甲之內每畝收其役費銀

五六分不等又包攬錢糧代為完納以至侵渙掛欠仍屬業戶再完種種不一昔年多受困設於役今則并致累乎賦於是版圖之令行而民稱大便江南田畝其徭里已編入正項錢糧嘉靖時刊定貼役解扛銀冊平米若干派徵貼役銀若干以付本色折色起運之人久之吏胥侵蝕掛欠賠墊至崇時禎時仍用糧長起運而條項不革遂為定賦隆慶時巡撫海瑞行條編法

通十歲中夏稅秋糧存留起運額若干均徭顧役里甲土貢催募加銀若干彙為一條總徵而均支之其法簡約畫一
是役併為賦不應復有役也近年所謂役者如撩淺作壩修築煙墩營房橋梁道路城郭官舍以及水陸木柵之類皆飛差而已然自版圖以後每畝祇徵軍工銀三厘其餘悉支國帑而民不與今我皇上御極蠲積欠減浮糧軍工一項亦奉革除而民並無飛差矣

附屬隸始末

鎮地向屬常熟縣為吳北境吳於春秋後或屬越或屬楚秦西漢置會稽郡順帝後為吳郡郡所領縣皆以吳縣為首而吳縣實兼有長洲常熟之地漢置司鹽都尉於海虞西北南沙鄉三國吳析吳縣之虞鄉置虞農都司尉司鹽詎奸農殖穀都尉分治有軍伍防禦晉太康四年以虞鄉為海虞縣元常僑立州郡割海虞北境為南東海郡成帝咸康三年罷南沙都尉而立南沙郡時兩縣並建南沙在西北隸晉陵郡

海虞在其東南隸吳郡今沙溪其地宋齊因之梁天監六年改南沙為常熟常熟之名自此始隋開元九年廢信義郡并海虞於常熟隸之蘇州時改吳郡為蘇州縣治合而為一後稍分其地入常州而常熟治南沙如故唐武德七年始移治海虞城即今治所宋政和間陞蘇州為平江府常熟自緊縣為望縣元政府為路常熟以望縣例陞州明洪武二年復州為縣弘治十年割東南雙鳳鄉入太倉州鎮地屬州

附太倉田賦議

黃忍庵先生曰太倉自明弘治時割崑山常熟嘉定為州田皆濱海不任耕而規則紛更易為奸利嘉靖時畫而歸一寢尋至今賦益增加而其害不可以勝語請備言之宋元賦額崑常嘉三邑止三升遞加至時明時已四倍太倉以墾身斥鹵與腹內平平田一體輸將此太倉之苦倍於蘇州也崑山所割一十七區惟七區稱沃壤餘皆浮沙瘠土而糧與七區同常熟海濱之區科糧一斗九升今三十八都尚循此額三十九都改隸太倉為二十六二十七三十八都則

增科至二斗八升嘉定土高仰不種稻萬歷時奉議減折獨信義樂智二鄉等一墾身而割隸太倉隸則起運如故此太倉之苦倍於崑常嘉也太倉之偏苦如此而昔時尚可因沿者以土產木棉之利可以支梧今則齊豫皆捆載而南貨多用寡日賤其直祇恃閩廣之貿易少資織作而又百無一至盡畝畝之獲朝夕且不支其不能清理賦役之事也審矣盍以明特會計詳核之可乎明季有練餉均糧溢地等加派名色總計每畝猶止一錢有零今條徵至一錢四分

有零蠲免地丁尚比明季全額此非正額之加而有踰額也祇以

國家之經制則錢糧雖有開銷無容減額凡額內之虧欠與額外之折耗悉入里徭之故今雜派各項有之而時值銷圩則其如派為尤甚太倉二荒區歲有拋荒七海區歲有坍沒又營房墩堡橋路歲有公占三次銷圩共去田一百四十餘頃其間有開除即有加派區蠹吏胥遂以荒熟高下任其心手一時減則未必真係坍荒而以所虧之額分派熟田一州已受加

則之累二十年間一加賦一銷圩加至五合有零一畝是將安之止然而銷圩之虧額僅加於已米數尚不多而辦料之增價解部之增費迭加於里徭不可計數凡折本之賠賂皆出於民則夫民力幾何也順治時部議錢糧照萬歷時徵解審若此者皆所宜裁而重困或其少蘇耳否則緩徵之說其尚可酌行乎向來八月開徵至四月停征今于二月間舊課將完即比新課新舊交征應比無策至於毀其居童其墓離棄其男女皆髓盡膏竭而不能一措之故也歲稔

不乏抵撐一遇災荒日加筭撻徒畢小人之命而無補於國課或徐圖之其尚可為也當此民力摧殘喘息纔屬一少需間而養民之術畧具牧民者盍思所以養之也而民其稍安乎雖然以太倉推之恐蘇州松江之錢糧其亦可慨而知也

附太倉考

黃忍庵先生曰太倉古所謂東倉也自勾吳以後皆謂之東倉迨宋元時始謂之太倉今太倉州即元崑山州太倉名甚古第自明時建州始以名州按東倉

始春秋吳王時吳都逼於海建東倉所庸有之越絕書云吳兩倉春申君所造建周一百八步楚封春申君於故吳墟因建都率仍其舊而更新耳晉書顧衆傳賊張健等據衆自海虞從婁縣東倉與賊戰敗之曰從婁至虞即此地也迨宋郟氏曰始云太倉大抵宋時即改稱元朱清張瑄從太倉行海運繁盛以時著延佑元時年浙省叅政高昉奏請崑山移治太倉按元李光孝記曰崑山陞為州後徙治益東僅一舍地舊東倉上官震記曰吳郡屬州曰崑山其東一舍

而遠曰太倉則太倉即東倉也益信四年知州王安
貞鑄鐘文曰崑山州太倉鎮是徙治後太倉名尚存
元末張士誠撤崑山築城據守之迨明吳元年立太
倉衛弘治十年始割鄰境地立太倉蓋太倉以濱大
海千百年間或海運或海防輒為東南險要地特以
勢阨愜故鎮而衛衛而州皆積漸以加太史莫之詳
今次其畧如此

沙頭里志卷二

里人曹一庵先生修輯

徠亭陸松齡鶴芬增訂

街街

街本作弄通衢曰街分巷曰弄

塘北街 西自黃家橋起東至陳智涇止舊俱南北夾
屋今西抄黃家市南北屋俱廢存十之一東抄吳家
市南屋廢北如故

街

天壇街

北街

小街

一名秀水街

郭家街

邱家街

新街

鄒家街廢今

高真堂街

糖坊街北街轉東

桑家街

塘南街

西自船埠起東至曾家橋街轉南向東至魁

星樓止舊西抄南岸本無屋今北屋亦半廢東抄魁

星樓街半廢

街宅南街

庵家街半廢

曾家橋街

金家街

鄭家街宅前街轉東

南宅前街宅前街轉西今廢

分巷

南宅前在塘南街曹氏世居於此式廓成街今廢

黃家市在塘北街西抄黃大叅通族創今廢

曾家市在塘南街東抄魁星樓頭是呂氏創其先繼外氏曾故云

吳家市在塘北街東吳氏創

倉上曹憲副宅後遷於城以作宅後將任宅作倉故云在黃家市今廢

窰上在吳家市西呂氏宅昔曾建窰於此故云

漂白田頭

前場後場在北街昔郁家宅

以上俱在鎮

墨莊在鎮西三里相傳晉

小市在曹家市東南半里

蘇家灣在黃家市西蘇

水潭頭在李王廟西李

井亭頭在延真道院後

沈店橋頭在鎮北三

唐橋頭沈店橋北三里顧

曹村鎮北十里有兵馬石溪曹公

劉家市在漕頭塘在穿山北

招賢里在塗松桑悅

以上俱離鎮

橋梁

黃家橋鎮西黃家市跨七

通津橋俗呼宅橋相傳橋傍為元末蔣氏宅故名弘治

及昔三中之一雍

桑悅記

太倉新建州治管轄數市鎮沙溪鎮其元時統數

浦為命河海虞鹽鐵昆湖蕩流均以浦瀉鄰渤澥潮

汐不爽刻浸灌民田以千頃計其流迅急稍貳呂梁
龍門有橋卧波歲久面材巨木朽瘠瘠如雀其文瑣
裂如蒲蘋足柱日戰澆淖泊將腐噉不支然由橋達
州治者日不下支趾萬通橋恒聞萬砧杵聲橋實喉
舌於州一息不可頽廢湖廣之棗陽李端侯由名六
察守吾州州既調 年秋七月下旬適郊勸農
駐節於鎮致光州守葉君預與侯有同年雅侯首晤
之葉君邀予與鄉進士瞿君剛侍奉樽俎侯詢民瘼
僉首齒橋侯徒步觀之攝上危下若古丹青圖彭祖

眠井狀惕慄久之召鎮之潤室勸其舉羸濟厥事衆
素服清德無隙貢忱至是樂輸踰己得無故重利者
侯留寸晷人獻日一語一唾飲炊羅焉卧龍歸鶴已
在工匠集焉因命吏簿數以往既而閩之淮安周侯
明起家科第常山教考績擢同知州事侯遂牒周侯
料理茲橋周侯兩親至鎮以厲言代夏楚以溫言代
賞勞未幾實其數焉侯與周侯擇能者執工役捐者
主進典術瞿紳 民黃恩盡心所事任怨忘己橋鄰
殷思善慎納無毫髮私經始於今年九月四日次月

對日落成澗丈有四尺長二百四十尺為洞者十面
堅足固衛以朱欄並舉四輿並乘五馬並行偶語五
十肩橋舊名登津侯曰山可登水不可登浦朝宗弗
湮盍易登為通橋之南北俱以華坊高揭其名鎮益
增數倍嗚呼茲橋之成功鉅費大不易措手今不踰
月斷虺爛蟒霍然一空倏爾蜿蜒凌空無畏鳥鵲所
造魚鼈所就者果易得歟初橋之未易羣羣而來逐
逐而往者日圖倖免設有崩折劫之所遭必有不狂
而蹈湯火無故而服砒鴆無罪而就東市者今皆舉

之安全長生之域禍伏於無形銷擗以豫人知其功
否耶裨益造化以全民生以厚民用我日為之人知
由之我之與人兩忘其功四海一水一手建極民賴
以濟亦建一大橋也昔周禮防民之溺設官曰萍民
禁民遊川者以類充之極敝危於茲橋今橋既塗不
知有水使萍氏若在必弛茲浦之禁由是觀之凡有
建立合能合先王之意者又何屑屑於既往之跡哉
且韓昌黎作方橋詩有云非閣又非船可居魚可過
君欲問方橋方橋如此作識者味之謂其有經濟才

侯夙操風紀以忤而阻天衢奮翼自通周侯律已臨
民不愆東萊居官三要大用可卜經濟之才皆當於
身見之而茲橋之建未必不化為昌黎之方橋也余
卧病林泉叨當問史之責成橋鄉之大事例當特書
遂為記橋之顛末如此合謀以相其成則節判堂陳
侯文寶蘭谿龔侯克成黃梅黃侯邦序吏目安定楊
君善皆當登其名字於石庶使後之從事者有所觀
感而修廢墜之不容自己云例書輸齋者之姓名於
碑陰亦以勸後之好義者以幣踵門求予文者則感

組沈天與等若干人不能悉名

新橋

通津橋東向木崇禎甲戌易
石一洞北塊造更樓今廢

永興橋

新橋東呂氏建不久廢雍正
六年里人募建名中市橋木

孩兒橋

元時建鑿獲
兒百數故名

州志成化間湖水泛溢有妨水利巡撫周公忱檄府
拆毀易以木郡志云在塗松或云通津橋基或云即
黃家橋未詳孰是曹一庵云正統七年吳中大水繼
以七月颶風各處低圩岸塍俱被衝塌周公奏請取
水利等官管修田圩開通河道拆毀應在是年云成

化者疑誤

庵橋

熙以長壽寺得名向木康熙乙酉重建易石一洞

義興橋

俗名曾家橋州守劉侯世龍以鎮封君曾彪如義諭令創造塊石中木康熙間重建易石一洞

長不及昔三分之一

吳一鵬記

吾蘇地在東南最下凡洞庭諸水多自戚浦以洩於海太倉鄉鎮曰沙溪者實臨戚浦去海漸近潮汐水波為橋重煩料理州守劉公世龍臨鎮視曰鎮東隅尚宜一橋鎮有曾君彪者平生好義劉公乃召諭之

遂出己資建橋兩岸石築各長一丈五尺濶一丈五尺四寸翼以欄杆落成於嘉靖甲申正月十八日名曰義興橋義興之東南曰姚涇東北曰茅涇又各建石橋一茅涇曰橋曰永安姚涇橋曰獅子因得一石獅故名夫橋梁王政之一端有司之要務也若彪者好義可嘉因為之記

五龍橋

東市稍康熙四十年造木

陳搏橋

跨北橫瀝相傳希夷曾憇息於此故云一名陳段橋陳段二姓造雍正四年重建易石

後場橋

陳搏橋北郁氏造木兩塊易石

油車橋後場橋

見龍橋延真觀右向木康熙間

三元橋延真觀

黃泥浜橋沿咸浦石。在甘露

陶家橋跨木杓。呼中市橋為陶家橋北街中今橋面尚卧

馬不知一而二者也

更樓橋跨圍溪。更樓今廢

柴長涇橋乾隆四年造。長妨舟楫往來增石重建

薛家橋跨市。按橋亦在塘北大街

獅子橋跨姚涇。曹家橋南轉東亦

永安橋跨茅涇。嘉靖三年呂氏與義

界涇橋跨石界

周涇橋跨周涇

吳家橋跨陳智涇。吳氏

方莊浜橋跨方莊

太平橋跨南橫。涇

栢木橋隆太平。建易石乾

新觀音橋栢木

北姚涇橋高真堂

顧家樓橋在二十八都十五都合界亦名紅欄杆橋。俗名東塔橋。

以上俱在鎮

塗松橋跨浦戚木

白米涇橋跨俗誤白米涇州志畫圖作東橫涇俗誤白米涇沿戚浦陳氏建石

招賢橋在塗松招賢里見延真道院碑記今廢

三里橋跨白米涇陳氏建

青石橋在穿山北元至正元年誤十六年建

以上俱離鎮

王峯顧文康公白沙溪之俗務本敦樸濡于聖化者雅號仁里

風俗

士脩品行勵廉恥敦本畏刑動循禮法非衣冠不適市家雖貧不親負荷至於訛興扇訟酗酒惡習向有之則屏迹矣

農人耕種大率花多稻少輸租之外家無儲粟惟賴二麥以為貨用布衣蔬食自安其分農事自盡力於耕隙則男女紡績無游手游食之習

養真陶氏曰鎮地延袤可數里多富家巨室其縉紳學士幾當一州之半為士好文章習儀觀濟濟相望而

民之耕於野者亦勤稼穡謹財用有蟋蟀伐檀之風人稱樂土

百工多來自遠方治宮室玉石金錫之屬鎮人亦能為之者但不足以任重雖小有興作則役之而已

鎮人少居積惟本土所出之貨客商自他方來販者坐

列主價謂之行家其有六陳買賣即於鄰近轉移無

經年遠適者也

按今近亦有游者或為師或為幕嘗數千里而遙越五六年八九年而後

反或有沒於外者此不與客商論

舊志云市風不良惟牙行為甚鄉

人攜物入市去遠接代為交易十抽其一名曰用錢

然相沿成習無足怪矣

凡平民多喜事亦憚事子弟各安本業不充衙役不為

優伶同鎮往來俱和好惟迎神賽會則界列東西彼

此如敵然好鬪而怯訟卒亦化為無事

富室前代有蔣老相鄭五郎

其積鏹有九缸二十七八名

最為侈麗

二人姓

今則萬金餘之家指不多屈要亦知稼穡之艱

難雖稱饒裕不事紛華

按吳思庵曰沙溪異時民居櫛比崇閭傑屋以貨武

斷於鄉者不一姓然一二傳而輒至顛儕獨以善積

者越數世未艾

婚媾多循禮亦從俗納采曰求允納徵曰行盤請期曰道日無納吉而有催妝送女出閣則有踏甌之儀娶婦則有跨鞍襪定煞座床撤帳之日三朝廟見滿月歸寧富者以華贍相高貧者不以質素為恥若貧甚則一帖為定便擬過門雖廢禮不顧也

喪紀雖詩禮之家必用僧道葬信風水恒失之暴露貧者或火化葬不衰麻制中慶賀刺書從吉

喪之濫習莫甚於鄉村一家有喪吊者聚食擊拳暢飲

不醉無休極貧之家動必數席甚或數十數百席其費倍於喪事苟非責諸地方遇有此等立即報究其風豈能自熄是所望於特世道之君子

祭祖先以節祭不立祖堂設祭於寢器無定數品無常物雖褻俎亦陳中元日祭多用素華者曰往觀蘭盆會俗尚祭神凡染病則牲牢酒醴禱於神廟名曰禳

災亦曰保福甚者信女巫濫禱常至破家

三四月間鄉村社會捏神示榜通衢家斂束楮華軒綵

仗爭奇炫麗

近多馬匹結綵亭故

舟神像押後至橫涇

陶養真家有祖堂祭必四代必四仲月器有定數物有定品褻俎不登行禮必質明祝必以文子簡昌外孫顧雅倩並遵行之

東嶽廟曰解黃錢

前代無此風始於順治間

亦有解本鎮玉皇廟

者男女聚觀喧闐道路曩時演劇酬神必架高臺近則神廟儀門各建戲臺惟鄉村尚有戲臺之風

閨門多整肅無遊觀之行鄉村婦女農時俱在田首冬月則相從夜織惟正月十四五四月八日北院燒香若必不可已者

前代科第不絕同時嘗六七八人少亦四五人本朝自順治己亥捷禮闈者不一見即登賢書者亦不多觀豈鍾靈之不厚歟抑人功之不力歟願生斯土者讀

書積德以俟之而已

節序

正月一日舉家夙興盛服先設香燭果物供上下神祇以祈一歲之福次懸祖像神主於中堂亦如供之然後各相拜賀次及親族鄰友婦女以柏枝染翠刷絨簪之挿冬青柏枝芝蔴莖於簷垂簾不市三日後開張汲水

侵晨占風云自東南來歲大稔東風次之東北又次

之湖一說歲朝東北五西則歉西北有紅雲氣則稔白

黑則歉

立春日喜晴暖寒則主水

五日記五路神以祈利達

七日謂人日晴則少疾疫測月影占水旱傍晚候一月初

之表於地若影五寸為中正則雨
雨暘時若有餘則主水不及旱

八日為穀日俗呼上八看昴宿去月幾何謂之參星過

月則主旱否則主水俗云有參星方有紅燈
潤詩曰星中參宿賦紅燈

九日為天日鎮人多早起往玉皇殿燒香是日道家於

殿中誦經禮懺謂之賀慶帝誕

上元日家和米粉為丸祀竈又煎粉餅日油堆或相遺

餽為節食市中架竹為棚懸燈掛彩金鼓徹夜自十

三日始以糯米投釜曰卜流蓋卜流年也俗名爆田

家以稻草繫竹竿燃竹徧走田間日照田財火光紅

主

十六日夜老嫗多率婦女歷三橋今夜改十過三橋可免

百病又名走百病

陸評事竹枝詞 細娘分付後庭難不到天明莫要

啼走遍三橋燈已落却嫌羅襪污春泥

二十日晴則棉花有收雨則歉風自北來主花價賤南則貴譏云雨打正月棉花不上担

二月十二花朝兒女以紅紙條遍貼花樹曰百花生日

土風紀謂花朝二月十五日江浙春序正中十日百花競放故名常言花朝月夕則八月十五夜也今以

二月十二日謂之花朝月夕不知何據是日晴則百果熟

三月三日聽蛙聲占水旱語云田家無五行水旱卜蛙

聲蓋指上巳日也午前鳴主高田熟午後鳴主低田熟

寒食清明前取麥葉簪之清明插柳於門戶具時食酒

肴拜掃墳墓兒童放紙鳶以是日止曰放斷鷄

立夏日食燒酒麥蠶豆蚕豈青梅子曰炷夏食後不宜坐檻諺云

不炷夏

四月初八日釋迦誕日北道院設齋傳經名曰浴佛會

是日鄉村婦女陸行水載老幼咸集鎮中人士競往

嬉戲遊竟日是日雨則傷小麥諺云小麥不怕神共鬼只怕四月初八夜

裏雨

十六日視晴雨以候歲晴則水大雨則旱惟陰雲為佳

芒種逢壬為立梅夏至日以小麥蚕豈等物作粥曰夏至粥亦以祀先次日為時

農家占雨晴植禾苗俗以芒種日後為梅雨夏至日後為梅雨夏至

節後為時分頭時二時三時其初為迎時雨其末為送時雨中則為中時腰爆低田大忌三時雨或又以芒種後遇至入梅夏至後遇庚出梅如芒種後五日遇梅高五尺如十二日遇梅則梅高一丈二尺物之高低過此則不蒸濕也

五月五日各家包角黍用蘆葉中用糯米赤豆餠送飲菖蒲雄黃酒雖貧必買石首魚食之或為艾虎懸門又取蠶繭剪虎簪於髻兒女以綵絨結符牌簪之小兒繫綵於背俗名雄黃袋貼畫符於中堂以為辟邪龍舟競渡人多往咸浦觀之

十三日為白龍生日俗云白龍曝娘必主大雨亦曰磨刀雨下

則無瘟不五月內忌甲申乙酉日雨雨則大水諺云雨則有瘟

甲申不動車輪又云甲申猶可乙酉難當一歲甲申有四季春雨甲申米麥如金夏雨甲申不動車輪秋雨甲申牛草論斤冬雨甲申雨雪淋淋

二十日為龍日前此夜必徧及自分龍後或及或不及

若有分之者諺云夏雨分牛脊烏鵲濕半背邊崑山日日雨常熟只聞雷又云分龍次日雨

主豐年又云二十分龍廿一雨破車安在衙堂裏二十分龍廿一吼拔去黃秧種子豈夫分龍者按東南

西北中五龍惟亦龍不分二十日東北風則分青龍南分黃龍

六月六日早起看東方有紅雲氣則蒲包貴諺云東方赤紅十分

收幾分紅則棉花必有收成黑則歉初四十四廿四

各家以麩餅祀竈

七夕為浮瓜沈李之晏婦女向月穿針乞巧

立秋日食瓜或以赤豆七顆和水吞之以防瘧疾是日

忌雷

諺云秋字

秋後見虹為天收

秋前吼上

雖稔亦

稍減

中元祀先特謹道

今僧道

中元為地官赦罪之辰僧舍多

舉

居孟蘭會盆處暑日宜雨

諺云夏末秋初

一劑雨賽過唐朝十斛珠又云處暑

然若還天不雨總結實也無收

二十日雨則陳花貴晴則新花易出有收

諺云二十日雨謂之百倉

空無雨
倉不空

三十日地藏生日甘露庵仕宦及士女進香者極盛是

夜各家燃燈於門首着地名曰幽明燈

諺云點則地獄明小月二

十九夜

八月初一日取露和墨點小兒額上以祛百病曰天灸

中秋日玩月以月餅餽送庭中設高架焚斗香好事者

笙歌酒席徹夜不休是日雨晴占來歲上元陰晴良

驗

諺云要知來年田福熟須看今年八月十五望後六又云八月十五雲遮月來歲元宵雨打燈

至月底不雨主來年夏旱

二十四日以秫米為糍餌祀竈

九月九日飲菊花酒各色米粉和糖相間蒸之曰重陽

糕家必食晴則冬無雨雪諺云重陽無雨一冬晴

十三日為小重陽宜晴諺云九月十三晴釘鞋掛斷繩又云十三晴不如十四晴又云

初十為小重陽

霜降日霜見則穀貴小雪日有雪賤則穀賤諺云未霜先霜糶米

做霸王

十月朔日再謁墓祀先

十一月十七日為彌陀生日早起占風東西南北風俱主

諺云吹我腮有米沒來頰吹我面米不賤吹我背米不貴後二日為葶藶風與前風一體占

冬至後三日戊為臘臘前三番雪名曰三白殺蝗遺種

主來年稔家春一歲糧藏之藁因謂之冬春諺云冬前不見水冬

後凍殺人

十二月一日乞人始偶男女傅粉墨粧為竈王竈婦鍾

馮持竿劍望門歌舞以乞亦儻之遺意云

二十四日拂屋塵曰除殘各家祀竈以篝為竈神轎座

積薪焚之門外諺云廿四上天除夕歸殿

除夕祀神接竈祭先易桃符更春聯畫灰印象弓矢射崇象困國

祈以炭倚門焚辟瘟丹請井泉後封飲守歲酒名合
是夜不睡爆竹聲徹夜至曉不絕以冬青柏枝挿於
門簷以辟瘟疾

物產

棉花鎮地多瘠收遜他方棉亦輕俗謂之衣頭近年多
種墨核核小而黑其衣頗重每淨花一斤須子花
半二斤

大豆青黃赤黑俱有秋收後蘇郡人
來收多不數石較他處稍貴

田草一名金花菜他草多害穀此草堪作釀其利與麥
等農人不種麥即種草故春熟曰菜

麥亦曰
菜草

靛青鎮西沿咸浦畝田多種
用以作染名曰青秧

西瓜出鎮北蔣家畝俗呼蔣瓜又名着
皮紅小暑內熟其價倍於他處

梅有數種惟消梅為上鎮
北蔡氏宅可蔭二十席

玉世貞及殷無美飲蔡氏古梅下詩

銅坑萬樹看不足沙頭一株春可憐霓裳點淡月初

上玉麟歷亂春風顛驕同白雪酬先輩恥向繁英媚

少年但使酒亂苛亦得不妨今夜藉花眠

又大樹梅下仍賦近體一律

二月已破梅始開千枝萬枝白毡毳初疑露壓羅浮

小忽憶寒從隴首來素腕不禁愁裏笛玉顏偏愛掌
中杯向來曾醉叅橫夢惆悵誰當水部才

白枇杷無核而

青脆皮肉俱青熟時轉白味極甘美而鬆

紫李一名粉李外如傅粉此常李大而甘他方來驚者味迥不及

黃李鬆脆而甘比他李晚熟

香李形如小柿皮紫肉黃香味絕勝

蠟櫻桃色微黃味勝朱櫻

方蒂柿蒂正方柿形亦方味極美他柿不及又一種罐柿其形如罐亦不亞於方柿已上七果出陸園

廢今久

麥冬出慧華法華二庵近年園戶亦多種者

菊花州素推鎮為佳自順治間屯兵數年種者遂絕

芍藥墨莊陸氏最盛今廢

毬子木樨一作毬枝花開如毬色較赤葉如鋸齒在鎮園中俱有

陸氏園中有桂二株相傳元瞿月焦先生植周數十

步幹如虬龍其茂着地一在崇禎間為海風所圯一

留如故每秋花開爛漫遊者絡繹陳於潮詩所謂沙

頭多老桂秋風競吐萼陸園最擅名天香滿籬落是

也雍正初受傷於雪不久遂凋尚存三株業亦百餘
年下可蔭數席猶為一鎮之冠也今已折為薪矣又
載園有十餘株皆數抱濃蔭方數畝後售畫師包鈞
字石湖中蓋一亭花時坐其中如登仙界今亦廢
斑竹謝園最著名

康熙乙卯 聖駕南巡駐蹕吳郡時造斑竹船以備
上御需用桅竿兩竹鮮合式者來沙頭謝園得之用
二金購去

戴毛鷹即桑扈也肥美異常

鶴鶉

鰻魚出咸浦潮水中比湖產者佳

麥吹風小魚無鱗骨味最佳

時鰻殼軟而薄梅雨後最多名帶子鰻各支河俱有

鰻虎形類土附兩腮紅米候方出

乳餅城鎮出者佳

寸糖 酥糖 裂糖向出王姓者最佳今所製者不及

白酒俗名靠壁酒言藏之已久也

王世貞飲沙頭呂氏酒詩 掃地人間色味銓自將

真趣媚丹田從教揚子中冷水不及沙頭第一泉

棉布

有十室而五閩人之別紫密耐暑名沙頭布男女魚織

一年間每疋限官尺十九尺五寸潤九寸五分細者

名曰大布小者減三尺五寸名曰小布然以粗細

萬

淨花

八月間收子花去核閩人到鎮買去核存來春

二十家每日裝載去者一鎮動必一二十担蓋客

公道待客檢約自處者起家不一姓獨事紛華者輒取其敗

沙頭里志卷三

寺觀

靈寶寺華嚴禪院

在塗松唐肅宗乾元初僧普定建今廢

法華庵

在塗松唐高宗龍朔元年僧秦和建庵前有銀杏二株最古

龔挺詩

龍朔於今知幾年相沿古刹尚依然東傾

來去滄溟水西障有無鳥日天銀杏木妖經霹靂塗

松路繞起炊烟老夫猶見烽烟日軍竈還堤血滿川

呂楠詩

古木立西東森然表梵宮門開黃葉裏僧

老白雲中日色沈三徑秋聲起半空萬緣俱放下畧

與佛心同

靈寶長壽禪寺

在鎮薛家橋東首

鄒亮記

吳郡人將仕郎南京刑部司務。賜進士。經筵侍書。順

天府丞雲問夏衡篆

沙溪距常熟縣治東南八十里餘元至元壬辰佛光雲峯禪師泊弟子大通築庵於此以統祝釐祈福名曰長壽閣歲滋久日就頽侈國家永樂間原道基公來蒞茲庵慨然以興作自任殫慮悉力聚貨食鳩工傭積財材甍諏辰叶吉以庀事首建大殿以安靈

揭虔而三門兩廡庖廡庫庾坊序咸秩外統修墉環植嘉木其中像設莊嚴鐘鼓旗幡完好整飭相其後者法嗣昌遠彌祖堂隆用明永邑人陳元錫捐貲樂助焉先是工部左侍郎廬陵周公欽承上命巡撫江南諸郡夙夜勤慎摠忠推誠祇宣德意所過之地春融澤潤人物熙皞遇梵宇傾圮者即加繕緝蓋信其道能隆國祚而善民俗也正統乙巳夏五駐節茲境既嘉原道之用心元錫之好施復以寺擅沙溪勝概而名額未著乃閱圖誌得傍近靈寶寺廢趾故額俾

祖堂申請禮部合而名曰靈寶長壽禪寺初宗教者
仍檄祖堂主其法席祖堂乃礮石求予述其顛末竊
惟世降道衰風漓俗簿寇攘奸宄紛然雜出故大雄
氏設為慈悲之行隨方應機開導誘掖復還醇厚誠
非駭炫流俗而已是以其道行乎中土久而彌盛凡
天下名勝之境咸建幢紺殿寶坊金碧粲壘交輝映
綵照耀耳目焉洪惟 聖朝廣興禪教謂如慈雲之
覆憐慧日之照臨法雨甘露之濡沛能善者勸惡者
悛刑罰可省豐和可召不其然歟原道具融明性宏

堅固心精修進力汲汲然興仆起廢固為不易况遇
大人君子加意宗乘光敬梵教遂致茲寺煥有新額
儼然為名利其徒得以况延壽聖康福黔黎其用心
良厚尤為不易也庸書此以告來者復繫以辭曰於
惟釋氏挺生西域元風攸暢流行中國有來白馬其
文斯譯冥叶化祇毘贊皇極苦海衆生嗜慾惑紛
攘驕虔靡知止息迺運慈航拯彼沈溺大千沙界咸
蒙利益沙溪之濱粵有法窟湫溢弗稱曷彰靈跡原
道戾止恢其愿力載經載營教基愈闡華構莪莪穹

皇夾夾虹梁絢綵鸞簷跂翼金相玉容明光燿赫龍
象駿奔人天愉懌猗歟周公顯顯令德覃君之仁沛
君之澤睠此精藍規模踰昔式究厥圖爰改新額聿
戒緇流梵唄昕夕仰祈睿算彌千萬億作此銘詩昭
薦金石是道用光永永無斁

陳蒙詩 寺門流水隔塵囂方外高居俗事消竹徑
寒雲蒼雪擁蒲床風細篆烟飄六時仙^梵飛花雨半
夜溪聲應海潮新結白蓮池上約幾番乘興不須邀
周廣詩 放舟窺東溟偶復接梵宇月色浮怒濤鐘

聲度芳渚洗心悅有覺對語愁無侶清宵了不寐疎
桐半窗雨

延禧萬壽觀

在鎮西天壇街北

元俞焯記

延禧萬壽觀在沙溪南戚浦之陽實惟延祐五年鄉
大姓盛景韓氏創以安貞游奉先祠為民集齋祈國
景年也先是四十四代宗師王道孟氏住茅山中掌
教籙以老子法開度東南授玄符學者景韓氏尸而
祝之棲山中不忍去因嗣其法改名大玄歸為開山

師融結妙果由延禧而拓大之既又得善繼者李天節氏俾奉祠於中教門高其事上聞於朝龍光烏奕璽命維新賜額延禧萬壽觀賜號開山崇文宏道玄靜法師正一教主元教宗師仍命天節命甲乙主持觀事加號教門玄德真士凝妙先既十有一年大玄壽八十有四將委化而去命割腴田屬其子君瑞等以千畝籍入之事具於官給憑授天節積成所入以薰以修天節懼後人一再傳之後不度以懈命其弟子王得善來以予請予惟方外設科群百氏之家雜

處夷居殊方異好非若聚族之民為有倫類相聯屬也故凡十方曰常住者一或無人闕彼攘此非惟與出世之意殊無相似其視昔之田畝如無所與之廩宇皆得以力而有之者何惜乎存亡而加之意哉惟甲乙家師資一門以似以續如子承父延天之福與國咸休使或一是以為心焉將以護教如家者吾知所存有以事帝於天矣極爾匪懈於昏保之祝釐受福莫非自己有以延之者雖龍漢為年為家可也是為記

延真道院

今在鎮北橫瀝之左。昔院前大街通北街。今更樓橋北犁為田矣。獨王氏園尚在。

林復貞記

道常熟

道院舊在縣東一百二里曰塗松。宋淳熙間宗室趙伯正建。請道士趙之機主之。至元丙子厄於鬱攸場。谷王鍊師改築於西三里曰沙頭。今院是也。師歿其徒葛善信高善性以師遺帑一新。締構殿堂門廡。煥然天神之居中。奉玄天上帝西奉青宮神者。東祀天中大神。南闢大門以嚴。逕術北建茂清宮。以來雲水遂成一方士民禱祈之所。令沙俞焯記之。嗣其派者

則宗道高公也。洪武間歸併道流。尋廢弛。今上嗣位。首布綸音。古額道場。復其舊宗。道既歸。慨然嘆曰。吾徒以善道化人。而茲鄉之好善者眾。詎可坐視而弗振乎。於是首捐己橐。為之倡。而募好施者助之。歲乙酉。始建茂清及斗真祠宇。越六年作正殿。又四年作山門翼以兩廡。至庖廡等屋。亦不無不具。重塑玄天上帝三官三清天星尊斗星之未加粧飾者。棟樑節稅之未加繪畫者。悉如法莊嚴具大方之體矣。計其功始於永樂三年乙酉。至十五年丁酉。凡涉十三年。

寒暑而後訖工不其難哉鄉之耆老昔有過其門者
見瓦礫榛莽莫不慨嘆今也金碧之宇交輝相映輪
奐一新視舊有加則又莫不欣艷宗道具始末乞文
登石以告來者予聞吾教以善俗化民陰翊黃度故
歷因之而不廢為其徒者捨至親以入清淨無為之
教不以祖師香火為念是異其教也今宗道殫心竭
力以興復之後之來者其可邈焉而不思善繼善述
者乎予職在典教斯邑有規之義茲記其成績故舉
其要以告之為其後者當念之哉宗道字孝先閩人

從叔祖福源高公來吳遂為黃冠云

沈魯記

成化辛卯重脩

當宋南遷宗室默庵趙之機於淳熙間創延真道院
於塗松里元世暘谷王倫徙沙溪之北高善性承之
代有增益壯麗甲於東南至正間毀於燹國初高志
道結庵居之其兄子宗道自閩中來訪遂繼處其席
以興復業為己任勞身焦思不日不暇給其徒吳碧
山高碧山實左右之是歲乙酉凡十三寒暑始克有
成中為大殿像設玄天上帝翊以兩廡夾處諸史列

職前有靈星之閣後為退藏之所園池外週林木環
護迴乎塵鞅之隔絕而粉糝之聲無從入也訖工甫
爾而師徒相繼去世何守玄念師開創之勤二兄協
謀之力不得一日安處於此而已獨享其成績日月
滋邁而輝耀有剝落者焉嚴飭有頽弊者焉怠則日
就不理而廢墜從之矣於是早夜勤勵其後翁承裕
曹承禮郊成祚相與收拾貨資靳惜不妄費孜孜汲
汲歷年而殿宇節廡木石以新易舊之弗勝者像塑
綵色供具以飭易蝕之不典者師友恭敬之或不慎

焚修致敬之祝之或弗虔創繼艱難之或弗惜則後
人無所持循而先業何以能永必有以記之庶得其
嗣之介鄉貢郁君宏德乞余言為規益夫物理之隆
替莫逃乎數而亦係乎其人若材之堅厚則致用可
久輕脆則容易隳壞此理之必然而非定數所能預
天下莫不皆然豈獨材之為愈創繼相承亦惟得人
之為愈百年前兵交於吳環海之民殞於鋒鏑之下
暴骨如莽居室無遺堵而老氏之僅存者不能什一
若茲院之廢而復興雖地氣有所息運數之復還亦

惟人力有為也宋元及今已經變故爾高氏亦三世
紹復先人之緒其嗣法者又相為戮力以底於完美
如是而歸之數乎歸之人乎歸之數則坐待其廢而
無興修補葺歸之人則責任有不得辭其責焉始末
可以論定也前輩方外士應出乎不容己而從事畢
則泊乎相忘於無為然其為遺跡委迹必藉後人矜
惜以延流於無窮焉余為撫其概致屬以激厲之而
俾嗣孫葉元中勒之貞珉立乎宇下
舊志院內茂清
玄隱二堂先達

多讀書
其中

城隍行宮

一在延真院東偏。堂後有樓三楹乾隆二
十年後改造穿堂二堂寢宮前戲臺乾隆四
十年重建規模踰昔。一在高真
堂內。戲臺乾隆三十八年建

東嶽行宮

在延真院右方前殿乾隆年燬於火
甲辰冬道士王瀛洲募化重建

關帝廟

在延真院右方中
殿崇禎年間建

按祀典當稱漢前將軍漢壽亭侯壯穆關公 國朝
雍正三年追封俱封公爵曾祖曰光昭公祖曰昌裕
公父曰成忠公官其後博士州縣皆建祠以太牢致
享 今封武聖人榮封五代

白龍庵

在威浦之陽宣德間有白龍入
庵蟠母頂至則雷雨大作今廢

玄帝閣在新橋南俗呼祖師閣其基為里民楊氏竊據災

總管堂在塘北大街北街東廟最古鎮未成而堂先建焉

高真堂宋魯國公曾公祠堂也曾公名公亮字泉州晉江人集賢殿大學士歷任三朝居相十五年公

之後徙居常熟孫日臣字堯卿思念祖德欲創為祠姓彪字希賈乃建於茅浜東至康熙中改

像為祖師而堂則易名高真今為周孝子廟

梓潼廟在塘北茅浜東呂氏建今廢

陸容按神姓張諱惡子越人仕晉戰没人立為廟劍

州梓潼劍州屬縣今廟在縣之七曲山

魁星閣在塘南姚涇東呂氏建今廢

周孝子廟在高真堂左方西向

按傳孝子名容常熟縣人生於宋乾道間父百十點

簡早歿母朱氏邑朱村人孝子常為從事有事于頂

山得數粟附封遺母妻易他粟進遂詬遣其妻道家

者流謂孝子幼時母日瞽餽之再明父病剗肉作羹

以進不愈號泣於天天降秋霜及雪父嚙之瘳觀其

以粟出妻餘事定不誣唐豐市宅潭相傳為孝子舊

居一說居縣之莫城歿鎮江門外常熟城北門也報慈里

祔其父母兆當孝子歿之明日降其家告其母曰兒

已為神當輸忠朝廷盡力鄉黨淳祐十二年士進士
趙必錡奏神驅虎除蝗靈蹟賜廟額曰靈惠洪武四
年勅封宋周孝子廟

國朝命縣令於九月二十一日孝子生辰少牢致享

白衣殿

在堂北小街內一名
慈善庵中奉白衣大士

李王廟

在延禧萬壽觀右方東向元至正間遭燹觀宇
悉燬惟李王廟獨存里以為靈今蘇家灣唐橋
穿山諸處皆有之

鄭文康記

沙溪延禧院有祠曰李王廟王長湖州長興人生有

王文鑑名燕院愚真增訂
列者頌傳

異相年十八告其民曰吾將適山東膠西無還日矣
無疾而逝事在景定間民以為神立祠肖像祀之長
興之水旱疾疫必禱於神神受禱輒應理宗入繼山
人潘壬潘丙挾濟王叛理宗怒欲屠其城帝夢白衣
者曰臣姓李長興土神也亂者潘氏弟兄盡屠民何
辜帝怪其事而止今之民於長興者皆當時老死牖
下者之子孫神之惠莫大焉常熟致道觀亦有神祠
至正丙午民大疫相率來求柏葉與井水啖飲之民
得不死載於前元 顧盟鄭東所撰致道碑紀績碑

刻如此常熟距長興四百里不知致道延禧祠何始耳沙溪之民曰王文簞厥子恭滯疾醫將弗藥文簞造祠下泣且訴曰文簞一編氓天與愚直敢陰謀以壞心術敢揚善以欺鬼神或誣訴神請殛無所怨望脫可矜恤神能生人之死吾兒命在旦夕何獨不賜其生子駿奔致享之餘若有以答其誠者踰旬恭果獲瘳文簞欲示神惠於子若孫若曾玄雲仍若長興之民之子孫謀文載諸石以永厥傳因走嘆曰神之惠固多在人神未嘗妄施人亦不可倖而得焉人知

神能生人之神死不知神能致人於死文簞之訴曰敢陰陽以壞心術敢揚善以欺鬼神若有人焉雖其疎遠尚將眷佑之况其子乎此神施為有道而文簞亦非為倖也苟非其人非禮以干聽淫祀以邀福豈神之志哉因贊其末曰必如文簞之言而後可禱則無不應也

慧華庵

在南橫瀝西岸萬歷中建中歷興廢國朝康熙乙丑僧穆文於舊庵之西創造正殿三間方丈庖厨次第落成舊基為茶亭按穆文建殿之後抽杖而去香火頓息越十五年而其嗣學成復踵而興起庚寅又增造禪室房廊曲折旦暮鐘魚遂為一方之名蓋今半廢矣

甘露庵 在黃家橋黃泥浜東初建草庵三間後建兩殿

於乾隆年間長壽寺僧天一募建山門井亭修

永寧庵 在塗松相傳

藥師殿 在鎮西減浦塘

劉太尉廟 在白石殿內神宋江淮制置使武穆公

普同塔 在北橫瀝右與延真院相並

祖師堂 在沈橋

東林庵 在塘南街獅子橋東呂氏捨宅

張睢陽廟 在高真堂左方康熙中里人移建於

西方廟 在慧華庵舊址茶亭內茶亭岬顏里民移於南

橫瀝柏木橋東首西向殿三楹按神姓趙名

吉祥王廟 而為神驅蝗江淮間有功見府志 劉錡弟歿

正十二年詔有司歲冬至後第

花雨庵 在南橫瀝右東

祠院

周文襄公祠 在長壽寺正南正統間公興修水利往來

茲里駐節是寺因詩賜額寺僧德之里人

賈公祠 在高真閣一舊淨室康熙四十六年公除鎮

盜魁馬張二並伊子張年張三士民感激議建

書院不果故就淨室為生祠公諱
樸時為蘇州知府尋陞督糧道

白公講院

在長壽寺東中房順治甲午里民感公德建
祠祀公公固辭改講院課生童講鄉約昔賢

同善會院宇三楹南向中奉先聖先賢先儒
之位石間奉公生位左偏立穹碑一勒各憲

禁約中一扁樂只堂士民私立繼奉督學張
公頒發扁額善與人同院地一畝九分給帖

院僧
公占

講院碑文

江南蘇州府太倉州為建立講院事蒙巡撫都御史
張 批據本州申詳前事蒙批講院自敦詩書說禮
樂崇陰隲戒殺生該州與紳士互相倡率誠為善舉

所構講院自應永為弦誦之地日後不許匪類竊據
有妨修文敦行之所准即勒石永遵勿替繳又蒙整
飭蘇松兵備道張 批婁東素稱文獻名邦兵革之
後流俗日漸澆漓今據詳建書院鄉約所同善會亦
維風敦俗之善舉也准照議勒石仍通詳各院示行
又蒙 提督蘇松等處學校張 批據詳沙溪所立
宣諭同善濟貧生童會課誠循良善政也四箴准并
勒石本道刊有改過遷善錄該州備緝刷印散給諸
生亦一助也繳各等因到州先此本州原詳看得婁

東人文之盛向甲江南而沙溪一鎮居民稠密絃誦
之聲比閭而是年來暴勇為崇民不安居諸生肄業
無所宣教無地怒焉傷之稽昔管子伯佐猶能使羣
萃州處子與子言孝弟與弟言弟其心安焉不見異
物而遷焉况吾儒乎因與該鎮士子約創建講院一
所卑職捐俸肇舉士民欣然樂助堂室門廡不日落
成中奉先聖先賢上設六諭朱牌選生員王家祥
德行兼優為院長每月朔望領袖里中長幼咸集於
斯謁聖序拜俾知禮讓之節宣揚鄉約六諭俾知

善惡趨避民有善行獎而記之民有惡行諭而戒之
朔望之次日生童咸集於斯命題會課解卷評閱以
示鼓舞卑職政事之暇公事之便單騎前往躬與士
民講解理道會者如堵倣行先賢同善會救濟楚獨
敷請賢紳黃翼聖以主會事卑職撰述省身陰陽戒
殺完課四箴分布勸諭一時澆俗丕變鷓鴣革響戶
有敦詩說禮之風人勵廉讓嫺睦之行此皆鄉紳黃
翼聖院長王家祥倡導有方而衆生員曹煒等咸矢
砥礪共相與以有成也諸生恐密邇海濱師族旅騷

擾不能靜以居業又慮日下絃誦之地異日為匪類
之居必荷 憲臺作新德意嚴批勒石乃垂永久伏
祈俯鑒輿情採批申飭鐫之貞珉則人文永奮善俗
彌新而教思無疆矣謹將同善會錄一冊勸民四箴
併呈憲電其講院碑規條俟憲批允附刻碑陰者也
蒙各批前因擬合勒石以垂永久為照講院之設原
為士民宣揚教化絃誦石文之所務令刻克循規條
永遠遵守使善良成俗比屋可封蔚起人文垂美無
數無容匪類僞居作踐有干 憲典湏至碑者

白公書院碑記

遼左白公以知柘城縣著廉能來守太倉州甫下車
而盡返其夙弊民心翕然今及期矣德澤之浸潤下
民不啻刻肌而浹髓也四郊已外皆欲為公建祠肖
像以尸祝之獨沙溪首創鳩工不日而成名曰白公
書院里中人士屬予為記予惟今之長民者多郵舍
其州縣草芥其民人為不終日之計而一時人民往
往陽頌之而陰非之亦有二三宿猾相與為奸利者
四出糾黨勸分募施以其什之三建祠以其什之七

中飽故祠未成而垣廡有圯者矣成祠未久而夷為
闌闐鞠為茂草者比比矣今之所為生祠吾見名實
相應也少矯舉誕者多矣若夫太倉之人皆欲尸祝
我公則異於是公為人誠心為質慈愛為本爬搜垢
蠹長養若小以是里魁市猾斂手屏跡其愛身潔已
凜凜乎如處子之在閨前圖史而後保姆其與民接
澀腸披腎語盡而情忠惟恐民之不諭乎我而我之
不悉乎民也民多感其意而被其化沙溪為太倉一
巨鎮魚鹽出沒賈舶鱗集而讀書能文之士最稱杰

出向者風俗淳樸士類發皇得以其暇講習禮樂談
說詩書一鄉之人視衣冠勝族則俯首聽命他無所
馳騖也數年以前小人得以其意橫行鄉曲黨類實
繁有徒狡焉以思不逞為之長者不惟不能折其萌
而反姑息以釀成之於是小人之熾日張而君子之
氣愈喪無不鑄夷其廉隅吮嚙其頰舌頑鈍狂易類
然自廢而魁傑踞蹠宕之氣操磨鑠革至於澌然無
復存不得志而貧且賤焉其迹足以自高隱約枯槁
偃蹇杜門庶幾獲免倘齟齬忤觸而洩越其芒刺禍

且立至素封之家可以自致温飽者縱塞戶不與人接而其姓氏一為小人所擬議少欲見異則其怨毒必深與之浮沈則無以自別於逐羶附臭者之徒供其刀俎而已其為鬱鬱而不可以居殆有甚於貧且賤者之所處雖欲道先王之法言行先王之法行與諸父老子弟朝夕肄業於其間安可得乎自公至而讀書能文之士向之垂首喪氣者一旦仰首信眉欣欣然相告有喜色豈非公之為政足以鼓士子魁傑踞宕之氣而作其隕陀耶公嘗令四郊皆設鄉約所

矣無非欲使父老子弟非先王之法言不道非先王之法行不行也今者體公之德意申明教誡相期為崇本務實飭躬砥行之人日如公之提誨於左右公或以行郊勸農之暇月一至焉召諸父老子弟而申儆之使知孳孳為善者如苗之日長孳孳為惡者如草之日去正人為伍者無往非吉匪人相比者無往非凶善之為當為也如此不善之不當為也如彼用是善也者益樂乎善而不善者翻然自悔其非茲役也庶有當於我公為善之至意而士民之所以尸而

祝之者可以永久而不同於末俗之所為朝舉而夕廢焉也易生祠為書院意其在此乎是不可以無記

同善會錄序

知州白登明著

同善會創自梁谿曾行之婁水今沙溪王攝六先生又復踵而興之以救濟窮厄者也善何以同一人獨善者小眾人同善者大孟子曰大舜有大焉善與人同此同善之名所由昉也然孟子不又有言乎分人以財為之惠教人以善為之忠同善而僅僅醵資以圖濟人善渺乎其為小乎矣烏乎同儒釋教道三教

言人人殊要其宗旨大歸儒曰克己曰無我釋曰無我相無人相道曰人之大患以我有身其理一也凡人皆緣軀殼念重便分人我鳩資以利物豈復忍利己以妨物良心上打不過處日滋月漑所謂以不忍之心行好施之義即此同善一會正開宏濟萬品大法門也攝六先生首倡之諸士民共贊成之做而行之循而久之而善之同也大矣此余之所喜而不能已於言者也

同善義田記

陳瑚確庵著

易之係井曰勞民勸相勸相者教民相養之義惟其
教民相養所以養而不窮也上之人之養其下也課
農桑輕稅斂安全休息之而已至於窮簷蔀屋之下
其辛苦無告不知凡幾欲家賜而戶益之勢有不能
故周禮五族五黨調救之法使萬物各得其所而有
以補其所不逮此仁人之心王者之事也刺史白公
蒞婁五年田功水利百政具興州之北三十里為沙
溪鄉士大夫黃攝六吳岱羣輩奉公之檄建書院修
鄉約教招里人而告之曰吾賢侯之養吾民者至吾

黨不能推廣德政而使之入自相養何以答勸相之
意哉乃倣先正同善會法歲一四舉一鄉之中寒者
衣饑者粟病者藥于于然相樂也既而曰同善會法
誠善然得毋有以歲一四舉為煩且艱者乎當變通
之由是又率里人某某公買義田若干畝賦稅之外
取其租入以相調救行之可久而不廢其將成乎寓
書於予屬作文以記之予惟同善會法雖以養辛苦
無告之人而與人為善之道即行乎其中但患任其
事者不力力之而無以繼其財則不免於終廢今變

其法為義田則其事將垂諸久遠而沙溪之俗有不
永為仁里者哉孔子曰吾觀於鄉而知王道之易易
也

黃翼聖講院樂成詩

梵王宮畔講堂開
版築雲興見子來
人挾瓣香迎五
馬天留佳木護中
台圍橋觀聽誠希
觀繪像瞻依豈
自媒

祖訓六條重舉示一時頑懦等聞雷

素心人本聚南村
化洽菁莪道自尊
豹虎骨銷為燐

火詩書氣合作朝
曦丹楹粉署清風
遠鼓瑟吹笙大
雅存父老爭趨我
敢後北窗涼夢總
思君

楊氏義莊義田

在南道院
有碑今廢

闕復記

古者井天下之田一夫百畝分田制錄作為學校以
教之家有塾黨有庠術有序三者王政之大端也後
世井田之法廢富者田連阡陌貧者無置錫之地衣
冠士族流為工商降為皂隸者多矣此義田莊義學
之所由設也吳郡義田自范文正公始常熟楊侯實

踵行之侯家居琴川百餘年宗派既繁思以義庇其族即所居沙頭里墾田若干築室二十楹敦請耆儒以主師席凡族人之貧者得致力於學嘗為部使者知侯尚義之志老而彌篤不可不為表記見於世噫聖賢既沒義之說不明於天下矣而義之在人心未嘗泯焉自文正發端之後此名義莊者東郡陳君德高玉山劉侯允迪二公而已世豈無好義而繼之者或寡今楊侯一舉而成之予樂為之書且語楊氏子弟宗族曰學校所以教人為善者也農桑衣食之原

禮義所從出也孜孜切切相與勉之以義毋或負侯置莊起學之意云楊侯名麟伯字祥甫

周氏義莊義塾

在三家市

文壁記

宗法之立學惟其基焉而教興也周禮大司徒五家為比五比為閭五閭為族五族為黨黨有正族有師閭有比長咸以教也然其為教不過曰敬敏任恤曰孝友睦婣所務而力者莫非親親之事幼而習之既壯行之久而安焉雖有嫌隙譏刺不能出其間矣則

夫宗法易行豈獨其勢使然哉此周氏家塾之所由
作也塾之制合凡族之子弟而教之以義蓋出於此
閭族黨而以宗法通之也初周之良曰元學念其族
屬衍大或貧不能自振也思闢義田贍之而力不輔
念則篤意教其子曰庶幾他日有能成志者蓋元學
沒而義莊成其事實舉其諸子之貧而協而其尤彥
而達者曰王府正審理鄉貢進士在凡事之舉違與
莊之規約咸從審畫又請於朝下有司核實加章程
焉夫約束之詳所以重後人之守而文法之密固將

為債事之防然防有所未至詳有所不及固不若薰
其性漸其志而使濡染於耳目尋常之中之為至也
此古之聖賢之所為圓天下於至理而教莫先焉教
立而理明善復而義篤斯何患乎道之不行事之不
集哉以元學君一念之微而能使其子舉其事於既
沒數十年之後雖其志有所在而亦諸子服儒明理
之所致也此足以白其教之效矣矧於此而加詳焉
其事所至豈獨一家一族而止而實一家一族恃以
重焉者其或本之不務而末是資或義不不服而利

為徇甚或讒說聞閱以隳成業棄禮犯義貽辱前人
豈立塾之意哉而正今日周氏諸君所宜至憂也余
與周有嫌而重其舉且有合於宗法得善後人之道
故樂記其成而必及其可憂者因諸君之意也若其
教詔之詳則有審理君所條塾規茲得畧云時正德
戊辰年

周氏義田碑記

沈僕記

天下之事關於仁義之大者君子慕而欲為之則毅
然為之可也苟避耒夫矯俗干名之譏則天下將無

禮義之事矣昔賢論立志以希文自待則當於文正
公出入將相之業皆在所願學況乎義田一事得之
為有財者皆可為之顧禮義之心何如耳何遜之有
守齋先生諱勉字元學生平讀書林下求其行已無
愧於古人而自以為未能也嘗自念吾今日族人之
盛安能保異日之愈盛愈結而無意外之虞乎乃慨
然有志於文正公活族之事惜其未及舉事而卒今
觀先生所遺規畫條約諸詩良可惜也諸子曰塾曰
塾曰圭曰壁曰吉曰在皆克肖克家而塾早世無嗣

其配孀居將廿年矣在語其兄弟曰惟是我老子之志吾先兄欲繼之而不果也然則述其事以畢吾父兄之志者非吾兄弟之任而誰任兄弟舉無異言遂塋因所遺田四百畝又各益田三百畝通其常稔之田七百畝為義田立祠其間以祀其先人而以其先兄祔擇族之應祀者承祀以司祀事賢而能者為紀籍以司出納貧無以給婚喪諸費者原量厚薄之宜制隆殺之等而用給之大抵本於昔人之成規而微有損益以為族貧活族計則無異屬予作文以紀其

事余聞先王立宗法以起民恩愛之心畫田制以篤民親睦之道春秋之初王澤始微其法與制猶可考也即有陷申生於嬖譖剪叔段為仇讐而不知天倫之大者已不在族屬疎遠之間矣况乎後世法制盡亡民族滋偽有能以義起禮而思崇愛親睦於服窮親竭之餘不其難哉昔文正公力未逮者三十年既而為西施師叅大政位充祿厚僅得千畝以終志至公之子忠宣公純仁恭獻公純禮及純粹公之五世孫獻清獻公之柔朝議大夫良遂三世并力共計田

四千畝垂今幾五百年與今守齊先生賚志於田前
經數年而其不獲繼志後又將二十年而諸兄弟幸
相成之仁人孝子裕後之圖其處心積慮待後人得
人之難如出一轍觀世道之君子宜於此憫其難而
不以矯俗干名為譏也使周氏之後人皆如其先父
子弟焉使天下之家知用心之難皆如周氏之家
在位者可不勞而治而頌聲可作焉雖宗法井田之
不復亦可也此先生行義之高諸子繼述之大皆可
書者遂書以紀其事將請於官而刻之石用昭示後

人以為世守之規也其條約具諸左云

王氏義莊

在二十四
都東洋涇

唐符記

王氏山西高平縣人宋南渡後有四世孫名公治者
徙常熟之沙溪地迄洪武七年恩命應役工部匠事
生致和徙崑山之東洋涇躬耕樂道生孟賢家世益
昌土地日闢方三十里莫非其有也賢生以達聿修
厥德曰實曰定曰完俱有名行稱為東洋王弟兄友
於考思維則卜此安居其考繼而生暄暉時昆季十

人掌錢穀遭不造玄齡所謂守成難於創業良有以也然而否極有泰來之機剝盡有復生之象有暄之仲子出諱文思字德顯少有大節慨然竭力幹蠱家道復起每春秋致祭於祖塋則曰遺有舊田廬吾素所服食今為他人有吾安忍人族有羣子弟我無親疎間有貧乏者吾忍棄之於是買附塋田一方號曰義田擇族之長而賢者主其計而時其出納焉每春秋稅糧取輸每年餘利役用俾孝子慈孫毋忍侵尅那移為遵守噫德顯置義田固本力役幽可以為慰

先人明可以裕後人與文正范公置義田均於族人
事異而意同也其能行人之所不能也與余兄弟克
弼為王氏之甥同族人昭晞文博等樂成人之美欲
刻石於墓堂乞狀於余余為兄之舅氏也矧同割隸
太倉治記其奚辭正德辛巳二月

義井

曹氏義井

在鎮北曹氏墓傍有亭今亭廢但石欄義井猶在至乾隆五十年後亭井俱廢

鄭氏義井

在鎮南今亭井俱廢

劉氏義井

在漕頭塘青石橋傍成化間唐寅劉以則建

天泉井 沙溪八景天壇夜月相傳中秋夜半此井中月

正相對他井照不見也

新橋街口義井

新街義井

塘坊街義井

北街義井

河南街五路堂左義井

獅子橋義井

甘露庵義井 在庵前井最古乾隆二十年間僧天一募建亭

義塚

竹陵基義塚 在鎮南二十八都遊字圩雍正十二年設

院城隍司及土穀神主祭

東義塚 在十五都一圖設

牌坊

毓英坊 在涓涇為張汝昌建今廢

興俊坊 在穿山為馬紹宗建今廢

繡衣坊

進士坊 兩坊俱在塘橋為顧以山建今廢

青雲坊建在鎮北街為郁容

容自記

予鄉故濱海濱也一望巨浸烟波萬里然自蕉先生
肥遯團溪與鐵笛道人輩往往雅集於此遂稱勝地
吾祖奚疑老人因家焉讀書種德蔭及後人今天子
甲辰容登進士里中父老謂予之不愧於科名也請
於藩司隴石建坊以記姓氏顏曰青雲落成之日予
友王安節承王循伯秩祭坤一寧王用高僑桑民懌
悅攜觴挈榼嘯咏於坊之下分韻賦詩極歡而罷予

得句云勝似曲江爭泛酒高齋雁塔共題詩諸君擊
節嘆賞予亦浮一大白顧諸君曰坊之建也非予一
人敢尸其名若有友昆焉若有子弟焉願與之並驅
而進焉庶四方之間風而起者日新月盛而什伯於
予者不知凡幾乎予一人實有後學幸吾子若孫其有式
式廓前徽而以翰墨之勲張大其事者不更對茲坊
而色動乎予從沙白風清之際步於坊之左右近睹
鷺濤之如練遠窺蜃閣之飛霞樵唱方終漁歌乍起
夕陽紅紫若遠若近爭獻於坊之前側不與團溪之

美同為海濱之大觀也哉諸君曰善因記之

貞節坊 在北街為郁蒙謙

節婦坊 一在東周涇為龔孟理妻呂氏建

烈婦坊 在七都金字坊為

一門兩節坊 在塘南街為儒童陸珣

節孝坊 在三里橋為翰林待

冰心霜操坊 在塘南街兩節坊東

天恩旌節坊 在塘南街曾字橋西乾隆二

節孝坊 儒童戴藻如妻劉氏夫亡子三歲年二十六撫

之稱為善人戴先生事載州志曾孫九疇例入

成均乾隆二十年建坊在十五都一圖沙溪鎮

坊 在塘南一門兩節坊左傍為生員陸

坊 在秀水街北白衣殿前東首顧家園

節孝坊 在二十八都圖皂英樹後頭老坟上為王宗

題旌道光癸未建造孝廉壘為姑母

沙頭里志卷四

里人曹口庵先生修輯 徠亭陸松齡鶴芬增訂
山

穿山一名靈洞山在鎮東北十里高一十七丈周三百
五十步中一洞南北通行一大石覆其上如梁故名
穿山相傳為海中島臨海記海虞縣穿山洞穴高十
餘丈昔有舟行者舉帆過其中西北一洞深杳不知
底止相傳洞中複道可通虞山

柳州志正統中近山居民鑿池得椀木其大徑尺有

四寸過帆之說非妄山不植木多產金燈九月間花
開滿山俗為遊地

曹一庵曰穿山元時有市今為楚矣與鎮稍遠文士
風聲鄉農貿易一從乎鎮

穿山題名十四處

璜涇趙樞生以穿山為梓里名區採石為碑銅於洞

中

大洞帆一名降崩雲磴石在山左畔循者釣鰲臺在東廟東一名如平

臺飛空天門頂山頂低平處下瞰洞輾輿阪在山頂

瞰下如兩關通南北

然向立馬臺在輾輿西夕陽陂西北下馬臺起雲峯夕

陽坡龜趺趾在西夕陽嘴西北仙人巖有岩如寫仙

洞一竇深里兩山穿跨入可二丈餘相傳倚天壁大

立後岩如壁石佛龕南麓叢篁澗在山背小有

劉珏詩兀立晴沙翠作堆是誰移得小蓬萊雙崖

不逐秦鞭去一穴渾疑禹鑿開挾雨龍從雲裡出看

花人自洞中回浩歌倚杖層巔上笑指滄桑酒一杯

沈周詩偏觀天下山多少惟有穿山山最小巍然

一洞洞然開未必此中無可寶

徐有貞詩 一拳秋水骨兀立浦雲邊地闡通靈島
門開是玉闕碧分芳草色蒼入古苔斑為有劉安客
題詩咏小山

陸昺詩 早朝天上黃金闕墮落腰間白玉環愁殺
奚奴尋不見却來平地作穿山

陳蒙詩 石門空虛誰鑿開薜荔掛影積蒼苔懸崖
偃樹棲鶴巢古洞出雲龍啟蟄

又題仙洞詩 兩崖卷翠洞門幽五色雲霞際晚浮
何用更尋丹穴去只疑親到赤城幽游桃花三月常如

醉瑤草十年不見秋吸景有人能服食朝朝晞髮坐

巖頭

趙樞生詩 緬思洪蒙世茲山開鑿年中分天地闕
穹覆如雲連其東有奇磴峻級斷不聯其西有西石
坂坡陀落平原其北多奇秀岩洞佇靈仙竊疑禹穴
秘靈文竟誰宣蒼水使安在虛測龍宮玄隱隱見石
骨無乃秦王鞭龜鼉何日駕風帆幾回旋陵谷每易
處滄海竟成田高天不可問塵世非松桧方壺或誣
罔員嶠徒虛傳無求鰲極勝但陟神邱巔

趙日喜視師崇明泛海抵故鄉因登穿山懷先人舊
遊諸勝詩

紫海迴瀾吹水濁火雲片片生秋燠樓船檣櫓不得
施扁舟一葉靡蕪綠靡蕪遙接舊山青青山涼氣生
虛谷上有真人宮下有仙靈屋石梁斜跨卧鯨鯢藤
蘿倒掛懸絲薄間有幽墜通虞山虞山不難行路難
偃偻不得逞高步丈夫意氣凌天關間有釣鰲石釣
臺石上蒼苔積渭水老翁輕一毛捲綸長嘯青天高
間有仙人岩仙人岩畔飛雲起

少一旬

餐

松餌木誰家子叢篁澗邊立馬臺澗生荆棘臺飛埃
攝衣直上天頂門頂海雲深處疑蓬萊輾輿阪立龜
趺趾倚天壁削平如砥吁嗟先人昔日遊揖松佺兮
侶巢由音容不改詩千首劍履空埋土一邱
何允泓同龔淵孟魏仲雪叔子遊穿山詩

一拳奇石傍吾家挈侶來登日未斜十丈削成高薛
荔千村葱蒨總桑麻猶從石壁尋帆影漫學村童摘
野花詫爾同遊曾未識坐深吟嘯戀鎔研 偶攜壺
榼登孤嶺共看烟雲起遠沙雨散長天青冥冥風回

滴水落斜斜歸途月出低平野中酒人扶上小車此
起醉狂知幾度十年蹤跡總堪嗟

陳顧涑詩

山靈面目怪難同石壁層層巧砌工斜掛薜蘿天落
翠下通海藏日翻紅橫樑應鎖蛟龍窟平嶺還棲佛
老宮漫訝秦王移到此至今拋却黍禾中憑高四
壁隔煙塵叢樹懸崖翠欲生下面仙靈留洞窰上頭
訝棹和潮聲石樑奇絕秦關險花徑重鋪漢月平莫
是千年橫海嶠遺來龍影映清明

王育穿山記

婁東城北去稍東折四十里為沙溪鎮鎮復東北折
十里為漕頭塘塘之陽有大石蹲踞其上為穿山山
之高不及十五仞石棱棱骨露積埃甚淺不宜土木
罅悉嵌金燈每中秋前後花發滿山絳色逼空游人
攜壺酒坐石上睥睨海天青碧亦一樂也石勢北抱
是山為北向土人強南之官路出其背山陰石戶如
屋下平如堂趾設石床一二亦可少憩息焉戶之左
有洞入未及四五十步漸閉人傳此洞向虞山燃燭

行頭上稽聲歎乃頗荒唐不足信廣之右山洞穿如
闕門狀高可數仞石蓋蓋然欲落可怖闕下有墜石
二大不勝舉然未知何時而墜也大抵山北向如俯
而脅皆穿一穿而未貫達山背級而上盤石可坐稍
亞於虎阜生公之石塲振衣長嘯亦自可滌煩襟所
恨何物村人強置二廟於其巔猥瑣不足供遊覽頗
得勝境山之形宛如偃偻丈人蹣跚道左而又負二
贅於背不勝累累然得一快丈夫決去之不爽然神
狂耶此山蓋海若盆中一拳石供案具耳何煩多事

山下為凌氏田凌氏盛時聞有園亭臺榭今皆荒草
寒烟不可問矣倘後得有力別去山足剝土引入塘
水為沼俾夫山朝夕沐浴於其間沿外稍為亭館之
類以點綴之庶骨法超然靈秀耳

陸鉞穿山志自序

穿山一卷石耳何足稱志云山去吾州四十里今分
隸太倉州州固無山而惟此巖然獨立志之亦宜也
山高一十七丈周二百五十步中有洞前後通徹陟
其上宛如石梁昔有海行者帆過其下故名降帆岩

信窮壤之巨觀而遠近之罕見特近海荒僻使其與
城郭少近安知不與虎阜媲美而為吳中士管絃觴
咏之地乎太倉惟弁山名滿天下乃輦四方之石壘
成非若此天生岩洞之為奇也追溯百五十年之前
逸人陳元錫父子與豪士劉以則暨其族後先鼎峙
其下而桑思玄先生亦曾僦居與山為鄰其間亭臺
之富麗居第之繁華人物之魁傑與夫四方賓客之
輻輳聯鑣並轡嘯咏殆無虛日籍草班荆含雲吐霧
當此之時何其盛也然此猶未隸太倉耳自隸之後

則此百年中抑何寥落而無聞與王元美志窮海內
名勝本州有山已得名於前輩乃不過而問之豈山
之靈不能邀元美之轍而元美之緣亦未得與此山
接也自吾黨二三子聯詩酒之社賞花拾月恒據其
巘篇章未免傳播於時人則此二十年來漸有載酒
來遊者矣予因採掇舊事析為條目共十曰山圖曰
山考曰古蹟曰題咏曰人物曰集詩曰集文曰土產
曰書籍曰雜記彙成一編集分為四卷曾取質之趙
徵君凡夫凡夫曰甚善若有好事者取山下之田盡

鑿為池浸此山於水中始為奇絕於戲今徵王君已
矣安得真有好事者點綴此山也耶此志起於己未
卒業於辛酉又十年獲此書於破麓中重信筆序之
趙樞生穿山洞碑銘

粵自三才作剖剛柔判而玄牝分二曜並驅山澤通
而雲根淺平成夏氏降邱賴神禹之休締造周家陟
嶽篤公劉之績巨靈鞭而忽止五丁鑿而中開四塞
稱秦函谷共峻陵魚峙三閭歌楚飛堂與貝闕俱連
南北綰於褒斜陰陽會於子午其遐最著乃邇獨遺

闕而斯宣時或有待穿山者崑虞交睇石疑空外飛
來樑棟互支壁似人間砌就鹿洞孕江干之秀龍門
剖河上之奇磴滑苔痕標赤城而霞起峯齊蓮瓣類
華岳而雲橫昔有見梳檣辨劫灰於島嶼中藏螺蚌
誇幻境於溟漠濛門闕高形豁朝天之紫府仙尼遙
集破學道之玄闕南阜圓合以象天北戶方□而配
地蒼黃雜沓笑岱宗之禪云亭金玉崢嶸陋包山之
通□嶽誰言接培樓不讓化工非鬼削而神剗亦雲
譎而波詭危檣巖巖鳥鼠之穴難明靚宇我我蛟蜃

之宮莫測懸圃之層城邃矣鄭國之大隧宛然木落
山空谷鮒示蹄涔之迹水平石出井蛙存缺鶯梵之
崖巧奪鵲橋俟渡河之靈匹架凌鼉窟引窮日之驕
皇若夫梁山北止沙麓基敗睢陽隕五塊宋舍之無
成東郡頽雙卜秦地之將拆立而生柳協漢宣興革
之符涌以負燭應曹馬威衰之數昔果如何今尤為
烈蓋松子依戴勝之室祇躡青烟彼麻姑降蔡經之
家空談白浪安期溟逝阜鄉遺寫長留羨門仙遊碣
石穹碑具在惜乎衆目眇爾一卷錯落星精望天闕

而如墜微茫火燭履地軸以若虛遠則張公善卷借
爽荆溪之界近則西施林屋擅名吳阜之間巖壑增
慚仙靈失色未若茲山英風夏逗頗宜弛担之辰金
萼朝舒正適採芝之候髓嘗王烈琮琤響愛玲瓏奕
對洪崖歷歷臚陳洞府髣髴黃梁可夢依稀白鹿堪
游豈非升嶠之先階登霞之峻級乎者乎爰摠厥象
且係之銘銘曰天啟陸海神土是廠潛通風氣行止
實仰靈巖肇迹真人駐想何代飛來倏來忽往上留
乳竇下達名山聿潛泉途再闢重闕幽明之交仙者

作文允宜得道鶴駕逍遙近出扼樞遠連瓊沼蕩雲
若木沃日丹草惟昔洪荒凡幾滄桑鯨波永息帝澤
孔長岡陵不遷高下無騫我詩聲之終古穹然
邵弁穿山篇

予家滄海濱出門厭平地東行數里餘突兀見蒼翠
中巖豁然開空洞示簡易初疑鬼工鑿謂是人力致
前牽費索絢側立疑扛置團團混沌窳窳宛宛秦王臂
突如竈之燧覆如橋之壘龜鼉負累高烏鴉啣尾至
虹腰玉連蜷鰲背金肩扇蓋卑道彌尊有容德固細

履虛驟屐鳴臨風頓尻御遊覽周瀛壖冥觀極霞際
荒哉驅石心邈矣觀日意俯仰區中原滄桑亦前事
安得躡飛仙三山從此逝厥草惟一花茲山惟一
石花繁山骨隱花艷石色赤予遊屬素秋羣卉謝芳
澤山靈雅好客改服起貌客□□□纚袍燁燁朱冠
幘峩峩樹丹臺爛爛疏綺席海霞起鬱葱野燒光燉
熠望烈頗難親向邇幸可即披襟服火浣舉熱解文
烏杯傾琥珀殷舞迴茵袍艷珊瑚爛不收胭脂恣狼
籍誤遊朱明天醉卧丹霞室太乙燃青藜淮王煉金

液因茲出塵網坐待凌風翼

假山在延禧觀西北相傳元時大姓蔣氏種松放鶴處沙溪八景有假山疊翠今荒阜矣

岡

塗松岡常熟楊志云開成浦時積土所成邵志云常熟有三岡福山徘徊塗松三岡

按宋元古志塗松松字當從松今省文作松非也沈

石田挽塗松節婦詩錯認為松則仍今之偽矣

張家堰在吳家市東今成北邨矣

松墩在姚涇口呂氏宅上有雙銀杏相傳元時陳氏葬兩姬於此風清月朗常攜手出游淒風苦雨之夜

有哭聲後改為僧舍稱東林庵今庵已廢銀杏如故

名蹟

墨莊在蘇家灣西北或曰晉瞿鵠子莊或曰元瞿惠夫莊俱無確據今其地有莊涇

曹按鵠子名矧廣州人流寓直塘之許隱居不仕卒

葬東陵武邱寺重岡之原武邱直塘廣安寺舊額惠

夫名智一字睿夫由嘉定遷至敦儒行歷郡縣校官

藩府辟不拜隱居南園築壽愷堂秦文仲有南園詩

云古鐵塘西博士家為惠夫也若鵠子寓直塘直塘

瞿矧先生晉書失其名直塘人掘地得碑蓋名鏡與

墨莊相近其後月蕉先生又隱於團溪亦與墨莊相望理蓋有之。古志雙鳳鄉額地內三十里六五六都俱有村名陌莊以今地考之宜在二十九都恐非彼陌也

酒坊在塗崧市宋元俱有之

常熟舊有酒坊十一戶部酒坊四兩浙漕臣領其事月解諸漕司本府酒坊五許民間買樸或郡自遣吏給本措置課入輸郡馬軍司酒坊二殿司馬軍出戍金陵軍中自遣牙將蒞酒政後亦許民間買樸

以上諸坊各分疆界彼此酒不越境境內或有私釀訴諸縣縣為懲治課額益虧縣皆不與在塗崧者本府酒坊也

桑悅塗崧酒庫詩

唐虞春意在一壺我嘗數盃喪真吾普騰倒卧安樂
窩洛陽邂逅逢堯夫記詢漁溪太極圖云何先生議
贊無却褒子雲天為徒先生回言且娑娑虛空形狀
難描摩攜手共飲黃公壚侑觴自唱浩浩歌覺來餘
酣嗽九河天地氤氳同泰和幸逢聖世免榷酤買酒
止用三青蚨又因醉夢驗工夫笑着酒庫生秋蕪

沙溪河泊所元時所設後移建長洲縣
葑門外華家橋西仍其舊名見吳郡志

沙溪八景

天壇夜月 有井為挑河泥所

通津漁火 即木杓漁船處今陶家橋河久塞船不進矣

竹林晚翠 今西義塚

桑園春雨 在桑園街北街內今廢

長壽鐘聲 相傳鐘被南海化去

假山疊翠 此景猶存但成塚矣亦云假山鶴唳

北院荷香 院存荷盡矣

松墩鶴唳 松墩尚在而鶴不至矣
園溪漁樂 與通津漁又沈石田畫壁在八景中
以上諸景文衡山俱有詩今失

招賢里 在塗崧市宋延真觀舊志在招賢橋西

園林

五柳園 在塗崧市胡正思宋人所居子仲連名其堂曰如村孫少明致仕歸復築宜休堂於其中。按

帝熟錢志五柳堂宋隱士胡暉字仲連婺籍永康時徙塗崧鎮所居有五柳堂又有如村軒取

杜子美宅舍如荒村之句

川順治間陸世儀弔五柳如村二堂遺趾詩

春風搖搖百草抽沙頭水合東西流古藤盤鬱石礎
闕巍然獨見雙高邱高邱茫茫昔誰氏云是五柳如
村之遺趾抑誰居者胡正思仲連繼起稱文字嗟乎
先生於宋稱兩賢歸來卜築東海邊風流彭澤庶可
接文章京兆相比肩只今未及四百載華表空存鶴
何在牛羊朝夕登隴頭聖世徒聞禁樵採我心思古
還悠悠獨呼濁酒澆松楸攬衣太息不忍去海上碧
雲生暮秋

樂隱園

在沙溪元瞿月蕉所居郡志載
園溪漁樂月蕉瞿逢節隱居處

楊廉夫維楨團溪記

至正八年歲在戊子二月十有九日鐵笛道人楊維
楨過崑山燕顧襄英氏桃源之所文士雅集觴咏交
懽凡美畢萃蓋極一時之勝興盡而返忽思月蕉瞿
先生逢節肥遯海東之團溪不見者三年遂偕野航
姚文奐楊帆以造問焉是日也雲葉展空烟花膩陌
循鳳谿而下及門談笑步自團溪之陽顧瞻周道若
環帶然地固界而隘中有隱君子之風在焉先是居
是溪歷宋咸淳僅百五十年餘予觀東南若震澤諸

水道經成浦會歸於歸風濤激蕩沙岸日崩走濱浦
之人恒思之而先生則弗懼且樂焉者溪之左枕廬
市障成水以便商者右湖畝畝引瀝水以利耕者先
生處商農之間筆耕墨莊樂踰農也文售大方樂踰
商也乃若細雨浸沙波流若穀魚鳥浮沈天光上下
先生則投竿而漁涼月侵軒秋聲在樹子鶴和鳴人
影相逐先生則援琴而歌於乎谿之樂人或見之而
不知之先生獨能知而樂之可謂得性情之正矣故
先生之弗欲起也使道而進焉樂在廟廊道而退焉

樂在山林視桃源王者之樂樂矣孰有過於先生之
樂也乎顧予鬢未華尚圖一集以續愛汝玉山草堂
靜之韻向後俾覽者復考於茲焉是歲三月望日維

楨記

按常熟錢志團溪記無歲在戊子四字餘亦有異
同數字今仍之并照蘇州府志增節改換數字

南野齋居在沙溪上陳符所居也劉溥有八詠錢志

關心約孤雲遙遙度江嶽寄與樓中人道心莫容遠

樓心遠

朝耕隴上雲暮耕隴上雲隴雲耕不斷町畦復誰分

耕雲亭

茅亭在樹下布置適其可有趣人不知閒來獨自坐
適趣亭

夜坐雪齋裏尋思古人義清光入門來照見書上字

映雪齋

采采園中花枝枝一何好方寸有生涯春風幾曾老

藏春園

淨掃林下苔清風涼不絕何時載酒來相邀弄明月

萬玉坡

秋風吹桂菊叢叢他日開不是桃源路何人得往來

宜秋涇

寒英開復落澗水流香去幸得根株存開時復相聚

澗寒香

印溪草堂

南野父子讀書處錢志印溪陳蒙所居

沈周詩 仲子何須錄事錢清溪自賦卜居篇白雲

青浦書聲外秋色閒門月影邊桐葉滿床宜醉墨松

花比屋誤漁船日長地靜無人到只有鷗鷗相對眠

龔翊詩 印溪源委遠而深溪上書堂隱竹林日究

周情與孔思時鳴點瑟并篋琴千之自得為師道申

南園在塗菘鎮明處士陳南野所闢園有十勝按錢志南沙在沙溪陳從道所闢有南園十詠

南野草堂 紅藥翻堦 梨花春雨 芸屋書聲

硯池雲影 東軒放鶴 露香清曉 碧梧夜月

翠竹茶煙 秋水芙蓉

龔翊遊南園詩 最愛南園風致好不妨日造二三

回漫燒玉版供茶椀旋網銀梭荐酒盃清興豈因春

去減新詩不待雨來催自憐南北東西客可得常叨

杖履陪

西壑在穿山處士劉宗文所闢滿太常景范氏曰宗文闢園於居室之西壘石為山引泉為池作晚翠亭

以臨之日與客徜徉其間酌酒彈琴浩然有天趣

文徵明晚翠亭詩 欄檻涵清瞰水濱四時交翠總

芳辰春光過眼無多日暮景縈身有幾人綠竹蒼松

同晚節落花飛絮各風塵高情最是庭前樹應有清

風萬古新

駐景園在塗菘處士陳存誠所闢龔安節有記

怡園在塗菘周默庵所闢以怡親者龔安節有園中八景詩

煙隴春耕 芸齋夜讀 柳堤鶯韻 竹塢茶聲

菊徑秋容 橘林夕照 梅林映雪 檜屏晚翠

宜杏園 山在穿

定海令劉以初致仕歸闕除舊圖著述其中騷墨朋
遊有過從者留之信宿高談雅酌真性悠然因自號
曰宜杏

東樓 在沙溪曹起寅致仕
歸建在宅東曰東杏

廉憲周廣詩 波浪曾經花埠口 候潮還泊木梳灣
美人不是空紆望海日 團團照水間 君家正在沙頭

任細柳長橋碧烟處 晚稻秋田春麥隴 我亦村莊靠
南去我走沅湘嶺 海涯君持教鐸松陽湄 世情南北
看酣眼寧忘同袍相切 廟聞君寄興發高歌 獨上東
樓 早日多愧我風塵 猶汨汨不能解 組意如何 □ □
□ □ 莫蹉跎 比鄰斗酒有時過 借我東樓一軒睡 清
樽白髮笑顏配

湄溪 陳肩庵蒙所居
有湄溪八景

柳堂春水 薰風臺閣 綠蔭黃鸝 滄洲白鷺
古桐棊響 秋深菊圃 雪崖梅月 松谷琴聲

其東有豐樂堂 悠然處 延暉室 雪浪齋

畫錦亭 清風涇 秋水亭

嘉園諸勝詩不具載。錢志沙溪陳允德所居有東庄自著有涓溪新詠龔翔有東庄八景詩

徐園 在黃家市

入門修竹夾徑行盡有閣日凌香左右巨桂皆叅閣頂前有大梅後有玉蘭數十本一時齊開登閣反顧如倚玉屏再進小橋有堂五楹顏曰留樸後庭巨樸蔭遍堂屋猶叅前庭

北園

曹孝廉養五所建在宅北故名入門過小橋遵松涇松盡馮流有桂十餘本面桂有堂堂右渡小橋入曲徑徑盡有樓三楹極峻廠規模體憲倣岳陽樓製面而皆同若無專向寔方樓也樓外山茶海棠千葉杏高下覆樓瘠周匝水水外有岡俱藝大梅憑樓一聽濤聲四接樓前壘石種牡丹百本奇種畢備洵一時之勝也

黃氏園

在北園之左向為陳氏宅後鬻於大叅黃公內有堂

為印溪陳氏舊居也其後仲子安吉公解組歸常棲
息於此今改為精藍王奉常時敏顏其門曰清淨園
林庵曰香飯

呂氏園

在東市之南少逸所闢伊孫石香讀書其中跨姚涇
左右四面匝竹中植花果有樓有亭今改為僧舍又
鬻於陸氏今尋廢

王氏園

宜仲先生因呂氏舊址重構在宅石中有堂五楹曰

懷古堂前植桂桂前植梅梅盡有池池中植荷兩岸
植木芙蓉夏秋相繼其花爛然水外周匝藝竹竹復
限以水堂之後東西兩翼書齋而北折則入迴廊廊
外遍植桃桃皆名種春花秋實良可愛也廊西入至
齋則觀止焉

一庵曰懷古堂本呂氏故業其宗老吳門嘗過而
語曰此堂世為我呂氏讀書所師友之在此肄業而
登第者十有三人為屈指而道其姓氏誠斯堂之盛
事也

馮園 在鎮西戚浦之南周涇之右顧雅傳鉞曾寓居於此因名寓園孝廉胡乾隆龍有記

嚮雪園 在馮園北孝廉呂源明讀書處自著嚮雪園記

鄭園 在印溪上處士鄭輔世自眉道人所構孝廉陳瑚有記

鄭氏東庄中有承訓堂古香閣小山書屋疎庵紅書軒康熙己卯子元良葺之

瞻隴堂 以文宗既葬父築堂以望之顏曰瞻隴 蘇平詩 白雲南望獨登臨咫尺蕭蕭隴樹陰馬鬣

忍看三尺在牛眠遙隔九原深寒煙尚抱終天恨落日難忘寸草心遼鶴不歸華表月臨風時有淚沾襟

鄒順詩 憑高望遠渺山川注目先瑩獨悵然捧土

昔曾封馬鬣懸情尚在卜牛眠紙錢絡索零春雨梓木陰森鎖暮煙此日不堪回首處杜鵑啼斷夕陽天

修撰張洪宅 蘇州府志載在沙溪

沙頭里志卷五

里人曹一庵先生修輯 徠亭陸松齡鶴芬增訂

水利

鎮地岡身最為磽确水道通田疇治水道塞田疇蕪城
咸浦闕一鎮命脉其次即在乎橫瀝水脉滌河潮沙
拱秀鎮於是乎稱盛焉

咸浦塘西承巴城諸河之水東至七鴉一作浦入海自
東花埠以西為咸浦花埠以東為七鴉港七浦共長
四十里在太倉十之二八常熟十之二自東花埠至

常熟界止共長七千九百三十四丈七尺底濶四丈
不等載吳中水利書

戚浦自鹽鐵至東 南岸支流南浜紫藤浜大浜周涇

方莊浜橫涇姚涇 長六百一丈五尺底濶一丈五尺 孔涇葉涇西蕭涇

尤漕長浜王朝浜新涇漕頭塘東蕭涇鄒團涇戴涇

浦馬舍章浦陽水漫糜場涇花埠八尺河六尺河六

秀涇石孔涇棋盤涇大龍浦東花埠司馬涇 北岸

支流瞿莊墨莊河六鶴涇軍師漕 長一千七百三十丈濶二丈 黃

泥浜橫涇木杓浜柴場涇寺浜茅浜陳智涇葛蒲

白米涇 長一丈七尺濶二丈五 盛浦塔漫新涇葑漲漕頭塘

鮎魚浦東洋涇腰涇王涇龔白涇盧涇檀戴涇楊陵

河糜長涇八尺河六尺河

南橫涇南通楊林北通戚浦 長六百七十丈濶二丈

北橫涇南通戚浦北通白茅 長一千七百一十丈底濶一丈五尺

宋景祐二年范仲淹開五大浦苗涇下漲許浦白茅七

浦先是仲淹上書宰臣具言水利時運轉運使亦委

蘇州節度推官張去惑分捍水道至是仲淹親至海

浦濬治

紹聖中水溢轉運使毛漸開下漲七浦諸浦

隆興三年浙西大水明年民大饑邑長李結次山募役

開濬五浦

新陽江小虞萬三塘郭浦至和七浦五浦
涇下漲浦顧浦而告休公私不擾

范成大_{有記}

淳熙元年提舉陳舉善勸諭人戶開濬萬涇七浦白茅

四浦

吳郡志云淳熙二年命提舉薛元鼎相視太湖
沿流利害元鼎議常熟之間崑山之間萬涇下

漲許浦白茅七鴉五大浦為數州之利比年並皆淤
塞前任提舉陳舉善勸諭人戶以漸開濬獨許浦猶

未施
工

咸淳元年命知平江府沈度開諸浦七鴉自梅浦開至

李漕涇載郡志

明宣德間縣郭世南濬七浦尤涇誤

張洪記

欽賜脩撰
沙溪人

嘗見古之言水利者或鑿渠以灌溉或破堰以宣洩

用雖不同各隨其地地之高者非渠不可為田其下

者無用其豬水破堰宣洩乃其宜也江南之蘇松東

瀕大海猶中原之兗州也禹之治水先以冀州君親

所在不得不致其急其次遂及於兗九河既道然後

及於諸州以地勢東南下西北高也蘇松當東南之

衝泉流爭入於海必有所停故潴水之澤甚衆大者為震澤次者為陽城巴城諸湖下流壅塞水不宣洩無以灌溉雨甚則有漂沒之患民甚苦之郭令郭公世南察知其然躬履其地窮其源委以七浦塘可洩陽城河之餘波尤湏可導巴城之水至於七浦同入於海歲旱則分其支流以灌崑山常熟二縣之田澇則逕入於海民無墊溺咸懷其惠謁文以紀其績予聞當官任事惟公無私者克濟厥功公則民服無私則不牽制於物何往非善何為不成郭公窮究事理

不惑人言正所謂公無私也故其濬尤湏七浦有合於穿渠灌溉之利導陽城巴城之水有加於破堰宣洩之功皆誠心愛民非如昔人為功利為之者論者不可不知也

正統十年常熟知縣郭世南濬七浦塘

弘治四年工部侍郎徐貫奉敕諭與從行知事祝萃會

同巡撫都御史何鑑知府史簡尋訪水道通塞之由

以長洲吳縣崑山常熟嘉定等縣十萬五千餘人挑

濬并斜堰七浦塘共長二萬四千餘丈民夫皆官給

口糧載吳中水利書

七年徐貫開濬七浦鹽鐵等塘泄陽城湖水以達於海
十一月興工至八年
二月十五日畢工

十年冬工部主事姚文灝濬七浦

文灝自記

東吳泄水之大道蘇有三十六浦松有八滙常有運
河十四瀆然自海塘作於東南而東江以塞松江以
微水乃北折并於婁江而溢於七鴉白茅二浦今之
七鴉白茅在三十六浦為最鉅而要然白茅海口漲

沙為梗似非人力之所為變而通之宜別有其道惟
是七鴉獨無他妨且當陽城諸湖之衝而入海又遲
可恃以為利也但其間亦頗為村市居民所塞水性
不遂予之有意於是也久矣顧未有所儲不忍驅無
食之民以就役弘治九年乃奏設導河夫於沿江既
又議收其直隨時募工十年始以是役詢於通判陳
暉常熟知縣楊子器崑山知縣張鼎遂籍二縣近浦
之戶得二萬二千三百人疏自尤涇東至木梳灣凡
五千五百九十丈旬有五日而成計工受直實用夫

銀五千二百七十五兩上潤如舊深倍之又開直塘
兩岸市肆所侵其潤倍舊決放之日衆流奔注而沙
頭圍築之處日以奔頽水益洶湧郡人歡傳或有道
予之績者然不知三子之勞也蓋陳以職掌水事晝
夜經理雖監司以他務督趣至被譴怒不為去楊則
舊治崑山素達水道之要害而張又果於疏導之事
是以動順而易成也成之日陳以紀述為言予曰不
足以煩作者乃自書其概如此云

正德初郡守林廷梈濬戚浦

嘉靖初巡撫都御史李充嗣濬七浦

嘉靖二十五年丙午冬十月巡撫歐陽必達委同知周

鳳岐重濬七浦塘

自石橋圩至直塘延袤一千八百丈有奇自直塘至沙頭延袤二千

四百丈自沙頭歷塗菘折玉涇延袤一千八百有一丈

陳如綸記

蘇州府之屬有太倉州州之北三十有六里有七鵝

浦西承陽崑諸湖之水東受海潮之逆其旁列支渠

四十有六其田引而溉者萬有餘頃皆為沃壤其始

不可考歷宋而元及我明朝則浦分隸崑山常熟弘

治丁巳太倉立州割二縣地而浦始隸於太倉蓋十
七年也通塞靡常豐凶攸係而識水利者恒首務焉
既而崑山築堤堰障絕湖流弗復入浦無以滌源日
潮汐再至坭沙淤淀間有射利之徒構廬舍而水道
東溢浦竟以湮廢旱潦無濟屢歲大亡民用告歎州
民有何難者詣闕上書請重濬七浦先是巡撫都
御史霑化丁公巡按御史新昌呂公疏修水利已勤
宸慮因而特降璽書簡昇巡撫都御史安福歐陽公
專任經畧公欽奉惟勤乃駐節吾州同兵備副使新

喻教公集知府豐城范君同知陽曲唐君知州餘姚
周公君及二縣之長爰度土宜爰詢民蘊皆議曰茲浦
宜重濬不可緩也必毀斜堰必置牌馬以節啟閉遂
掄州縣之長各董其事吾州則屬於同知周侯侯由
刑部尚書郎左遷初蒞任其雅志任天下事於茲後
也尤勤焉乃因農隙以致期作界堰以成功稽戶口
以調役立耆德以率作止發公帑以給饗殮置偵騎
以辨勤惰斷平準以測淺深隨所經畫動中機宜衆
志既孚羣力畢效侯乃托野處而時勸戒或曰任勞

乎侯則曰予勤於衆焉避勞乃正故道而撤廬舍或
曰任怨乎侯則曰予勤於衆焉避怨於是民益知德
知域盡心盡力子來者衆相忘於勞且幸天鑿下民
雨不破塊川靈效順海不揚波俾攻治各盡其能胼
胝不益其苦而弗亟弗弛功已就緒及其界堰盡夷
石牖屹立湖流東注海汎西逆渠港皆盈灌溉咸給
舟楫相尾桔槔相因歌聲續續喜色欣欣遐邇無間
胥樂其成也茲役也自嘉靖丙午冬十月經始再越
月而竣矣為丈凡四千五百六十有九為夫凡一萬

八千四百四十有二為工凡五十一萬六千四百二
十有八民之耆長楊祥輩相謀礮石請記於予用紀
侯績予惟吳中之水甚易於治其流有定趨其濬有
定法其功有定程蓋易於江淮河漢擇迅橫出築鑰
雜施而功不可以歲月計者也第以今治農者瘠官
曠職弗知所務即知所務其或為勞者沮避怨者遜
而不克任其事亦或議撓築室毀廨厲階習視因循
弗底于績嗚呼水果未易治哉而治水者顧自難之
耳侯也忠上之託惻民之隱勇弗辭勞公弗恤怨明

以持斷悅以孚民此皆經世之大猷御事之至要也
而侯魚有之是故成功易易耳予抑有前聞者孫叔
敖鑿芍陂楚惠其德文翁治洩水蜀獲其饒又若召
曰父杜曰毋至今為烈大率治水致之也今茲之濬
茲浦也順天之時因地之利阜民之務理會勢從費
省功倍民有攸藉永慰允懷將見足食之休溢於四
境恆功之譽達於三吳而孫叔諸君子詎專美耶後
世必有覩七浦之跡究其水利所從來者矣則侯之
遺澤胥亡窮矣侯名鳳岐字文徵閩浦城人判官義

烏金君江職在水利循行勸相預有勞焉例得附書
十一月八日新建七浦斜堰開明年三月二十五日落
成

判官金江記

蘇州南畿內大地也其屬州太倉之北曰七鴉浦迄
西有斜堰當崑山常熟之界自常熟濬白茅利湖水
蕩滌議建築堰湖流遂絕任陽直塘沙頭以東無慮
數千頃莫資灌溉渾湖日積漸成平陸兼以連年曠
旱常稔膏腴皆盡皆龜折官逋私負無從出矣州人

以為言下其事於巡撫都御史歐陽公公復與兵憲
教公詢於衆得肯綮以屬同知周侯而總其成江承
乏奔走與下執事無何七浦告成有言下流既濬固
以有利其引上源不決則無以滌其淤雖濬猶弗濬
也合詞請於教公必得建牒為便公遂親至其地規
堰制町原防相高下物土宜量事期既成以告歐陽
公公主之下其議於太倉州守周侯常熟縣尹葛侯
崑山縣尹盧侯會計其費檄下江泊常熟丞苗時雍
崑山丞鄧世德董其役教公復以建制事宜地屬三

界慮不協一又命鎮海衛指揮使武侯尚文相方定
基江輩承命惟勤弗敢怠墜乃庀衆材乃鳩工衆役
乃堰上流乃深下趾樹以松木實以瓦甃鋪以木枋
甃以石灰灌以灰瀋聯以鐵錠琢剝削混若天成
開門南廣二十四尺崇十有七尺東西廣加五尺石
之南東向石堤縱十二丈五尺西向縱亦如之北稱
是所以捍水之洄洑衝激也兩門之中鑿渠七寸下
施石楹以立橫板復於稍西決去壅流以利湍流是
役也分畫為四太倉治其南之西崑山治其南之東

常熟治其北之西又合治其北之東以工計石工一千五百木工五百五十徒一萬二千以材計水樁三千木枋六十石丈計一千五百甃三千錠重一千二百石灰重一千經始於嘉靖二十五年十一月八日落成明年三月二十五日計興工至休役凡五越月君子謂是役也事不愆素民不告勞歐陽公之委任教公之規畫周侯之經營曷不誣哉自茲伊始歲其有遇淫潦則閉閘而常熟崑山之民免於水遇蘊隆則放閘而太倉之民免於旱蓄洩有備年穀用登相

與慶幸嘉其有成謂江于其間言之必悉俾託諸貞石以崇久遠嗚呼禹勤溝洫遷述河渠上煩宵旰下竭閭閻况我國家財賦出於東南蘇松居其半惟藉水利民用攸資其可漫不加意乎顧沮以浮言怵于鉅費因循玩愒莫或舉行推數循理今惟其時明公鉅儒接迹斯土斯塘斯牖豈偶然哉若江於同事固無能為役者也姑述而記之以俟後世有所考焉曹按七浦西受陽城諸湖之水委以入於海海潮去來有時而潮流不息駛汎激射淤沙不能為患後因

陽城之民並湖為斜堰堰湖水而分之其西流北折而入於白茅其東流至尤澀而出已城迂迴而入七浦其勢漸緩而其流益微不能使潮海潮之衝日積月淤至於不通而高仰之田獨受其弊故於是年既濬七浦矣即議建閘使遇淫潦則閉閘而崑常可免於水遇蘊隆則放閘而太倉可免於旱且使湖流仍得西下潮汛有所衝滌而太倉七浦可無患也

州志載二十五年建閘二十六年濬浦今考濬浦建閘記皆於丙午卅州志疑誤

隆慶元年春巡醜御史蔚元康重濬七浦並楊林鹽鐵

二塘

王世貞三塘碑記

先皇帝之四十有五年前叅政臣雲翼言臣吳人頗習知吳事吳地固不能當天下五十之一而歲賦十之二漕粟給大司農遂當天下半其農自壯至老死不能得一佚食日夜從事桔槔之水以灌田而比歲故道多淤無所灌洩請一切委之御史詔下委大司空議督醜御史故嘗任治水道其委之醜御史詔可其醜御史於是侍御孝義蔚公元康議治水而侍御

洛陽董公堯封以按來曰是小借民力而大裨之於
永永余敢以自諉乃會蔚公及撫中丞巴陵謝公登
之下按察使者湯公賓按察使者下郡守蔡君國熙
丞金君桂龍君度雲吳君宗吉議曰水數治不能潤
田畝以憂吳父老至煩叅政言然曩者尚書李公用
大興法辟名官屬遍四郡然費縣官帑不二十餘年
而塞不治丁未之役臺使者以名任一倅倅以文報
至委數萬緡於水土間不二年而塞即繼之今未有
能用大興者也然使縣官不愛食民不愛力而司役

者不愛耳目則固未有不辦治者也夫計之力取民
近利者田二十而夫一遠者三十而夫一計之工丈
三而丈一難者四而丈一計之食夫一而緡半計之
耳目則丞等請以不肖驅任三公曰善其中議議四
郡則先蘇議蘇則先常熟太倉次嘉定議太倉先七
浦次楊林鹽鐵議七浦夫曰夫七浦館穀常熟之口
貫太倉而東注海者也利最先於是即於今皇帝之
元年春金君任治七浦其役夫合諸七浦之傍田者
而佐以楊林鹽鐵之民凡十八日而竣為丈七千二

百有奇工六十一萬一千五百十九食若金者六千
一百有奇外創壩以拒海潮費若金者一百二十八
閘以備止洩費若金者三百五十七又拓月河以輔
之工一萬一千六百五十二食若金者百三十七既
報而謝公以遷去今中丞莆田林公潤來曰嗚呼是
余所理賦乃以勤二三子亡何侍御慶陽麻公冰吉
以瓜代蔚公曰惟余所奉壘書以嗣事余敢辭則會
林公董公再下金君吳君及倅吳君惟京則復為議
楊林鹽鐵曰夫楊林者橫州之界其右多阜易涸而

鹽鐵故運河也是二河者太幹倉幹也丈各三千有
奇青魚涇至吳塘顧浦嘉定幹也丈各三千有奇出
七浦而外者海沙所沮洳不濬之即揚塵也為丈三
千八百五十計之工四萬三千食若金者四千五百
有奇俱報可又以戊辰春倅吳君與金君畫地而治
之其規模視七浦其役夫合諸河之傍田者而佐以
七浦之石民凡三十日而竣既報不佞某以燕請林
君董君則相謂曰日大司農困匈奴使者十輩相望
而天子即位予祖不能半然陽予之陰媚之矣吾儕

憂王之度無所出今而知所以筴矣某謝不敏乃曰
昔在永宣民困於庭忠靖數刊沃壤流安文襄覈均
伏撈困蘇其季年公私陳因筴殆謂是乎二公曰善
豈惟予之州有秋將四郡蚤莫焉退而蔡君以書請
曰予為銘之非以耀成事也以示後之治水者有考
焉幸無辭也無何而州父老數百人復來請曰向者
雖屬我畚鍤而厚食我今旱二月矣而環河之民有
生色焉殆諸公之貺乎與造物者均哉貞乃不辭而
為銘曰

震澤沮洳惟天所涯以為帝藏日夜北首御雲屑霜
既曠而廂原之不深陸塵其波何以構防譬彼隆冬
敗厥貉狐而嘆無裳惟先末祺臣翼有言逮帝所載
大臣細旃強本節用覲求利害中丞煌煌手扶天翳
百史伏駭惟林與董左冠右斧日畏日愛鹽司承之
提衡守令以蠹成事曰維諸河襟帶太倉黔首所恃
官無私幣民無私力務一其志庶幾子來立表刻漏
以聽戒備男跣而撓女執箠筐遵彼河防猗歟令吳
立畚鍤間與細分功民亦有言不日成之母久勤公

清流泱泱楊之梓楊以為河封歲不稔恤千里若赭
旱魃其舞環河四周膏澤所浸悉為沃土桔槔之聲
比旣相驚以代澍雨無靳於天靳我大吏是濬是撫
爰在永宣忠靖司平七節澤節宣文襄繼續籌析秋
毫為民請蠲上錯塗泥下庾於田外府於廩如績葉
仁羣公勉旃斯千百年

萬歷十七年春知州韓策重濬七浦暨顧門涇冬濬鹽
鐵塘又濬濬楊林塘先是十六年大水是年大旱公
訴上官繼以泣請賑請緩征領銀二萬餘兩濬三塘

一救荒一興利民賴以濟開七浦長七千八百三十
三丈七尺底濶四丈不等如深七尺八尺不等
王世貞濬七浦楊林二塘記

大江以南皆號以為澤國五湖之所滙浸而太倉之
州興嘉定之邑最為其門戶水則瀉湖之海旱則資
海通潤然其地頗高阜且水不虞溢而虞涸而其害
亦不在水而在旱太倉之幹河三劉家港其最大者
自海口而抵崑山可百地浸潤而流汎不受淤無所
事濬其次曰七浦廣殺其十之八修得其十之六又

其次楊林廣得七浦之半修如之所灌溉田為頃以
數千計然其浸稍挾而流緩潮汐往返闕泥從之僅
十年而一濬後之濬者以苟且報成事而已而工直
之資大吏多侵漁其間農不得食計不暇為久遠掘
土二尺不至岸而委之其旁岸日侵水益隘潮挾泥
以來兩岸之土即蘇蘇落蓋不三年而輒當濬一線
之水不能至支河以供桔槔何論舟楫日者天子採
臺臣言發留都帑大興水利而以故太僕河提使者
許公持按察節來董之許公乃首定嘉定之吳淞江

甫竣即馳至吾州謂州大夫韓侯才而悉屬以七浦
楊林之役乃集三老吏民構求昔之所以失身親行
河決自不歸示之恩信曰食不汝枵佚不汝假以人
計工以日計人夙而興晦而息入鉅必深遷土必遠
犯者雖貴勢無貸以復於許公當是之時公駐節吾
州為時時行役所分別勤惰鼓以賞罰蓋功起二月
之朔至四月之朔僅六十日而兩河皆告成侯又臬
三老吏民議徙壩於海口於潮汐寬然無害以復許
公復報可蓋河成而傍田而農者咸欣然自幸其耕

籽之得所楫而來往者則快然釋負擔之勞而又恍然若驟得其所未覩之二河者也三老之祭酒有錢天福者倡於衆謂韓侯之覆露吾民者甚溥其為吾民乳哺者甚久吾儕食其德不能有所咏述今幸睹於一斑於治水之績而不求宇下之士能文章者代一之石以示永永吾儕小人哉不食其餘於是趨而赴留都者數十輩咸具狀請不可不睹甲令乎且韓侯有禮而謙讓人也其必不若是之徇天福曰吾安知甲令即不敢犯諛侯它德第使千載之濬河者藉是

以知侯功之所以能永與夙之所以失上可省縣官帑而下可蘇民數歲之力則惟子之言是賴余乃曰可請為重濬戚浦楊林記侯名策字獻之真定之南宮人萬曆丙戌進士許公名應達其荒度遍江南當必有記之者

三十二年春知州陳隨重濬七浦塘

四十年春知州王萬祺重濬七浦塘長四千八百三十丈加深八尺

崇禎二年春知州劉彥重濬七浦塘

十六年春知州朱喬秀重濬戚浦塘

曹按七浦自朱侯重濬以後歷年西水咸下渾潮不積其浦視濬時較深廣交流如南橫瀝亦不濬自通緣此灌溉有資田亦漸熟然適年海波不寧兵餉往來遂為孔道而兵防之睥睨其間者因借接餉為名盤踞根柢無寧處遂有拋棄田園遠避他所者而田疇亦漸荒蕪嗚呼利害恒相倚伏信夫

國朝康熙三年甲辰夏知州陳國珍開濬戚浦塘

曹按是役也本以崇餉運道淺澁總鎮張 移文道

撫疏治非為農田也州田五十扇分十扇開朱涇四十扇開七浦西自曹家墳東至閘頭濬深不過二三尺相踰不越二十里於五月農忙之際糜費六十餘金可為嘆惜者此也

十九年春知州甘應泰

字斗開濬七浦自皂莢樹西起東至新倉田一

百六十七畝起丈而二十九都己無河可派市河鎮人有阻之者州守不能主終為所沮焉

三十六年辛巳春知州茹之增開濬七浦

沙溪市河均兩岸居民均

均挑紡績窮民難於任役鎮紳陳廷諤首捐費開濬五十丈并勸助工費雇役開濬得以竣事

四十八年總督邵穆布巡撫于準奏請開濬劉河七浦

共發帑銀 萬 千 百 十 兩 有 奇 七 浦 自 木
梳灣東至玉皇殿為丈 千 百 十 有 奇 領 銀
州 萬 千 百 十 兩 董 其 事 又 散 給 排 年 雇 役 開 濬 知
州 羅 瑄 判 吳 必 震 董 其 事 又 領 銀 百 兩 建
七 浦
大 開

雍正元年知州張思閔開濬七浦

五年丁未

世宗憲皇帝發帑興修南江水利遣副都 李淑德山
東巡撫陳世倌會江南巡撫陳時夏總河齊蘇勒總
督孔毓珣相視淤塞時常熟蔣廷錫以戶部尚書予
寧在籍命同經行海口高權便宜繼遣鄂禮督理事

務太倉七浦塘並行開濬 自木梳灣起東至 共 分 段

算見土方每方發官價九錢又發築壩庫水搭廠等
銀 千 百 十 兩 共 發 帑 銀 萬 千 百

十 兩 起 工 四 月 完 工 修 理 舊 閘 發 帑 銀 二 月

按常昭諸幹河開濬之後俱設犁船拖刷淤沙七浦
開時亦有議設之者而蹶馬中止詎獨不宜於七浦
耶今十年餘來淤塞如前雖經撈淺而開濬仍不容

緩不知當事者其肯取法焉否也 犁船需用兩隻每
工料銀八十兩

九錢九分每隻用水手六隻每名每日給工食銀五分
春秋兩汛拖刷淤沙各十日共二十日

用混江龍每具工價五兩四錢雇夫六十
名每夫給工食五分春秋兩汛共二十日

按橫瀝為咸浦之枝往年開濬其役不及七浦之三故七浦既濬而橫瀝之水反歸七浦潮時河底祇通一綫潮落則涓滴不存切近垣圩輒輒成荒棄而枝於橫瀝者可知矣康熙五十三年甲午里人西瞻黃宸章等具呈撫憲檄令十五二十八兩區業戶協力均開咸得水利越二十餘年潮沙復淤矣

乾隆元年發帑開濬七浦

七浦自雍正六年開濬至是已成平陸幸橫瀝深浚一時舟楫往來俱聚集於橫瀝大為民便此支河之

不可不開也

乾隆二十三年里人募開南北橫瀝各三里

三十九年里人戴繩武程茂德捐貲同生員柴熙元王學鳴等具呈募開濬南北橫瀝各三里及柴場涇陳智涇東西西姚涇等枝河

祈補錄文徵明重濬七浦塘記

故號澤國故多水患太倉在郡東鄙地瀕大海仍多高仰之田非資海潤莫適灌溉日再潮泥沙易淤在昔田各有圩圩必有長每歲率其徒修築浚治之堤

防恒固浦港通流高下之田咸濟弗病郊亶氏謂廣
其源非直用以挾低田之水亦使岡阜之地皆可耕
而食也州既瀕海浦港為多而七浦最鉅塘在州之
東北橫亘五十里而受陽城諸湖之水委以入於海
海潮來去有時而潮流不息駛迅激射淤泥不能為
患斯固東人之恒利也歲久厄塞民病不耕弘治初
都水姚公文灝嘗一濬之賴以卒業比歲陽城之民
並湖為斜堰堰湖水而分之其流西北折而入於白
茆東流自尤涇南出巴城迂迴而屬七浦其勢漸緩

而其流益微不能為潮海潮之衝日積日淤至於不
通而高仰之田獨受其敝嘉靖丙午有詔興修水利
於三吳於時都御史歐陽公御史楊祇詔惟謹謀於
副使教公郡守范公議既克協乃糾民集財以是歲
十月之隙歲事即工而州同知浦城周公實董其役
於是躬履其地分程授事時其食作而公其勸懲民
歡趨之如子趨父事兼錡揆畚借手並作始浚白石
橋東行若干里至於直塘延袤千八十丈有奇自直
塘東若干里至於沙頭延袤二千八十有一丈總為

丈四千五百六十有奇其深至一丈及八尺廣自八丈至十丈極有十五丈始微而漸拓之以極其勢也於是輸瀉有委飛迅速淤泥滌不復留田之出於硤确而資於灌溉者頃畝以萬計而東民有粒食之望矣是役也凡用民夫萬八千四百糜銀為兩者七千八百有三自經始迄於告成僅九十有七日都御史御史實肇之監司郡守佐之今御史陳公終之至於區畫之周督率之勤周公與勞焉公名鳳岐起進士以刑曹郎出決倅於此誕事敷化異績為多此特其

一事耳妨役之興屬歲不登民飢而虛議者謂事大而役繁更廢無隄驅飢虛之民而責以重大之役更無隄之費不病亦瘠矣曾不知事有緩急勞逸相倚不一勞之逸無終日茲役雖鉅實所以逸之也故曰以佚道使民雖勞不怨雖然不一小任怨則將因循自怨莫克肇端而持之不固行之不力亦終於無所成而已矣故事尤貴於有終也穀梁氏有言智者慮勇者行仁者守諸公有焉斯不可以無記也

詩附 粵吳其區澤維其藪迺脊在東曰垺惟阜垺

身隆隆海波融融孰灌以庸陽潮惟衝歲愁有窒硤
确以瘠民乃不粒

附錄耿橘開河法九條之二

一照田起夫量工給食 說者謂有近水利者有遠
水利者有不得水利者及田止十畝以下者分為四
等除十畝以下者免役外餘以三等為伸縮蓋往年
之役如此竊深以為不然一縣之田未有不藉水以
成者但河有枝幹之殊水有大小之異耳彼幹河引
江湖之水而枝河非引幹河之水者乎田近幹河者

稱利矣田近枝河者非幹河之利乎若必為四者之
說則奸吏積書朦朧作弊上戶那而為中戶中戶那
而為下戶近利那而為遠利遠利那而為不得利而
田少愚弱之民反差重役官無由知即知苦於查算
之難故開河必觀水勢所向應用地總數遂令區書
將業戶一一註明然後通融派算某河應役田若干
畝某田若干畝坐夫一名田多者領名田少者湊補
足數名曰協夫其勘明坍荒板荒田地俱豁免如此
不惟豪強無由規避愚弱不致偏枯而貧富適均衆

擊易舉矣

一幹河甫畢刻齊濬枝 凡田附幹河者少而附枝河者多枝河切近邱圩灌溉之益所闕非細若濬幹河而不濬枝河則枝河反高水勢難以逆上而幹河兩旁所及有限枝河所經之田反成荒棄即幹河之水又焉用之法當於幹河半工之時即專官料理枝河得利業戶照田論工一齊並舉且先催督先期料理停妥俟幹河完工之日先放各枝河之水放畢隨於各枝河口築一小壩成然後決大壩而放河水其功

之次第如此濬河者往往於幹河告成之後心懈力疲矣幹河之大量給官銀枝河則專用民力焉

附錄陳瑚開江議

開江之議難在財與人而無法以規畫處置之則尤難古人云治水利者不當治之於河濱當先治之於堂上凡地形高下之宜水勢通塞之便疏濬決排之方難易緩急之序經營量度之法催督考驗之術皆當一一而條畫之然後不煩不勞而於是有濟是故分段有法也算工派土有法也堆土有法

接挑有法也避紆河有法避漲沙有法也考工有法
賞罰激觀勸有法也何謂分段之法凡地上下四旁
各一丈曰一方每長一丈為一方者十有五每長一
里為方二千七百江長七十里里當一百八十丈是
長一萬二千六百丈使一時起工則道遠難於稽察
且庠水尤勞而搭廠費煩今當分為五段約長十四
五里為一段使各夫併力頭段頭段既濬然後四段
以次而及則前段之河可受次段之水前段之廠可
移為次段之用此甚便也何謂算土之法每方合用

人夫十五工然均是河也有深淺之殊有濶狹之異
土方多寡工次難易必有判焉不相同者是當以水
面為丈尺不當以地面為丈尺夫物之取乎者必期
於水治水而不師乎水非智也須於勘河之時用畫
準丈竿沿河點水所測淺深即便冊記有不同即便
立樁編號以記如原議水深一丈據現在水深三尺
此處該去土七尺矣應作一等水有二尺該去土八
尺矣應另作一等其濶狹亦是之復令精算者計算
土方分土定宕土少者宕長土多者宕短齊土方不

齊丈尺而後夫役為至均河形為至平也何謂堆土之法夫役偷安賴於近便岸上拋土一遇天雨淋漓此土流入河心俟挑條塞徒費徒勞究歸無益必令遠挑二十步之外照魚鱗法層層散堆為妥姚文灝所謂遠堆新土方希罕是也抑劉河築城亦一舉兩便之道然難言也何謂接挑之法前篇所謂一置之說土既宜令遠堆倘河身廣濶登岸太高用力甚難是當為接挑之法前篇所謂一置之說四挑是也蓋每土一方計一千丈應一千六百挑凡人夫荷重妙

在換肩交担其力少息乃可長用如從河底深處從岸遠堆酌量其難易遠近用四人接挑如董博霄蟻運之說每日置挑五人可去五日挑計三日積十五工可去土一方矣但置土之人其力稍省法當更番以均勞逸何謂避紆之法江在公塘灣一帶作數折由北趨南二三十里東西相望不過里許聞為婁江故道若濬二三十里工力費煩不若相故道徑直開通則河身直走勢可奔突力省而功倍者也何謂避漲之法海口漲沙方盛粹難決去如李尚書開白茆

因避漲沙另開平地五里此成法也何謂考工之法則賦常熟立信樁樣樁是也樣樁者用木橛刻畫尺寸與應濬尺寸同釘入河心與水面平俗所謂平樁是也開是方之後以此橛為準蓋橛露一尺則土滿一尺矣故曰樣樁又另將二橛書明號段直對樣樁釘入兩岸老土深與岸平名曰信樣又派土時各立小樁書明某字第幾號某干長下某百長分管兵夫某人某人應濬河若干又另具直丈竿一條大簷一條立竿十尺上則虛河若深十尺矣必十尺以下所有

尺寸乃算實工又以橫竿三條俱畫尺寸造成木輪車每察之日必攜籍持竿拽簷駕車而往先稽號樁而知宕之長短即據信樁樣樁拽簷持竿而得其工之淺深工完之後沿河推運三竿車而後偽無宕也迨工完之後復打水線以驗之有淤滯隨今復濬務求線通通流乃可決壩放水其或濬深水多打水線不便則於放水之後用木鵝沿河較覈木鵝者用長木一條長與河深平鐵裏其下全繫長繩兩岸拽之直立水中循水面而進遇鷺木仆則土高水淺處也

須通行無滯乃完工何謂賞罰激勸之法衆心難一衆力難齊當定一河工比簿酌量功次分為幾限各段有依限開完者或即賜之酒食即犒以銀錢如有奸頑惰工即行責治至千百長比工之法則百長管百夫以千十夫為一分千長管千夫以百長為一分以分數為賞罰如此則庶有所勸懲凡此數條或師古人之成說或訪今日之輿謀或出書生之末議似皆可以仰祈採納有裨施行者也若復淘河之夫建海口之閘開高區之枝河築低鄉之圍岸此又善後

事宜而非今日之所當預及者則亦姑置之可也

附潮沙

潮信 每月初二初三初四十七十八十九共六日謂之大汎海口水口痕增高四五尺漸入漸減至末流僅尺許矣然沙之積此處尤劇以其強弩之末僅能送之入不能挾之歸也初五以後二十以後潮痕日縮謂之小汎漲不過二三尺遠者不至矣若隆冬涸寒名凍殺潮往往有其名而無其實是以東鄉運米土倉極為勞苦

潮候

初五	初七	初九	十一	十三	十五	初六	初八	初十	十二	十四
二十	廿二	廿四	廿六	廿八	三十	廿一	廿三	廿五	廿七	廿九
並卯	並辰	並巳	並午	並未	並申	並酉	並戌	並亥	並子	並丑
酉未平	戌正平	亥初平	子初平	丑未平	寅未平	卯未平	辰未平	巳未平	午正平	未初平
初四	初六	初八	初十	十二	十四	初五	初七	初九	十一	十三
廿九	廿一	廿三	廿五	廿七	廿九	廿二	廿四	廿六	廿八	三十
並卯	並辰	並巳	並午	並未	並申	並酉	並戌	並亥	並子	並丑
酉初平	戌初平	亥正平	子正平	丑未平	寅未平	卯未平	辰未平	巳未平	午正平	未初平

按潮水來去皆三時去之時稍有餘而內地之潮常後於海口約差一個時辰

潮風 南風西風潮至不盛東風稍盛北風大盛西北

風次之東北風最盛謂之風潮潮上田可一二十里

非惟田禾悉沒廬舍亦有漂溺者

潮時 冬最小夏漸大秋最盛七月間稻花開莖生莢

木棉結子風潮一至無所不敗土人甚畏之

附婁江考 黃忍庵先生曰婁江先惑於三說一孔安

國以彭蠡既潒之文謂自彭蠡分為三以入震澤一

郭景純以揚州紀以岷浙淞為三江說皆迂謬不可

信以三江口為三江說尤非夫三江以導震澤之水

以入海故書於既入之後曰底定三江之為震澤下

流而非上流也明甚按宋時東江已塞三江僅存其

二王介甫詩曾及之顧以劉河為婁江者非也郝宣
言松江至江陰大浦四十九范仲淹開五大浦趙霖
趙子滿開三十六浦皆不及劉河以劉河為婁江之
委而婁江則今自婁門以東由崑山以入州界致河
塘注劉河是也已婁江在當時寢亦湮廢如東江元
至元間朱清張瑄從平江東路導水入海始復故婁
江劉河為婁出海口故并開濬以便海船往來大約
其時循婁往迹而通之非疏鑿平壤以為婁江信矣
則今所謂婁江皆至元時故道曰三江之一

沙頭里志卷六

里人曹一庵先生修輯

徠亭陸松齡鶴芬增訂

宋進士

楊伯麟字祥甫咸淳四年進士仕至揚州觀察副使

胡百能嶧子字少明紹興戊辰進士知衢州江山縣有

惠愛乾道初授諸王宮大小學校教授方嚮進用而
力請老廷議嘉之授左奉議郎賜緋衣銀魚致仕歸
築堂曰宜休年七十有四卒子耕

明

陳文龍榜

王佐榜

顧以山字安道塘橋人初為吏員刻厲為學入京辦事
遂中景泰丁丑進士除監察御史會鹽寇起江南命
都御史高明相機勦滅悉依以山謀不旬月而擒元
惡歷官河南副使鈞州盜劫官帑同官按失實獄成
以山察其非辜平反共二千八家終陝西叅政所至
稱廉能及歸隱於鄉屏跡城府貧不自給志行彌篤
按琴川志以山為常熟小吏會縣令與節推同席賦
詩適案卓不平縣令命以小木貼之始得平因獻詩
云小木原同大木生慣從低庭立功名雖然未得充

隆棟也向人間治不平縣令竒之令就黨於試通督
學試士以小學命題以山一日夜熟記小學遂得儒
士第一後遂登第

葉預字誠之號愛葵成化辛卯以詩經領鄉薦辛丑登
進士授河南懷慶府 縣未幾丁內艱服闋補密縣
在任六年政績異等知光州在任去之日攀轅號泣
相送百里外歸構堂於所居之北扁曰退庵居鄉峭
直不苟依回後生輩多畏之家居十年而終毛文簡
公識其墓

按葉在宋為吳江同里人後遷常熟雒浦預父璫
贅沙頭郁氏遂為沙頭人

郁容字宏德號見庵成化乙酉舉人甲辰進士授刑部
廣東司主事精於法比然情寬厚不事深竟都御史
秦絃與安遠侯柳溥訟久不決刑部尚書何喬新屬
讞之竟直絃抵溥於罪後容至南都而秦已為戶部
尚書避不往見秦益重之陞員外郎御史李興以按
陝濫刑繫獄人欲坐興死容以法爭之興得未減為
中人所構調通判撫州遷知澧州治豪右玩法者御

史有疑獄委容按輒得其實陞雲南僉事所部產金
金戶銷礦率以其例入容禁絕之蠻夷阿則探九聚
山谷為亂容以計散其黨遂成擒以艱歸裝無南中
物所著有見庵遺集

朱稷字相之塗松人有才幹成化甲午舉於鄉宏治庚
戌成進士除工部主事擢蕪湖稅中途嬰疾卒於官
囊資如洗有司經紀成殮鄉人傳其清德

郁勲字元績號可蘭宏治乙卯舉人丙辰進士授華容
縣父容時知澧州與華容縣俱屬岳邑容嘗遺言訓

顧鼎成榜

之居官以氣節持正稱岳有將軍兄弟雄武殘暴民莫敢抗事聞御史屬勲訊勲立杖殺其第一郡稱快時大司^馬劉大夏屏居東山勲為築草堂居之劉亦深契勲焉東有東山唱和詩蒞事匝一歲卒於官年僅三十歲光州守葉預識其墓

朱表字氏望塗松人宏治甲子以歲貢舉南闈乙丑連捷進士授山東利津縣陞南京兵部主事轉員外郎遇重因為求活則終夕不寐左遷兩浙都轉運鹽使判官能清節自勵後遷居鳳林西

唐棊榜

茅貢字承禹號懷清又號南沙正德癸酉舉人甲戌進士授刑刑部主事即進郎中遷雲南守陞副使任三家市尤漕涇東墓亦近

舒芬榜

朱洗字大武號方樓稷子正德丁卯舉人丁丑進士初授行人司行人轉南臺御史卒於官

兆深榜

龔轅字文甫一字廷用號約齋三家市人嘉靖壬午舉人癸未進士授一部屯田使主事陞虞衡司員外郎左遷開州知州

羅洪先榜

曹達字履中號沙溪嘉靖乙丑舉人己丑進士授南京

太常博士遷山西道御史糾冢宰汪紘不法杖青謫
隨州判官公幼失怙母朱氏撫育成立有治水功攝
蘄州事中人從章聖梓宮過蘄急責供帳逵飭吏民
手板水次已公服前引常廩外不庀一錢中人聞知
曰是故強項曹耶引去先是逵按司隸得強項名故
云累遷知廣州府廉直不撓調雲南守治如廣燿是
省按察副使彝酋晉憲阻兵逵以所部深入縛之巡
撫害其功格不上當調遂歸年七十而卒崇祀鄉賢
王文肅公誌其墓

茅璿榜

葉遇春字體仁號素峯嘉靖乙酉以禮經中應天舉人
戊戌進士授泉州府推官以執法為人所擠擢守武
岡歲饑公出官粟三千賑之民賴全活當道惡其擅
發捐已之俸補之秩滿陞應天尋陞南京刑部郎中
卒於官居家務禮讓性好士尤善賦所著有禮經覺
言周太僕復俊誌其墓

陳謹榜

曹灼字子明又字用晦號履齋嘉靖辛卯以禮經魁京
兆八上春宮癸丑進士授撫州府推官律令精熟政
事諳練鉏豪摘奸平反冤訟當官舉決不避權勢擢

刑部福建司主事明年丁父艱服闋赴補以論者當左遷遂棄官歸閉門較古方書曰吾當以政之活人者用為醫之活人因著方書百卷行於世每遇同年故人未嘗以己私相干而民間利病所當興革者陳請必悉其急於救人利物類如此灼賦性清介居官常俸之外一無所取嘗視篆臨川有羨餘千金或以饋之却不受置於庫而去故宦橐蕭然卒年七十有四顧少司馬章誌其墓

王道充字懋中嘉靖癸卯舉人丙辰進士授福建延平

府推官

王道立字建中嘉靖戊午舉人

以畧浙江

慈谿縣教諭陞國子監學錄遷禮部司務除工部司務陞南京兵部職方司員外郎

蘇瓚字明傑號懷愚隆慶丁卯舉人萬歷丁丑進士授廬陵知縣擢監察御史大理寺寺丞

聞大道字信夫號元圃本姓龔復姓龔聞道萬歷乙卯舉人癸未進士授東陽縣知縣三家市人

黃元勳字宗甫號明宇萬歷乙酉舉人己丑進士初授

沈懋學榜

朱國祚榜

焦竑榜

浙江慈谿縣調倅

州又調三衢晉柳州兵備至陝西叅政所如皆有善政尤太者備兵柳州能不動聲色安十八司酋長之變有不殺功先勲嘗自言曰吾仕宦三十年所至盡職未嘗粉飾邀赫赫功未嘗受一私謁以達初志以故三為令僅得冷曹為守為臬為藩司蠻煙瘴海無一善政此亦拙宦之效聞者謂其自叙實錄元勲篤於海內登第後二大人無恙所以娛侍者百端朝夕依依猶孺慕享年六十有九文震孟

楊守勤榜

為墓表仲子翼聖

王遇賓字叔元號晉吾崑山學中萬歷辛卯舉人署休寧教授甲辰登進士初授青縣調繁河間兩舉卓異三疏紀錄膺行取大典為忌者排抑抑為理評歷涉比部出守重慶政聲彌著遷川南道以疾致仕歸遇賓少貧窘父恒遇黃冠謂曰爾子當大爾門宜督之學因讀書盛夏以甕盛足丙夜不休少睡即起屏水躬耕自食年逾三十始列于衿又十年領鄉薦又十二年而登甲榜自筮仕迄解組十餘年其間救荒捕

盜修學撫蠻備顯政績芝臺陳公稱其為政耐煩撫
字掠履冰霜所至有去後思祀名宦本邑亦祀鄉賢
徐憲卿字九亮號泰掖萬曆己酉舉人癸丑進士初授
行人擢南工科給事管京營軍務轉光祿寺少卿再
轉太僕寺少卿駐滌州視江南馬政又五年致仕為
人純正和平居官清謹以薦賢愛民為本天啟甲子
江南水災米價騰貴再疏請折俞允民大沾其惠逆
黨魏忠賢恣肆不法抗疏直斥不少顧迨其後刺剝
榜笞都船之獄滿憲卿獨以令曹稍後微幸得免張

西銘題其疏草謂有天幸非公夢想所及蓋實語也
年八十有二卒葬穿山崇祀鄉賢

子二階恩貢次三
智庠生次七襄改
名舒以貢任
淮安教授

國朝

王登雲本姓曹疏請復姓改曹登雲字鶴九一字與英

御侍御遠曾孫順治辛卯舉人乙未進士初授刑部

浙江司主事轉本部郎左遷兵馬司

黃與堅字廷表號忍庵由拔貢考選知縣順治丁卯領

順天鄉薦十六年己亥以雲貴平再復行會試登進

之山左歷官清慎所至稱賢視學黔中尤加意士
子隨仕讀書者六十餘人膳資取給於黔撫每晨
起信手拈題文期刻繖諄諄三載士多通顯其訓
士規云日為一篇百無一中者但日為一篇百
無一能為者眼見叢汝霖泐龔子路鐸兩編修力
行此法皆高等皆聯捷故以此訓

陸毅字士迪號匪莪文麟曾孫康熙甲子舉人戊辰進
士授新建知縣即以賢能擢陝西道監察御史巡視
中城協掌山西道琉璃廠貧戶一百二十家憫其稅

無出特奏免之居鄉好善鄰人有逋糧者嚴刑追比
計無捺將斃慨以百金代償得全其生戊子歲大祲
奉 旨設粥濟沙溪一帶毅主其事與部曹金南廬
各捐貲助賑饑民感德澹于仕進年五十給假歸鑿
池壘石詠歌其間灑然自適人擬其有香山池上之
風卒年七十有三崇祀鄉賢子履謙字尊光號裒山廩貢生國子監教習兵

部試用候選知縣未仕卒

曹延懿字九成號蘧園御史達曾孫丙午舉人屢上春
宮不第例選知縣候闕赴京辛未登進士授廣東潮

州府程鄉知縣丁內艱歸服闋候補卒於京邸葬陸
鶴涇祖塋之西

曹儀字亮疇延懿次子康熙癸巳恩科聯捷授內閣

中書春秋館纂修丙午湖北頭副主考轉浙江安吉

州陞嚴州府同知卒于任初儀寄籍山東冒姓李進

壽州學中辛卯副榜後以原籍應京兆試遂聯捷上以

譙國平原雖發祥於城而田廬祖墓俱在沙溪載之里志從予舊也

程穆衡字惟博號迺亭乾隆丙辰恩科舉人丁巳聯

捷進士召試保和殿欽取引見養心殿即用山西遼

于敏中榜

州榆社知縣

明舉人

張汝昌字仲光穿山人正統辛酉舉人授大名府同知

考滿候選卒

王永字考思三家市人由崑山學中景泰甲子舉人授

應城知縣

周紹榮字宗勉號景范本姓馬天順壬午魁北闈成化

初預脩英廟實錄授中書舍人進驗封員外郎陳情

復姓宏治初脩憲廟實錄遷山東叅議進太常少卿

居官三十年以清勤稱為中書時嘗有急救夜宣同僚盡醉榮獨簪筆上殿書麻稱旨與永嘉姜立綱齊名姜善子昂榮善公克為一時宗公直內閣最久其陞少身立綱以出身布衣不得齊階榮請一階與立綱齊故榮得太常姜得太僕朝論賢之卒賜葬墓在吳縣楞伽山子孫亦徙居焉所著有紀盛詩集與李學士傑錢郎中仁夫相倡酬

凌杞字尚忠由常熟學中天順壬午舉人初授休寧縣轉彭澤縣郡志載樂安縣知縣誤杞穿山人

劉竑字以規號毅齋穿山人由常熟學中成化乙酉舉人授縉雲知縣廉正考最為浙省知縣第一銓曹擬風憲以年五十遷知定州去後縉雲人立碑注思其在定州治聲益著丁外艱以哀毀卒同里桑思玄誌其墓竑夫人徐氏大學士有貞女

桑悅字民懌號思玄成化乙酉舉人居穿山或云又嘗徙居沙頭有桑園街即其處蓋街故名桑悅非因樹桑而名之也今街亦廢悅事載文苑

狄雲漢字天章號秋水以常熟歲貢

州志載入國子監常熟錢志亦載歲

貢中成化甲午順天舉人知沅江縣任九年調臨清州判官事載儒林

沈誠字實夫由鎮海衛學中成化庚子舉人初授南安知縣轉臨江通判

沈孟儀字宗式穿山人以崑山縣學中成化癸卯舉人授樂安縣知縣

陳訥字近仁由太倉衛學中成化丙午舉人初授高安教諭陞衢州教授北山先生之裔古靈先生五世孫瞿剛字用九由常熟學中成化丙午舉人初授東昌府

同知仕至嘉定州知州

周在字德永號除庵三家市人贅居崑山中弘治壬子舉人除養利州知州未赴以疾致仕在幼孤立志雄邁周故鉅姓中外族屬不下數千指在念父元學遺言倡置義田八百畝置義莊立義塾建綏成祠祀始遷祖與族人弗嗣者婦翁英惟明無子世俗贅產當中分在悉讓吳嗣獨養婦姑言貌雅重有古人風尤善楷書整勁類其為人

按在兄堃卒在子當嗣在與諸兄就堃產而共益

之成八百畝為義田以成父志癸丑會試上其事
於朝乞所司察如約在自奉簡約日手一編不釋
視世務僕如也予復俊壬辰進士仕致太僕寺卿
曾孫玄暉丙戌進士仕至南臺御史玄昭丁酉舉
人仕至興安知州諸曾孫玄 天璿寶球寶琳家
玉俱中舉人籍於崑山

劉倣字以初號宜杏穿山人以常熟縣學例貢中宏治
壬子舉人順天舉人事載儒林

顧瑛字德華號方田由貢生中宏治戊午舉人立州第

一科也授浙江分水縣知縣忤權要遷湖廣襄陽府
通判時造獻陵瑛掌錢穀幹辦有力賜恩賚予誥歸
年六十有六卒

按瑛穿山人

龔儼字子溫號東澣三家市人正德丁卯舉人

李學字朝卿正德丁卯舉人 州志載己卯名鑾

周復璣字子善號肖山三家市人正德己卯順天舉人

王涵字澄卿號可頤嘉靖戊子舉人授鈞州知州

潘子祿改名德元嘉靖甲午舉人仕應天府治中三家

市人宅墓俱在尤漕

曹巽學字懋來號養吾御史達子嘉靖丁酉舉人
葉汝華字質卿號熙元隆慶庚午舉人授滕縣教諭
曹繩武字昭復號鳳陽巽學子由國子監中隆慶庚午
順天舉人事載獨行

呂道烟字曰涵號徽亭中萬歷癸酉舉人授丹陽縣學
教諭

顧成忠字太樸萬曆己卯舉人丙戌會試卒于京邸
凌從周字仲文號九華穿山人萬歷戊子舉人

王廷臯字佐虞號東陽萬歷辛卯舉人授南陵教諭贅
居沙頭曹氏因家焉

呂用賓字公彙號冲銘萬歷丁酉舉人

盛世才字於斯號天虞天啟辛酉舉人授清平縣知縣
調來賓終隨州知州

呂源明字文長號青田由蘇州府學中天啟辛酉舉人
授源武知縣以流賊亂卒於官

曹訥字忍生一字三才繩武子由嘉定學中崇禎癸酉
舉人考授知縣未仕卒

國朝

周裳字雲彥丁酉舉人三家市人

曹漢字倬雲號琢齋主事灼曾孫順治丁酉十四年經魁考授知縣以糧案註誤年四十八卒

陸象明本姓周字懸著號葦庵康熙十一年壬子舉人事載儒林

孫炅本姓陳字 康熙五年丙午舉人三家市人

周麟瑞字廷五號復生由歲貢中康熙辛卯舉人候補內閣中書初為諸生試輒冠軍名噪於時文不假思

索曾於客寓一後進欲需二義刻期就談笑間口誦而使錄之如夙構尚正氣惡暴悍有吳福者素無賴於市中戲一女女怒罵加之厲福以兩手持其足倒懸於地麟瑞見而不平揮之訴其主人並治罪閭里稱快其撫孤恤寡族黨多賴之年七十母曹氏尚強健先母而卒

李于益字翼夫康熙庚子山東舉人現任甘肅寧夏府平羅知縣益我山孀姪生長沙溪後以伯父故以山東德州籍中

陸宏緒字伯和毅孫雍正癸卯

恩科舉人乾隆

科中明通榜授太平府教諭轉羅縣知縣以疾假歸
陸罔齡字疇五號懷劬雍正甲辰經魁授學後起極獎
勵激勸之法引掖鼓舞之方以故及門多列膠庠登
科第者年八十有一卒

周之轍字希穎號

乾隆六年辛酉舉人五經魁年

二十三歲卒無子嗣子汝愚州庠生

曹應錡字奕留號可堂中乾隆乙酉舉人辛丑科銓選
發省湖北借補清軍同知轉石首南漳兩縣乙巳題

授光化縣

明 副榜

王家穎字處卿萬曆四十六年中副崇禎六年又中副榜崇禎十五年又中副榜

曹宗濬字幼安天啟丁卯副榜

曹燕翼字在子崇禎己卯副榜

國朝

黃賡聖字魁先大叅元勳子順治甲午副榜

陸三接字晉侯號緘庵順治甲午副榜是科擬元房評

有才堪八斗學富五車以後中有傷時語不便解部

姑置副車三接少負雋才遊錢宗伯牧齋之門時英
下文社角立諸公以牛耳推讓三接甲午之秋遇而
不遇志不自振同里芝廬王公姑蘇文恪宋公欲延
為子師俱以禮聘皆不就輒以歌聲自娛由歲貢候
選訓導部催至己年老不能仕事矣卒葬群字圩祖
瑩昭穴

周之楷字端成號悔庵中順治辛卯副榜己酉又中副
榜未貢卒無子以弟世樟子岳嗣

明 武進士

曹震學字子素號脩吾侍御遠之子中萬曆甲辰進士
任浙江都司掌印終松藩叅將

國朝

陳廷諤字一士號蓼莊初進婁縣武庠後歸州學康熙
辛酉舉人辛未成進士三甲傳臚事載獨行

陳元春字仙州廷諤子康熙己卯武舉己丑成進士授
北直宣化府西城守備丙午亢旱飢民載道首捐俸
同縣令設粥賑濟任調張家口協標守備去之日兵

民感泣相送百里甫一載署都司印務以驟病腫毒卒於任

國朝 武舉

曹鵠字家白遼曾孫中順治乙酉武舉

陳士春字稚川廷諤次子與兄元春並以騎射名於時
中康熙癸巳 萬壽科武舉

明 貢生

王賓字寅伯宏治年貢任浙江處州府麗水縣儒學訓導

顧問字文裕宏治年貢任道州知州永州同知穿山人
曹昶字起寅正德年貢號東樓松陽訓導子獻孫灼

郁遂字 正德年貢淳安訓導

胡朝卿字國賓本姓曹正德年貢臨江訓導

葉壽春字仁世號魯峯嘉靖年貢海寧訓導

龔涵字時化號浦南嘉靖年貢事載儒林

明 秋雲漢 成化甲子舉人
顧瑛 宏治戊午舉人
朱表 宏治乙丑進士
茅貢 正德甲戌進士
曹宗濬 天啟丁卯副榜
曹燕翼 崇禎甲申副榜

國朝 黃興堅 格貢順治己亥舉人
陸三接 順治甲午副榜
周麟瑞 康熙辛卯舉人

以上俱貢生中式故不列貢中

龔浣字時新號平湖涵之弟嘉靖甲子貢保廉訓導三家市人

邵弁字偉元一字希周號玄妙嘉靖年貢事載儒林曹煒字叔晦號冲泉嘉靖年貢

周之才字屏山幼孤弱冠遊庠萬歷間年五十膺歲薦溫州府教諭以公署遭回祿忝不謹左遷鳳陽府教諭署州印一載陞山東濟南府濱州學正隨陞德王府長史三荐鄉飲年七十有五卒

陸端端御字道南號泰初太倉人高祖瑜贈刑部郎中

祖旦贈玉山知縣端御遷沙溪居三里橋萬歷年貢考授知縣偕子文麟文鳳並以詩文擅名於時撫院表其閭有文冠江南三蘇世望之譽卒葬十五都八字圩是為沙溪陸氏始遷之祖

陶鎔字汝歸號養真萬歷己酉年貢事載儒林

陸文麟字孟祥號載徵萬歷年貢事載儒林

陸文鳳字仲鳴號平鄉萬歷己酉年貢事載文苑

錢益朋字三省萬歷年貢穿山人

顧穎昌字伯融天啟年貢授丹稜縣知縣改新都縣

李傍雲字宿甫崇禎年貢

周維翰字中甫宏光年貢事載儒林

國朝

曹有武字祖來號梅梁侍御達孫順治年貢授同官縣知縣

曹聖士字亦凡達曾孫順治年貢授清流知縣卒於任

陳赤字文達順治年貢

徐二偕字羽虞太僕憲卿子順治年貢授永福知縣未任卒

朱臣字來賓一字象月其先崑山人父季良贅徐氏居沙溪少多病不出戶域弱冠遊庠歷試高等為文不禍一字不悞膺歲薦授丹徒司訓以督修文廟積勞成病卒於官年六十有二

陸榮字右桓號遜輿文麟孫與兄陞學生嘉定學恩貢考授知縣未任卒子毅

曹允武字李服號寄庵康熙年貢性慈祥嘗為廉憲幕客懷筆下超生之意務詳務慎每秉燭夜分期無憾而後安其細行不苟類如此子延懿孫儀俱進士

王瑞宦字君成號南村蘇州府學順治丁酉年貢考授訓導

陸璧字晉玉號辛庵端御孫康熙年貢考授訓導

王錫字宗哲副使遇賓曾孫康熙庚午貢

徐舒字祖庚一字霆發太僕憲卿子康熙年貢授淮安府教授卒於任

蔡璜字衛侯本姓王諸生繡虎子幼孤族叔三德撫之移居上海三德被禍再徙於宿遷受恩蔡氏因姓蔡進宿遷學康熙乙丑督學吉水李公拔貢選授山西

太原府孟縣知縣以才能擢工部虞衡司主事性孝友居官後迎兄懋公至任念本生未葬以二百金授兄歸擇地歲戊寅葬親於洋珩圩之原越五年璜疾卒於京子二今居王家營

曹廷章本姓徐字鳧清太倉人移居沙溪康熙戊寅年貢

周麟徵字廷獻與兄麟瑞並有文名康熙甲午年貢年五十有九卒

周鼎字亦我號 雍正乙卯年恩貢

沙頭里志卷七

里人曹一庵先生修輯 徠亭陸松齡增訂

明 例貢

周堯一作字承勛號同野宏治年例貢授靖江王府審

理陞長史階奉議大夫三家市人

沈淵字子靜孟儀子正德年例貢授登封知縣穿山人

劉吳字振之儼之子號玉洞正德年例貢授中書舍人

穿山人

瞿觀字用賓正德年例貢任留守衛經歷

劉岳字

正德年例貢任留守衛經歷

曹獻字君卿號石溪正德年例貢任南京兵馬指揮歷
三城階文林郎

龔輔字德用號遷齋廩例貢任茶陵州判三家市人後
遷沙溪北

龔浩字時養號養虛正德年例貢任平湖主簿轅次子
三家市人

瞿九成字思堯嘉靖年例貢任沅江府經歷原任激江
府軍民府經歷

呂道熾字日韜號芝亭嘉靖年例貢歷官大理寺評事

呂岱字國鎮號魯山嘉靖年例貢任北京羽林衛經歷
階徵仕郎

呂道輝字日潛號蘭亭嘉靖年例貢任膠州知縣

呂道燁字懋顯號明山嘉靖年例貢任北京北城兵馬
指揮

劉瑄字諸暨嘉靖年例貢

舊志按張司直寅贈萬見湖公平海序有玉山令李
君沙頭人考之科目不得其人必例貢也惜無由而

問其詳又聞之故老云三家市有潘愷者號二泉鄉
貢生查之邑志無其人想亦例貢也姑記於此

曹煇字磷石萬歷年例貢任岳池縣主簿

呂道焯字懋昭號心逸萬歷年例貢任山東按察司照
磨河南布政使經歷

呂基字公肇號文巖萬歷年例貢任樂清縣尉

曹晉學字懋錫號傲吾萬歷年例貢任鴻臚寺序班至
光祿大夫官署監

呂士陞字懋德號觀山岱子萬歷年例貢任大理寺檢

校

呂士境字進德號起巖岱子例貢任澄邁縣尉

呂邦域字慎德號冲宇道熾子例貢任湖廣興都留守

司經歷

龔之熊字蘭亭例貢任汀州府經歷三家市人

呂邦述字德號一山道熾子例貢任湖廣宣慰司經
歷

曹步武字恒季萬歷年例貢任河南按察司主事益王

府典寶

顧敏功字起凡任江西布政司照磨補廣東尋遷廣西
貴縣縣丞晉王府紀善

顧敏學字宇凡任寧州判官署州印遷王府審理俱萬
歷年貢

顧敏志字振凡例貢任陰縣尉會楊應龍亂督撫檄改
遊擊禦賊有功蜀為著勤王偉績錄卒於重慶

龔久權字伯輿號令衡萬歷年例貢任布政司理問改
授烏程縣縣丞

葉仍蕃字伯周汝華子萬歷年例貢任江西都事

曹一庵云例貢雖微亦春秋之玉人也國家既設此
科以用人即不廢其目况其中儘有才能烏容畧而
不載但曉川舊志既已不詳南郭新志并其例汰之
自嘉靖以後遂無可考茲採在鎮各氏宗譜補入然
年分先後已約畧難詳矣

宋 薦辟

胡稷字言字正思文學以特薦補官調晉陵尉歷鄞縣
主簿山陰丞致仕舊志名無考傳當以稷言以為正
也子嶧

明

瞿莊字敬孚孝子興嗣子洪武初以薦授翰林典簿預
修正韻遷吏部員外郎陞福建參政嘗刑一老吏丞
相奏之上手詔嘉獎大要謂貪官動為下人所持吏
卒縱橫安敢誰何所以民受枉而治愈弛若吏卒守

分則民安矣。忝政加極刑於老吏。朕聞當哉。宋學士
漁曰。漁侍講禁林。蘇之良士。瞿敬孚為典簿。文學典
茂。勵行堅凝。漁甚憚之。凡應制諸作。上皆稱善。然親
老思歸。一語及之。流涕被面。莊之族人皆稱為孝子。
瞿氏之後有名士純仁。

張洪字宗海。號止庵。本姓侯。生五日母死。父嘗遊燕。不
歸。鄰人張炯鞠為子。蘇州府志常熟志並載。修撰張
洪宅在沙溪。十歲能默誦詩書。十一補諸生。十五去
學。賈家以饒。二十一歲坐鄰人累戍雲南。帥臣延教

其子會木。邦刁干孟逐其主。思倫法詔三司相度。以
聞。布按兩司皆謂聽其互攻。當自敵。洪言於都司曰。
麓川昔擁三十六甸之衆。入我郊保。走都督馬誠。有
輕中國心。屢於定邊之役。羈縻至今。其下叛亂。天贊
我也。然既襲我冠帶。有急不救。不仁。有亂不匡。不義。
蓋附順討逆。納故酋。復其所及其未定。裂宣慰使為
二。彼無國而有國德。我必甚。瓜分則勢衰。不敢復與
中國為難矣。西平侯沐春善其策。奏行之。事遂平。以
通經薦為靖王府教授。永樂初授行人副使。使日本。

二年使吐蕃飭茶馬之政令四年使遼東其年秋緬甸宣慰那羅塔殺孟養刁木旦而并其地詔洪往諭那羅塔返侵地立孟養後那羅塔初滿調不服洪騰書責之宣朝廷威德曉以禍福反覆乃聽命既又謀鴆洪不果噉以賂不受與其使復命時交趾未定事遂寢入修永樂大典陞司副仁宗改元進翰林院脩撰宣德初預修太宗仁宗實錄書成乞致仕卒年八十有四洪謫戍十五年登朝三十年使車所屆東及日本西竟洮岷南抵彝緬北極遼海往返四萬餘里

以其暇為文章敷腴典則不事藻飾而理自勝告歸益務根柢之學五經皆有解詁所著南彝書日本補遺琴川新志之屬多亡惟歸田稿使緬錄尚存洪之逸事家居屋敞作東與東橋徐氏乞柴蓋之有羊一頭乃縣令為鄉飲送者轉托與種竹人家換竹作椽其尚風如此

按管志稱洪天下奇人州志載洪沙溪人亦本常熟鄧志云

劉璋字

工書正德初選取篆文生為序班內閣誥

勅房辦事加銜大理寺右寺副

黃翼聖字子羽號攝六崇禎間以賢良方正薦授新都縣新都當府會之衝兵燬者再獻賊入境所至蹂躪翼聖嬰城自守賊聞風宵遯孤壘獨全蜀人尸祝之轉安吉州未幾金陵潰馬貴陽挾兵走浙江歷廣德廣德人拒之脫中大譟城邑為墟翼聖先期僦次舍充餼糧以待兵不囂譁州人安堵如故遠近服其有大畧能應變自是無宦志棄官歸知州白登明敦請以主講院事倡導有方一時澆俗丕變生平好交天

下士言論必持名義許以與悉當公好詩登堂輿推為名家年六十有四預擇日端坐而逝

曹一庵曰明朝自洪武四年一舉鄉試以後罷科舉舉賢良至十七年復鄉試遂著為令至崇禎十一年再行薦舉隨罷故自宋迄明鎮止五人然此五人先後不齊各有聲望故愚謂鄉舉里選之制行縱徇私敗類必難進士知自好風俗猶可美豈似糊名問八股賢奸得雜進儒衣冠者反得肆為無忌公為不法

也舊列才能四人邵伯

俞郁震郁翼劉璋

明 恩典

張炯洪恩父字復鑑贈翰林院修撰母丁氏贈安人妻

顧氏封安人

洪熙年

顧忠以山父封監察御史

天順年

郁蒙身容父嗣父字時中贈刑部知事母沈氏妻張氏
俱封安人

周豫紹榮恩父字廷悅號默庵封中書舍人

馬公遜紹榮父號益庵乞恩復姓封吏部員外郎加封大

常寺少卿常熟志云公諱謙疑以字封受也

葉璣預父字舜錫號定庵贈武陵知縣母郁氏贈孺人
妻錢氏封孺人以上成化年

茅珮貢父封承德郎工部主事加封奉訓大夫工部員
外母潘氏妻顧氏俱封安人

周元學在父諱勉以字受封號守齋贈靖江王府審理
嘉靖間以孫復俊再贈雲南布政使

劉端岳父字 贈留守衛經歷母 氏妻茅氏俱封

孺人以上正德年

龔采轅父字李明號草廬贈工部屯田清吏司主事母

胡氏贈安人妻姚氏封安人

曹彪本姓呂道熾父字希價號三橋贈中書舍人母吳
氏贈孺人妻姚氏封孺人繼王氏封安人

曹景獻父字起寅號東樓本訓導致仕封兵馬指揮母
張氏妻王氏俱封孺人

呂龍岱父字希言號一閒贈徵仕郎羽林衛經歷

曹振剛達父字朝憲贈太常博士母朱氏妻顧氏俱封
孺人

周在復俊父字承德號除庵本養利州知州贈屯田司

員外郎再贈雲南左布政使

葉冲遇春父字性孚贈應天府治中母陸氏贈宜人妻

王氏封安人以上嘉靖年

王文澗遇賓父字民通號守恒贈河間知縣再贈重慶

府知縣母陸氏累贈恭人妻丁氏累贈恭人

黃縉元勳父字悅樓封慈谿知縣再封廣西按察副使

母趙氏封恭人妻項氏累封恭人以上萬曆年

徐可大憲卿嗣父字少恒累贈中憲大夫南京太僕寺

少卿母蘇氏累贈恭人妻李氏累封恭人

徐可久憲卿生父字敬思移贈中憲大夫南京太僕寺

少卿以上崇禎年

曹時保登雲父字壽國贈刑部浙江司主事母王氏妻

王氏俱贈安人順治年

黃與堅父字贈翰林院編修充東宮講官御

史母氏妻氏俱贈人

陸榮毅父字右桓號遜輿本恩貢贈新建知縣再贈陝

西道監察御史母黃氏累贈孺人妻顧氏封孺人

沙頭里志卷八

里人曹一庵先生修輯

徠亭陸松齡鶴芬增訂

明 儒林

王日昱三家市人父執中自玉峯來徙居所居多古木
有枯樹王家之稱日昱才高學博以道德自持以孔
孟為歸詩文揚名四海明末兵燹失其集

劉倬字以初號宜杏穿山人四歲而孤鞠於兩兄倬倣
為人沈潛學道動師聖賢几榻率有箴銘生平手不
釋卷弘治壬子領順天鄉薦授壽昌令居官多善政

不受一錢每齋家資以用遷定海致仕歸民遮道留
數年後猶思之立碑紀績能詩得唐人風年六十有
三卒

桑瑾家字廷璋少孤力學兄弟自為師友景泰間相繼
鄉薦詔選通判瑾弟瑜字廷瓚瑾得處州瑜得温州
同日拜命出都瑾在處脩復通濟堰以灌民田擒滅
巨寇吳大人夏文義處有銀礦內臣侵擾瑾節其費
以充上貢瑜在溫屬邑泰順有銀坑歲久礦微官必
取盈瑜請得奏減蒲莊衛卒侵平陽民田民代輸稅

訟久未決瑜為籍畝賦租稅軍民不擾鹽竈戶多逃
亡虧課部議以三丁充一丁瑜報有舊額在戶部可
覆按乃止溫有夢花草池作堂於上兄瑾自處州來
相與觴詠繼謝公故事初仕時兄弟相約早乞休後
竟同時致仕同舟還里一時以為美談雍睦之行稱
於鄉里瑾以祿不逮親終身不御甘美兄瓊病京邸
嘗惡以驗差劇其文醇質尚理要詩和平清婉瑜又
為人風神灑落氣志澹泊篇詠清曠瑾著讀易備忘
三經易集說節易林前後集淪齋詩文集草羅窗雜

記同舟稿讀史景忠等書繼盧張二公後稱信史有
吟窗選粹共十二卷 桑氏互通判瑜瑾處州瑜温
州瑾之子翹泉州弟介之子大協杭州悅長沙 舊
志云昔邵曼容為官不過六百石孫瑀惡仕宦長居
戶限上人性之靜躁不同如此二桑兄弟去職與漢
兩疏叔姪風致畧相似在位不曠其官居家則和而
理觀其醞藉可謂儒者矣一門羣從五以通判終其
有邵氏之意耶

狄雲漢字天章號秋林為人清勁有風概成化甲午舉

北闈選沅江令沅江為湖外小邑俗樸易治雲漢治
尚寬靜民愛之郊外有佳山水無事出遊及暮而返
民挈菓茗候雲漢停輿受之童豎為掖輿而行語之
曰汝等善自愛吾數出遊汝等不能供也皆喜拜而
去沅有湖盜終雲漢之任盜不入邑後調判臨清州
有御嘗識雲漢於州中見之曰州水陸為君乃在此
乎雲漢曰正自未得去耳遂請解職有薄田二十五
畝不仕而耕後廢之戲自號餘夫初未第時聚徒講
學至百餘人守其師說多取高第後歸僦廬虞山下

或過午未食妻以
粥進曰清官喫麥
粥雲漢則吸病吟
詩

縣令楊子_器聞之曰先生黜四壁矣就沙溪置薄產室
奉雲漢居之_{一作華蕩}沈啟南為作買疏年八十有六
卒吏部尚書李傑誌其墓張南郭曰先生詩古清
絕嘗與州守李公端登城遠眺有南去好山多入越
東來滄海半吞吳句李揖之曰先生語工若是信坐
窮也_{虞山志}曹一庵曰管志云李守越人也簞簞不飭
公詩刺之考守楚人有善績無貪名管志疑誤又云
公以前有桑民懌悅公以後有吳敬夫寅俱稱作者
時日為鄉科三儁

龔涵字時化三家市人少穎敏力學貫穿經史百家試
輒冠軍嘉靖年貢授均州同知有廉能考最將擢以
父乞歸嘗作五箴銘之寢室以朝夕省心前四箴公
怒廉勤自謂庶幾一二後一箴慎獨則謂茫乎未有
得也其勵行如此年七十卒岵谷張元蒙為之狀記
其隱行云

邵弁字偉元一字希周號玄沙博極羣書年十三補博
士弟子員既長饒著述尤精經學有師法後生皆從
問疑義晚年患目矇氣息僅屬及叩以名理應如響

文肅弇州兩先生皆以宿學推讓之德行重於鄉閭
按撫累旌之後巡撫御史倣毛弼事為建仁壽坊已
上聞會卒遂寢弁精岐黃術每試輒奇中所著五經
諸_子及醫學等書共數十種卒年八十有九王文肅公
誌其墓

陶鎔字汝陶號養真萬歷乙酉貢授宜興訓導遷建德
教諭轉杭州教授遂不赴性至孝舉動方嚴喪葬享
祀一循家禮不隨俗尚居鄉執經者滿戶一以躬行
為訓不專尚詞章出其門者大都方正之士嘗訓其

子曰汝父無他長惟不談人過不遂己非不輕言不
妄謂衣謝文綺食不厭藜藿大暑不廢衣冠沍寒不
戀衾枕財無苟得色無邪竇如是而已此先生自叙
實錄卒年八十有五所著義經貞一編四書詳說編
子鴻祚字系昌又自號愚古丁時之窮有精衛填海
之意卒死於虞所著有英雄淚更定元史綱目
吳樅字龍橋篤學勵行後生多從受經義一時科第如
黃元勳葉汝華凌從周俱出其門性嚴峻門人有過
雖貴必面斥士咸宗仰而欽重之

曹大憲字章甫號華陽體幹修偉舉止嚴重六經諸史
大全性理諸子等書每歲必輒徧閱一通四書本經
講義每歲手錄一遍同學以苦學推之弟和陽同年
學博士員以暴病亡時諸學有鼓譟事當議罪應坐
者欲陰却之大憲奮然曰豈可以吾弟死令負不韙
名出與當事力爭之得不果
陳君渥居張涇博極群書尤精於易理嘗著周易勾玄
自謂得邵堯夫真傳舉動方嚴言笑不苟人以朱考
亭稱之著述放廢多為之歎息

國朝

周象明字懸著號韋庵自少勤學問飭躬砥行康熙壬
子舉於鄉秉幟文壇昌明理學一時從遊之士遍於
姑胥洞庭虞山婁水之間計成進士者七王太守吉
武陸侍御毅吳給諫暲王宮詹奕清龍巖令王昭被
武科李湘張淵舉孝廉者六王部曹原博吳教諭樞
王昭復錢濬方政益陸岡齡其餘恩拔歲副王日光
顧光復王麟來俱副榜壽張令吳瑄中書席前席呂
徐行俱歲貢龔秉直選拔以及列黌序知名於時者

不下數十人賦性高介不牽於時戊辰計偕中途不
返寓居虞麓叅講漁洛闕閔之書諸異同之說莫不
發微抉奧言下了然年五十有八卒門人私謚貞文
先生崇祀鄉賢所著有性理發微七錄經同異錄尚友
編田賦考事物考辨團溪雜言

周維翰字申甫湛深經術縉紳多延為子師好汲引後
學有疑質罔不應猶歛然若無有繫詞一書晚年自
謂有心得惜無傳人性方嚴中年喪偶即不娶三以
歲薦年七十卒子綿存

周世樟字章成號息園州庠生醇厚謹恪肫然無偽五
經左傳洞悉源流又精於天文禮樂著五經類編門
人中丞王譽捐貲刊行典題一得膾炙人口子岳字
詢臣青浦縣學諸生攻苦力學養親以志王潞亭延
為子師以暴病卒其家

元 文苑

盛或字李文元李兵亂徙家崑山與楊維禎陳東秦約
文質陸仁輩遊著歸湖岡集

明

陳蒙字允德居穿山詩宗許渾溫覲流安有育庵集泛
雪稿

舊志育庵詩文著吳中求者無曠日一走筆數十篇
泉決雲湧於廣坐中談古今成敗得失或喜或怒不
知為羸書生也嘗以千金授僕貿易其人捐資隨靖

難有功官山西都指揮使未幾死無嗣檄取蒙襲爵
蒙曰吾豈為三品陷不義屢檄辭益堅士大夫為之
晚嗜吐納修中黃之道號玉井翁又號東家生卒之
日端坐而逝沈啟南誌其墓

秦悅字民懌自號思玄居士生有異質總角善文賦十
九預鄉薦試禮部不第入國學試策有刺時語主者
惡之黜居乙榜例出為教官得秦和縣學訓導以古
學教人時越境訪諸聞士監臨者雅知悅特以殊禮
聘主浙楚滇三省鄉試扶滿吏部王尚書恕惜其久

滯遷長沙府通判悅天性跣跣不習為吏以長沙地
瘠民貧一時裁濶與民相假由是租多不入課殿徒
柳州柳州獠夷雜居悅以誠信得其心左都御史鄧
延瓚鎮蘭嶺表常收之幕中待以客禮悅自以久居
不復振遂移疾病歸家貧甚門人故舊來南多賙助
之入手輒盡時盜海上盜常發常熟令計宗道柳進
士也嘗師於悅迎致廨舍餽給之無何卒子阜早喪
遂無子令為具棺殮還葬穿山悅落拓自負與世齟
齬文詞塊麗汗漫間以晉人風度形之篇章而其議

論行已亦畧似之中歲後頗厭華繪趙平實探索理
奧易春秋周禮皆有傳解集凡六十餘卷遺集二十
卷其從弟翅字民起為文好奇僻時倣悅體而才稍
遜著寒清集

舊志後之輕才小生為凌忽漫浪之行者多藉口於
民懌不知無民懌之才而有其病固不可也况民懌
亦有不盡然者龔立本云公少有狂士名田父兒童
莫不炫耀而喜為之傳故多言過其實易箚之光御
史按部在邑與公有舊殷勤臨視適豪官有獄危急

屬公居間願酬千金公雖衾裯不掩竟堅却之此亦
非文人所能也邑令段然記其祠云當邱文莊李文
正王端毅雙眼並青豈難登華陟廡寧放長沙寧
投柳州寧拙催科而考下下寧井凍床寒而不染指
暮夜之鼎則先生自不朽矣兩人之論民懌如此
蔡介字于田瑾之子由歲貢中式初在南雍條陳十二
策如祀周公完六經等議為湛若水林文俊所賞謁
選知滋陽縣嘗著和陶詩十卷與文徵仲賡吟集並
行於世

周詩字以言三家市人其稱於時由皇甫子安子安謂
詩雜文多超朗其人曠以疎行已有恥或聞其名造
之輒避去妙於方藥作內經解與虞山孫艾善老於
孫氏死葬之吾谷表曰虛岩先生周君墓皇甫冲為
之墓銘所著古今詩集內經註十餘卷

劉密字慎之穿山人少孤事母以孝詩宗白香山清純
潤純正流出肺腑著玉田集

沈石田贈詩 仙翁肥遯穿山麓山下有田皆種玉
玉樹森森長瑞枝天階雨露沾濡足義耨仁耕年復

年塵機擺脫真如仙知君玉德善培植乾坤何處非
藍田

陸文麟字孟祥號載微少補諸生文譽霽藹蔚詩古文
詞尤擅名吳下一時才雋以物望歸之賦性肫摯需
次應貢誼讓一執友閱二載就試貢牒未下以病卒
旅舍為之太息子兆雲兆舉兆胤俱名諸生

陸文鳳字仲鳴號平鄉與兄文麟同案遊庠才藻續紛
為文壇將飛將屢躓棘闈乙酉廷試第一授知縣工
書法有入洛草行世子字子馮州庠生授翰林院待

詔崇禎末死於鄉兵

呂雲字石香吳江學諸生主選政文名遍海內為古文師樊紹述孫樵為詩師盧同李賀尺牘酷類晉魏尤精易學少遊張西銘之門時西銘握文柄走天下士特異其才謂諸門人曰此當第一後西銘歿雲字名日益進四方爭聞問亦稍稍次西銘矣崇禎鼎革兵洗村落沙溪人多跳走雲字以母故守舍卒遭及剽門人黃與堅輯其稿

周肇云石香年十五好寄居小樓楮杜塞門所讀莊

列汲冢竹書及太戴太玄諸家言務窳僻銑箒不與俗通嘗試吳江熊公魚山時為令課畏匡章石香穴竒扶輿如碑剝蝕無句讀甚者宣尼既有年月支干可紀其侍側某某衣冠形狀若親見之者吳江人皆以為怪魚山乃大竒之拔冠其軍自是名傾吳下論者謂石香好附訖所作以仙故詭怪可喜或曰遇異人授祕冊置中箱中人莫能見皆謬也石香少年聲牙劇肝鑄詞附理或未必皆貫串經史及長為詩古文體氣隱秀雖甚慕者不及也卒年三十有五

龔挺字無競州諸生善詩文著拙庵集三家市人子嶸
字山榮諸生能文

王化中字孟成嘉定學諸生博通經史尤精於性理所
著有五經箋註又旁通內典楞迦維摩金剛涅槃諸
經皆有註著存齋稿二十卷楊維斗沈眉生為之序
國朝

黃與堅字廷表號忍庵由拔貢舉順治丁酉北闈己亥
成進士授推官以糧案誥誤康熙己未應博學宏詞
科特簡翰林院編修甲子貴州正主考晉右春坊充

東宮講官壬申奉旨葬親歸里己卯

聖祖南巡以所著易學闡一進呈 御賜如松堂扁額

著忍庵集願學文集各數十卷年八十有 卒葬廿

八都 字圩子鉉字士安貢生和州訓導陞揚州教
授卒

曹耀字德公號質庵州諸生少遊揚維斗張南郭之門

讀書以身心性為務嘗自顏其居曰不昧居取朱子
虛靈不昧之意又曰知非處則蘧大夫所以寡居也
家貧教授以自給走倖竇博虛聲輒齟舌搖首若將

晚焉晚益好學聖賢經傳及古今大儒集錄日覽手抄不倦著慎懼集

王家楨字予采州諸生與呂雲孚同操選政博聞強識善古文詩詞性峭直多不諧於族俗子克寬字原仁庠生博學善文尤精於易理

王家祥字止吉州諸生與同里諸德行士朔望集樂只堂講學化行鄉曲尤精於地理

曹煒字暉吉號一庵篤學勵行世家爭延致塾師好著述有一庵隨錄曹氏世譜沙頭里志向無專書撝拾

採諮精詳悉備俾前得所傳後得所考其有於世道人心者不淺

葉藩字桐初孝廉汝華曾孫幼孤讀書於海寧寺適楚中杜茶村濬來自白門見而異其才納為館甥得指授詩日益有名所至名公鉅卿皆願交於藩唱和成帙庚午旋里年且五十有感述詩萬重雲外敢歸里百尺磯頭念息機留却此身全不是從今日後始知非復出卒於燕同里呂楠哭之詩一棺雨雪三千里八口饑寒五十年蓋傷之也子芬字子山太學亦能

詩

黃侃字孝直自號石航刺史翼聖孫姿性敏慧讀書過目不忘幼補諸生負遠志未幾糧案註誤肆力詩古文手不釋卷同邑王顓庵視學浙江為主裁蓋以伯樂之顧寄侃也所著有說詩說汗青錄史亭記卒年五十有六子一字綏之

呂楠字雪洲好學深思於古人無所不窺隱居窮巷風雪滿門胸中積鬱嘗一發之於詩華孝廉乾隆序其集謂秀骨嶙嶒如峨眉天半有能獨闢而出於古人

之外者著洗硯錄若干卷詩文集若干卷年七十有五卒無子詩名編蒲集

王桓字臣虎師事尤悔庵侗博覽好學刻意為聲詩嘗客維揚於廣陵諸勝景詩咏成帙唐雪井為廣陵遊詩序其在全陵在姑蘇以及虞山其間山川景物皆收入奚囊各有專集少負遠志鏖戰秋闈不免書空坐愁以諸生老

吳學尹字莘來侍郎之彥曾孫自城來徙教授生徒翕然宗仰制義敏贍小題尤追慶歷名家遠近爭購膺刻

他氏家絃戶誦詩和平剴切興會颺舉至老不衰子
樹德肇昌承緒俱諸生

曹徵熊字協占幼孤力學時藝師龔熊伯龍劉子壯詩
宗李義山耿介性成落落不為時好友及門有小過
即呵斥其嚴峻如此應童子試文冠一軍以貌不颺
列第二當事為識者鄙之著困學草韓門集無子

陳于潮字青來廷諤子賦性高介藏書充棟善鑑古器
物一經傳玩不惜重貲購之書法蒼勁工詩著鴨鷗
草借綠亭稿年四十有一卒

陸溥字允舒唐右補闕龜蒙二十七世孫十二世祖路
始居州新安鎮廣房屋貧者居之更名六公市孫毅
外王父周景純作子居道堂溥十世祖毅毅從兄守
榮賜進士任壽昌縣令溥大父元洽大母副使王過
賓猶子父定先精岐黃溥少受業於諸生大伯祖具
一伯父厚冠偕邢蒼珮事從叔峻遊博通羣典精文
唐孫華張覲文皆羅致門下每科榜發必購其文鐫
印世之讀其文者知某篇某人評不知代他人作嫁
衣裳此陸子嘔心血而成也惜其因病未試嘗館學

山園張氏卒年二十餘妻庠生錢清臣女詳列婦傳
採王桓傳事載入州志文學傳

沙溪陸子允舒館於太倉張氏其年八月以疾暴亡
平日所讀之書及所著時藝病時皆留於館中未及
携歸既死纔蓋棺即於是夕現形於其僕大聲叫云
我文章在館汝可速入城取之僕辭以天晚須明日
方去云館僕已歸少遲則失去僕又猶固辭遂以拳
揮之僕悶地口吐血人始知之扶至床猶連聲呼饒
次早遂買舟入城鬼猶隨至舟聲啾啾不散去蓋允

舒困童子試科平日專心舉業思得一奮以抒其志
不意青年早卒其一靈不泯魂魄所營惟在於丹黃
制舉之文而又自知已死惟恐人之窺其篋笥而散
失其遺文也故自館中探信之僕方回知消息已漏
必不容一刻少遲遂急呼其僕而不覺平日之面目
一時盡為出現其亦憐亦可悲矣嗟乎萬法皆空一
切有為盡屬夢幻泡影而沾沾於雕蟲故技雖至骨
化形銷而不能傾刻忘也此文人結習使然但緣此
一念為輪迴根本生生世世未免有情其何時出離

也哉不如掃而空之萬念纏縛一刀斬斷立地清涼
惜無為允舒告者崑山徐健庵先生為之序事載州志文學傳

舊本列儒林

宋

隱逸

原本胡嶧陳繼善劉智桑宗道劉
檄劉樸陳符劉傲劉岍補盛或

胡嶧字仲連自婺來徙居塗菘澹泊自守言動皆有尺

度賓嘉喪祭悉依古禮所居五柳園松窗蓬戶父子

兄弟終日講學取杜詩完舍如荒村之句顏其居曰

如村因號如村老人紹興十四年卒累居命官不仕

子百能

按吳郡志嶧父稷言有五柳園在臨頓里豈
嶧即以名園而堂在故處耶抑移堂額於塗

菘耶不
可考矣

元

瞿孝禎字逢祥瞿劭先生之後性閒曠善吟咏每得佳

句輒撫琴一弄闢樂隱園於團溪上與楊維禎張伯
雨姚文奐顧阿瑛輩遊著月蕉稿

明

桑宗道號雲野道人恬淡無競好道術有農家為怪物
所崇乞宗道符篆揭之得安寢覺而窺其外有黑虎
蹲踞怪遂息宗道律已端厚人稱為德士嘗自言曰
我葬以千驥為期及葬果來鶴千頂見者嘆異

桑琳字廷貴號鶴溪穿山人性冲淡早喪偶終身不娶
學黃老養性之術結廬山南水光山色往來几席間

時瑾瑜兄弟同日棄官時相過從過景酬唱有蔗鄉
雜咏又有團瓢清唱大都白玉蟾之流年八十餘卒
子悅

劉樸字宗實自號樂清翁家穿山嘗芒鞋竹杖放歌行
吟於其間足跡不入城市藏書充棟讀之期於自得
不欲形諸言也從容恬愉七十年不一皺眉子耘

劉倣字以勉號友荆薄名利父兄欲援冠帶例辭之營
別圃壘石引水種竹栽花與兄同唱和所著有友荆
稿

陸世瑜字襄虞穿山人少為諸生攻苦力學有鵬舉之志崇禎鼎革悉委棄之每除夕必陳酒脯於堂祭而哭之不知其為誰也

當事聞其賢在物色之以顯疾

卑躬折節耶其耿介如此

陸發字濬初州增廣生文行兼優樂崇氣節當甲申之

變年未及壯即杜門高尚水亭竹圃嘯咏其間有香

山池上之風若其澀渭攸分則方嚴正直足以式訓

時流

嘗於危難時保族之孤寡於欺藐處扶友之孱弱尤為士林所推重子三接字晉侯副榜翰字

墨卿州諸生

明 孝友

瞿興嗣字華卿母當暑病癱穢不可通興嗣撫摩吮齧

執扇驅蚊侍湯藥日不交睫者月餘母又患積氣食

不下咽興嗣刳股作羹母啗之愈母嗜芟嘗非時思

食之興嗣解衣入水行數十處雙脰赤腫得三芟以

歸天性仁愛專趨人之急遇歲惡饑民往依之者為

擇舍以居給其飲食會疫癘作骨肉或相棄輒移病

人為之饋粥藥餌多賴以全活捨遺物於塗必訪歸

其主有告糶者憐其老敝受直佯忘數倍與之其鄰

王氏貧且病興嗣晨往以二千緡投門隙而去不使知也宋文獻漁銘其墓云孝子雖不讀書其篤行雖鄙魯不過也子莊字敬孚洪武以儒士薦禮部員外郎

劉岍字德之父毅齋以緡雲令丁外艱痛哭搆病岍進躬進湯藥衣不解帶有昔賢嘗糞驗病之誠父母相繼歿哀毀迄于舉襄既奉主入祠每旦必衣冠拜祠下忌日必齋宿致祭以盡哀處兄弟友愛尤至雖見侮慢待之怡然從子瑁被誣當刑不惜己貲援救得

免其一生好義如此

汪德璜字獻之州庠生母年八十兩目俱瞽德璜日餽之以冀其明母病痢襪衣必自滌遇宴客進簋必先母或簋數不及客詬婦每當窘索婦簪珥以供母得錢即喜不問價也士毅德璜子乙酉七月北兵至鎮德璜與之匿於後園德璜遇兵士毅出泣求免兵不顧以手抱父頸父子俱被禍見者嘆士毅之孝為德璜之身教云

周綿存字嘏常州廩生早喪母事父申甫極孝父亟稱

之則曰大人湏以不言為佳其意恐有妨於兄弟也與友偕行善過格同志樂相質綿存獨隱行之性慈仁當飯聞乞丐叫號聲即撤所飯食之自奉極淡泊藁魚雞卵之屬下一箸餘不食也鼎革後時兵至綿存欲謀他徙而父不從徘徊不肯舍去遂與兵過死於兵實死於孝也時罹兵難者多藁葬綿存獨得一棺以為善報云

周德培名世平州庠生字天成號坦庵綿存子品端行潔性度冲和為士林祭酒

周裕字克符德培子束修自好言動皆有尺度性情乃有祖父之風無子以從子景豐為嗣按坦庵以父死於兵不忍就童子試四十後或勸之遂遊庠終身不省試景豐字也當以名

呂雲奇字石英少具至性讀書至忠孝古今忠孝節義之事即感慨歎戲樂以身並嚴于論文嘗私著一編第古今人物高下最上為師次者為友不當意者不苟許也乙酉夏江南亂外戚招之往日我豈捨父而他適乎奇若臨難當先女次妻吾父生死以之乃隱

偕隱於穿山之北父偶歸里雲奇出省父兵突至倉
皇與父匿叢中父被執雲奇躍出身出哀求免兵不
顧父子皆遇害收其屍見雲奇以兩手抱父頸云
錢兆登字伯昇經紀營生家事不稟命於父不敢行年
八十病篤兆登泣禱於周孝子廟割臂肉以進父食
之起州太白守白侯聞以扁額旌之有瞿大者少傭
工於錢母病亦割臂肉以進得起成為兆登之感
呂潤明字文奕幼孤母邵氏年老每日飲食必親奉以
請凡物必先母然後敢食母或怒長跪流涕不命之

起竟日不起每旦率妻子問安夜則視卧具之寒煖
燠候母熟睡而後去寒夜與母同宿納足於懷母二
便必親手抱不付女婢母年八十三壽終哭泣之哀
幾乎滅性袁友白賁為之作呂孝子傳

顧泳字爾濤工書業醫母早亡父仲御年老泳事之極
盡子職古孝子無以過也妻金氏事其翁一如泳人
稱為夫婦雙孝

王文澗字民通號守恒居東洋涇伯兄晞年老子幼人
視如兒肉以事訟之州捕急文澗負兄代辨州太守

呵責甚厲文澗伏地請代不許繼以泣曰兄年老必死於刑文澗尚壯不死於刑即刑不死故願代太守憐而并赦之且直其事子遇賓貴累贈至中憲大夫顧敏功字起凡以例附入監仕江西布政使照磨補廣東尋遷廣西貴縣縣丞晉王府紀善弟敏志卒於武隆官邸樞滯荊州時敏功年老欲往迎家人諫止之泣曰吾兄弟五人總一塊肉身忍令其喪棄之千重之外竟就道抵荆而卒荆守高公斗樞義其友愛特撥舡夫護喪歸

顧敏學字宇凡敏功弟以監仕寧州判官署州事數月遷王府審理有弟敏義不安桑梓遠徙他方敏學苦勸歸里曰而無業耶吾有薄田二十畝可供朝夕需而無居耶吾為爾築室可以蔽風雨敏義歸卒賴以成家

顧鉞字雅儔蘇郡庠生讀書有原委重名節不苟去就喪祭多用古禮幼喪父母與季弟鑰相倚為成家凡門外事鉞任之家庭事鑰任之兄弟怡怡無爾我分繼析箸緩急相濟各不計償故同輩推善兄弟必歸顧

氏

呂一鳴字梅庵州庠生第一鄂亦庠生夫婦俱夭遺孤
振元未食晬盤一鳴撫之倍於己子教養成立婚娶
後返其田宅纖悉無虧

王之璧字拱先州庠生父宜仲晚年庶出一子恐不及
見其成立將謀他育之璧知即諫止以己旁舍居子
母而給其衣食日不累二大人也同輩服其厚德
王庭槐字兆三州諸生贅居虞山父永周嘗教授生徒
年力寢衰乃諫之曰大人有子方當膳食養藉食於

館男殆不可為人矣家極貧先意承志優游以適其
天年庭槐病醫罔效父禱於周孝子廟庭槐在床恍
惚有人語之曰汝已舉孝子汝病無患矣病果立起
邢鳴佩字德音信實遠孚謙恭有道仲兄鳴球醇謹性
成友愛肫摯以道義綜一家之政鳴佩佐之內外無
間言和霽之氣萃於一門乾隆二年巡撫卹基以碩
德具題 詔賜八品頂服

呂洵字淳初幼聰敏讀書等身以痘失明與人言經史
輒疊疊不倦父穎孫年老移床就寢處服勤至死與

弟恪田產悉共一綿粒粟無私弟嘗踣傷臂憂刑於
色真有災艾分痛之意其篤於倫理如此乾隆二年
撫巡撫邵基以碩德具題 詔賜八品頂服

明 獨行原本無獨行劉智劉
檄劉傲陳符列隱逸

劉智字子謀號涵碧其先仕元為海道萬戶領海漕買
田穿山因家焉後遭變廢業智力勤養母嘗遊毘陵
神祠見帕有遺金守獲俄有一婦人號泣至乃夫陷
大辟鬻求賂因禱神而失者也智急返之婦願分其
半不許其輕財如好義如此歿葬於漕塘南莊大理

寺卿章格為傳子五本楷檄
樸集

劉檄字宗文有幹畧周文襄公忱理賦江南寓鶴山書
院嘗令檄入見不通謁與語如家人金山寺哭主僧

求募於文襄文襄曰使劉檄在此事濟矣聞即命其子傲往以數百石糞安節投戈遯荒檄於艱難中庇之檄死安節挽詩有少濯迤蹇荷翁知豈獨孫嵩識趙政之句檄以善詩所著有思學齋稿出粟賑饑例授冠帶

劉傲字以則號鄂韓行類古遊俠以資推長鄉賦過水旱災輒詳白上官多從之傲弟醫不効盡焚其負祖券二千餘石冀回天意人有緩急求請必賑給之有田數頃以其入為好義費嘗不足嘗稱貸以給馬父

歿以登思瞻壠名其堂使人以禮幣走京師請貴顯志無當意者邑生陳生某投詩因_兩京冠蓋知名久百室饑寒感惠多之句傲喜亟贈米百石好讀書南莊西墅文友詩朋樂無虛日亦能詩楊維禎高啟諸人遺錄皆為梓行平毘陵王儼志基其墓

陳符字原錫少從吳山吳文度學吳歿無子符為塋葬刊行其詩文養其嫠以壽終葬亦如之周文襄公擬薦用以母老辭每歲百里而祭掃符通春秋左氏傳為詩上溯漢魏著存誠稿別業枕印溪有印溪書屋

諸勝嗣子蒙弟尚德出符與尚德同師龔大章有二
難之日

曹繩武字昭復號鳳陽隆慶庚子舉北闈尚意氣好投
分所至物色後進與定交每適鄰邑輒捐餉千金適
燕以數倍燕邸所儲器用甚富一下第盡以畀同袍
之謁選及治歸裝者好法書名畫尊彝金石刻一經
傳褶玩即不惜貲購之或為所善索手筆一兩行取
給某肆如寄同里舉人顧成忠丙戌計偕卒燕邸繩
武為治舍殮護櫬歸同學賻贈悉封識付成忠父葬

成忠大父母以下喪子貧納為館甥女治奩嫁之經
師王健齋掩其親三世同學周仰思早亡掖厥子力
學為其應試道地先己子里中毛與復妻守節死倡
義為之建坊不惜重貲嘗富所愛花甕值百金老友
潘省庵嫌其於酒次玩弄擲其地色不動前母淺厝
為盜發繩武手抱而易棺衾不付侍婢族之鰥寡與
族女族甥之貧無依者籍其名歲給粟為常鄉黨之
有冤抑者見州父母必直力為白見輩之以私情乞
者即掩耳走陸比部化熙稱其有俠士風而醇正過

之徐駕部時進諫之曰當世誦友道必與君歸俎蓋
實錄云

徐三智字儕生憲卿次子州諸生好為義舉崇禎辛巳
歲奇荒饑民載道設粥賑濟多賴以活乙酉大兵
至鎮屠戮幾盡屍積如山三智使人架木焚燒悉其
骨瘞之

國朝

陳廷諤字一士號蓼莊世居張涇父志和遷沙頭康熙
辛未成武舉進士三甲傳臚輕財樂善所知有緩急

取諸如寄丙子歲大祲冬寒家質庫中命取贖止償
母銀子銀分文不取一方之民賴以煥者甚衆辛巳
春奉憲開減浦沙溪市河分兩岸居民均挑貧民以
紡績謀朝夕課役興無得所得食廷諤首捐貲開濬
設法勸助不日告成家素饒裕有借券遺自先人者
塋葬後不論多寡悉焚之有田數頃租稅之入僅足
輸庫不計羨餘其慷慨如此卒年五十

明 耆碩 原本載周勉
曹珣曾彪

張炯字鑑翁元末父慶之自郡來徙家頗饒親隣有凶
禍事多賴以濟絮凍脯饑樁死靡所不為沙溪侯某
遊燕不歸其婦死于甚幼炯撫為己子即張修撰洪
也

陳繼善字從道居塗崧岡梓行張修撰中庸講義以教
人家多田惠子孫多取大書平軒二字顏其堂

瞿依京字 孝子興嗣後裔年十八讓質與兄入太
學身代父應徭役老胥宿吏莫敢以童子假易閭左

有大儀邑宰及鄉老並採依京之說依京又傾身為人倡率不辭勞與費

周勉字元學號守齋好讀書多陰德置恒產三酬其值嘗艤舟過郡城見一人藍縷而來勉識之曰此某男子也嘗向以田售我者何一寒如此亟呼止舟出白金六兩與之其人不知所為勉曰子不聞一田三價買乎俟後日再當以此數贈君其人感激而去嘗自署其門曰一田三價買六子百年耕欲置義田宅不果其願後子去在踵行累贈通議大夫雲南布政使

左布政

曹珣字季珩號筠軒忠厚好義出入公平治生產忍嗜慾節飲食歲計所入悉以周里黨之貧乏每為稅長諄諄以侵漁為戒里中德之呼為七老子景孫猷皆通仕藉曾孫灼登進士

呂彪字希賈愷易諒直篤孝友重然諾尤樂成人之美撫族孤嫠咸有恩禮鎮咸浦向廣潤潮汎水駛為橋重煩料理州太守劉世龍臨鎮謂東隅尚宜一橋以彪好義請之彪慨然任之并造南北支流二橋又德之

號為三橋上官表其閭曰最善之門榮以冠帶賓於鄉飲子道炯領鄉薦道輝州尹道羲中書舍人贈如其官

王檜字庭芳三家市人嘗作銘以訓族人曰為人在世勤耕力穡教子讀書各守本分隨遇而安惜身如寶守口如瓶和宗睦族善處鄰黨用天之道因地之利謹身節用以養父母此庶人之職也其生平為人類如此弟柏字庭堅厚貲產財理財有方以德望冠於一時

包汝弼字右公賦性誠實與人坦易舉鄉飲耆賓歲稔發困助賑郡守陳鵬年表其閭子敦禮字聖立太學生

明 藝術

陳天定字定之蒙之子儒雅善畫家藏多宋元舊蹟翎
毛花卉人物規倣絕勝其山水則宗沈石田玄理晚
得疾死三日更生自號甦庵年八十四作偈而逝偈
云八十四年凡緣應世為無為而來有向而去撒手
空歸逍遙無際嘉靖丙申甦庵自偈

程大倫字半江居塘南街書學文衡山可以亂真後變
其法自成一家矜貴不妄與人書流傳者絕少

孫茁字仲初能琴善畫山水魚工寫照嘗學子久寫虞

山圖織悉俱備數年而成後卒無子

徐晉字晉卿畫工山水居朱和橋

邵伯俞弁始祖精醫洪武初徵入太醫院從藝祖北
征歿於燕子啟南襲其職

郁性字繼善遇異人劉伯淵得砭砭之術療人疾輒奇
中與吳中葛可久齊名

郁震字鼎文性長子以名醫召至京從復以才武從偏
師經畧西域諸國者三以功授蘇州府醫學正科賜
三品服致仕徜徉詩酒年八十一而終

郁巽字鼎志性次子世業醫與兄名相埒擢常熟縣醫
學訓科

郁蒙貞字時正巽之子嗣伯父鼎文醫術大行自號半
閒子容孫勲俱進士

周詔字庭諭業儒擅醫重于守嚴一介盛暑不單衣
周大賓字敬思詔之子紹世業片劑能活人疾好施濟
中年喪偶不再娶里中舉義夫邑延鄉飲賓

周易字茂時大賓子嗣醫以名儒中副車

周士修字仲吉善醫有名舉止端方語言不苟有祖父

風

浦毓秀字嘉生自城來徙居金家街精於外科腫毒有甚重可生甚輕不治者一見能決

陸璣字在衡學於李士材能起人危疾初遊寓常熟邑紳蔣莘田伊席啟寓文夏皆推為醫國手居流處遂徙家焉年八十有一著述行世

曹受齡字爾炳孝廉繩武之孫邃精儒業兼通三世之書沈疴宿病輒奏奇功著述意編子重光字方升克紹其基

國朝

黃若字若芝善畫花鳥見列女

曹昭禮字戒非工於寫照以泥塑小像儼若生人尤極敏異

朱易字璜斯來賓子善沒骨法魚工山水書亦秀麗

黃繩字遵一太學生讀書能文詩敏於酬應畫倣徐崇

嗣翎毛花卉有生物之趣一時與吳俶齊名純年近五十猶承父蔭父沒即享其子養不秉家政終身人多羨之年七十卒

顧鉞字念功號月溪新都尹允昌曾孫學於邱嶼雪畫
工山水後與王石谷遊益擅其勝新安邵用和咸重
其名延致館下師事者二十年初鉞依舅氏黃太史
與堅與堅素精於畫多所規倣人稱其畫實得之舅氏云
王振武字用之太學生畫工山水得王司農原祁筆法
名噪吳中人爭購之惜不永年

王與圭字庭秉業醫有名著易經衷旨

項希賢字仁和業醫有名

林棟字雲生孟馥子工小兒醫痘症尤擅長治目疾子

煥字斗文

陸舜元字

序立弟精外科徙長洲子徵士紹其業

名著京師

陳顧深字就列一字代源州諸生自雙鳳來徙精岐黃
術瞭視同垣隨手輒驗有文行玉山王雲鳳成博葉
奕苞九來皆出其門子庭桂字能睿紹其業療傷寒
亦有名

明 遊寓

龔詡字大章號銳庵父營洪武初為給事中以直隸諫
謫戍五開衛詡纔三歲隨母王氏居外家營死勾補
五開族人清惠公保持母氏行金得緩年十七補遼
陽建文帝憫詡直諫予調守金川門年二十一靖難
兵逼谷王穗以門降守者奔詡奮戈不中走郊外莫
一當顧宮中火起乃大慟變姓名王大章遯歸鄉里
走任陽投馬陳二氏陳匿之大困中詡即在困讀書
間夜渡婁省母時方捕伍者急甚族人瑀隱為賂脫

晦處二十餘年賣藥授徒以供朝夕人知王大章即
龔登之子詡然憐其志無詰之者宣德七年例移附
近得鎮海衛義不就周文襄忱籍田江南具禮訪詡
詡上便宜二十餘事民大使之薦署太鎮衛學教授
皆堅辭不就文襄躬親往勸始吐實謝却曰詡老兵
任亦無害但負城門一慟耳因泣下沾裳衣文襄歎
息而去無子不立嗣繼成化三年壽八十有八整衣
端坐口誦大學首章而逝有白氣起屋極上衝雲漢
自號鈍庵逸老詩名野古集生平忠憤時或不掩其

鐵心行云吾有胸中一塊鐵贈君鍛鍊成寶刀總然
埋沒不復用終使神光夜燭星斗高其語舊云誰知
痛定還思痛毛骨於今尚竦然其有感云六十年來
不平事至今提起便長歎號可以窺其蘊矣門人私
謚曰安節先生隆慶間卹錄壬午諸臣撫臣張佳胤
疏請方之武之有夷齊得特祠
顧中庵曰馬陳皆任穿山而大章初居大困為任陽
豈兩家別業有田耶抑嘗往來於其間歟先生本居
崑山婁縣村投戈遜於海濱陳繼善實為之庇以子

若孫師之大章老預贈以棺衾繼善死大章挽之有
星霜三十周終始不少踰復憐身後窮棺衾預為儲
之句晚仍返崑山築室於小虞浦終焉墓在崑山
縣學宮之西

陸寰字允清號北沙少貧精敏力學六經聖人之言學
之而求其解於中有所不能自得雖河洛考亭之說
輒奮而與之爭至於當世之務皆通解而言之悉有
條理門人多顯貴允清以師道自居不肯少降其禮
俗人以為異而允清行之自若性剛介而無驕亢之

行所至人皆愛敬其先尹山人始居璜涇繼移雙鳳
後遷沙頭所著文集若干卷經書解若干卷老子莊
子叅同契註各一卷年五十一卒歸太僕有光志其
墓

華乾龍字天御號戒香其先北真人父玉樓有儒行母
張夫人夢二龍繞其庭生二子長見龍天啟丁卯學
舉人仕知縣次乾龍崇禎己卯登賢書甲申有易姓
之變年三十有七遂謝人事奉母隱於任陽授徒以
給州太守白登明聞其賢屏役過訪以卧疾堅辭不

一接見嘗館於城雖同年世好不往其家後遷於河
上涇再遷於沙頭市中終日杜門不出戶限精研性
命之學王戒庵御擬其人在陳白沙鄧潛谷伯仲間
年八十五卒門人私謚貞敬先生崇祀鄉賢子旋元
歲貢生先乾龍卒

國朝

唐瑞字仙佩號雪井府學廩膳生茗文汪太史特薦博
學宏詞晚自稱儒舍

袁載錫字心友號南樓青浦人贅居歐氏家沙頭後歸

籍少工制義名重膠庠由歲貢領康熙戊子鄉薦候
補內閣中書授江都縣教諭能詩書法類董元宰年
七十有八卒於任子涵字日容雍正丙午舉人今居
揚州

方政益字惠字號柳村其先休寧人父綺谷州庠生政
益攻苦力學讀書有記程弱冠餼於庠試輒高等康
熙丁酉以次當貢秋闈舉於鄉

沙頭里志卷九

里人曹一庵先生修輯 徠亭陸松齡鶴芬增訂

列女

列女先殉次守節先旌表次未旌表繼以未嫁守貞者雍正元年奉頒

恩詔內旌表二條

一旌表節義乃彰善大典每見直省地方有力之家尚能上達而鄉村貧窮之家則多湮沒無聞深為憐憫着督撫學臣及有司遍加採訪務使寒苦守節之

家同沾恩澤至節婦年逾四十而身故計其守節以
歷十五載以上者亦應酌量旌獎該部議奏
一旌表節義給銀建坊民間往往視為具文未曾建
立恐日久仍至湮沒不能使民間有所觀感着於地
方公所設立祠宇前後忠孝節義之人俱表姓氏其
中已故者設立牌匾於祠中祭祀用以闡幽光而垂
永遠該部議奏

明

郁蒙謙妻陸氏父孟譽世居海虞之山涇有陰德氏年

十九歸蒙謙二十七而夫止以完節自矢苦心萃力
經畫家政內外秩然舅姑宗黨安之宏治甲寅年旌
子宗業醫女適大理鄉章格享年七十有五
周楚妻王氏廷若女年二十六歲夫止無子同里有謀
娶者氏聞呼天大慟潛身自縊家人寬覺赴救得甦
清操彌厲正德七年旌建節烈坊于七都金字圩

鄭強齋妻唐氏平陽丞西園女年十九而孀秉共姜操
生一女嫁南城尹周頤養見王文肅公養頤君傳

毛與復

文簡公孫

妻周氏乳名彩姐孝廉復與孫年十七夫

夫守孀八十餘而歿孝廉曹繩武倡義請旌建貞節坊於小北關內曹按州志失考載攻毛氏家乘見氏於鳳陽公傳內繼索周氏世譜知之

周思敬妻陳氏夫亡氏年二十二苦節撫二子麟鳳成家享年七十有三周申甫維翰輯譜深以不得被旌為惜

曹振剛妻朱氏工部主事掇之女振剛死氏年二十九遺四孤先世本巨室中圯業且盡依其兄侍郎洸教養其長子達成進士得旌封太孺人享年八十有八

周賓妻王氏夫亡年二十五子東川方在襁褓氏獨居一室拒絕問遺即父母家亦不往來東川長既納婦方歸寧為未亡人四十餘年卒於嘉靖癸巳享年七十有三

郁遲妻殷氏夫亡年二十五即屏棄服飾甘藜藿歷勞勸家徒四壁解沈不懈貿易以育遺孤孀居三十年嘉靖二十一年卒未旌

郁适妻楊氏适性褊急每仇婦及平無子氏矢志靡他益淬厲勤家業凡婚姻大禮躑勉勿懈於夫黨尤加

厚以迨弟邈之子鉅為嗣鉅字怡節未旌
曹按以上二氏郁氏世譜節義表。所載節婦凡三
即蒙謙妻陸氏次殷氏次楊氏皆謂宜表而二氏獨
不得恩典為有幸有不幸焉

諸生曹炫妻朱氏莒州別駕南塘女炫以負才屈於試
發憤成疾而止氏年二十七撫遺孤胤數歲夫以
炫弟之子志學為嗣治塚壙葬夫若子時嗣子志學
方入泮翁石溪捐館家業替氏罄索佐嗣子舍永嘉
藥為未止人者五十三年知州熊鏡湖給獎額具狀

上觀風使以請於朝會倭夷難作烽警戒嚴太守亦
隨遷去不果

王克臣妻邱氏倭至以夫病不忍去賊強污之不從為
賊肢解

戴洗白妻茅氏拒賊賊剖其腹投河

趙賣麵妻茅氏遇賊不從身中數鎗與夫同死

周維藩妻吳氏維藩年十九病入膏肓尚未婚氏母覘
婿無起理欲遲其歸氏獨毅然請行及至維藩已病
劇強起成禮氏衣不解帶日不交睫侍湯藥兩越月

維藩卒氏絕食求自盡母與姑謹護之且泣解氏許諾每扶棺一慟嘔血數升姑恐其終不免強歸母家氏在家神思惓惓戚輒竟日不食至數月骨立殆盡頻呼阿姑姑至閉目不言已兩日聞姑至強張目言已死非其地與夫無後宜置嗣姑許之乃瞑距夫之死期一年少八日維藩族祖侍御元暉為之立傳王家魯妻呂氏生員邦垣女年三十夫亡以死自誓數就經解脫翁泣謂曰汝身殉固烈奈諸孤何氏勉就哭泣視殮畢斷一指置諸棺示殉撫二子鳴仁鳴義

成立晚年間課諸生孫輒以古人嘉言懿行為訓守孀二十餘年卒

趙德培妻王氏家魯孫女夫亡無子矢節數年明季兵燹氏被掠兵以巨索連繫諸婦女鞭策從橋上過氏猛力斷索投中流兵急救起氏罵不絕口復起水兵大恚投石碎其顱而死屍乘潮去來數日趙氏家人於橋下得之收其屍合葬於德培之墓按德培字毓甫璜涇孝廉廷策之孫為人伉直佻傖夫人著此完節亦以報之矣

陳靜公妻程氏徽商祥宇女祥宇居鎮市東開木行乙酉七月大兵至鎮牽氏欲逼之不從殺於陳智涇口呂世蔭繼妻王氏學憲發祥姑母世蔭本城居乙酉夏民亂家被搶挈妻避居沙頭七月兵至鎮世蔭攜妻竄遇兵氏度不免叱夫使適自被掠押至舟次相水深處猛力投下救起迫之登舟氏據岸不從兵怒剖其腹胎出而殞

周柔存妻邵氏大兵至鎮柔存攜妻子避於塗崧遇兵柔存先傷次及其子逼氏行氏曰吾夫死吾子又死

將焉往遂死於夫側柔存無子一女育於伯氏綿存長適陳孝升

王問津妻金氏王冲宇妻黃氏金問津早世金氏毀容斷髮

遺孤冲宇尚在襁褓祿氏勤養壯而復夭率媳黃氏再撫孤孫顯赤以長又遭兵慘兩世貞守未邀旌典

王南瀛妻曹氏王克之妻曹氏南瀛早卒曹氏撫遺孤克之養教辛勤甫成立克之又死與媳曹氏撫兩孤孫復一死姑媳熒熒茹苦將荼以卒未邀旌典

石四氏前志所未載按王氏世譜俱稱苦節當增入

志

龔孟理妻呂氏諸生楚石女年二十夫亡孑然貞守迨
翁老楚石迎婦誓無二志不膏沐不衣羅綺每一念
至即向東而哭父卒依其弟之子雲錦以居好作甘
苦從織績鉅卒甘淡泊蔬食皂帳終身不易直指秦
世正上其行賜建坊額年六十有三卒知州白登明
廉其節檄令與孟理合葬雲錦為之築墳配穴蓋坊
表章云

王廷對妻唐氏年十九夫亡仰無姑舅俯無子女上無
數椽之居下無立錫之地死守無二衣食仰給於十
指不足則寄食於族人長齋誦佛病時自謂不可死
非其所乞族憲副晉吾廢宅以終苦節四十餘年族
姪家正為之立傳

按節婦一生艱苦貧老無子嗣歿則與草木同腐矣
至今人有舉其姓氏再稱道之者以族子家正為之
立傳也其足表揚節婦者多矣何必烏頭雙闕乃為
榮哉

烏程二尹龔允權妻王氏中翰元爵女年二十九夫亡

上事病姑下撫二孤子長日焜方數齡季曰顧熊尚在襁褓氏拮据勤勞克復世業諸孤以次成立督訓等於嚴父子焜已屢試京兆有聲雖不當意即叱令跪甚則繼以杖兄弟屏息受之不敢仰視乙酉鼎革懼有兵燹之禍竭慶負土葬三世之喪雖倉卒能盡禮人尤稱之年五十八卒巡撫高祐題旌
王崇本妻柏氏年三十夫亡孤子瑞宦甫十歲遭家不造氏外禦侮內拮据顛越播遷不幾凡幾勗其子學非端方士不與交卒學成品著初崇本以孝得父母

心歿後氏雖兢兢孤寡事舅姑生盡孝死盡禮不遺泉下恨知州白登明給獎額年七十有八卒

聞師尚妻呂氏庠生中聲女年十七而嫁於聞甫一載而夫亡遺腹生男周歲又殤聞素饒裕同室利其有以姑命逼其另適奪其膳給氏依孀母以居誓不二精修梵行以終餘年暇則課女姪口授孝經論語閨門肅然內外嚴憚年四十七卒巡撫御史具題建坊并立祠於坊側以祀之坊在五都露字圩

聞文宇妻曹氏中憲沙溪公仲弟二溪女年十九夫亡

一子師閔甫成立又早世氏葬其舅姑并夫若子撫
三孫俱有室年八十三而卒後三孫俱夭氏一棺淺
土六十餘年風雨不蔽聞之外孫王文炳蔚儀哀其
節義作亂英文氏得入土與所天同穴故知其始末
如此

葉中密妻陳氏鳳陽司理山公女年二十三夫亡遺孤
潘甫四齡教養成立守孀二十七年而卒向於例不
符今奉 恩典現請題旌

周世求妻陳氏世求年二十四卒氏同庚遺孤德然纔

二齡辛勤教育食餼膠庠女一適諸生王桓年五十
三卒學憲李振裕褒獎

呂宸廷妻顧氏宸廷崑山縣學諸生氏年二十一而夫
亡無子薙髮為尼逃空門以終節知州蕭聘給額獎
之

呂雲奇妻龔氏諸生挺女名淑貞少讀書知大節咏雪
有梅花繡歲寒句年十六歸雲奇閨門雍肅相敬如
賓雲奇被難欲以身殉有遺腹從父母慰諭不死越
數日忽至夫位前斷左手一小指焚諸爐日所不終

為呂氏嫠者有如指既而鬻產穿墻葬雲奇大父母
以下五喪即於雲奇側虛一墻以自待或難之即入
閣通書惟有一死衆不敢言丁亥_春江南偽傳言嫠婦
送采女氏懼不免紉衣帶投後園澤中水為沸園媪
得救起結茆三楹於東土中奉雲奇曾祖以降三世
神主藏雲奇書及遺籍器玩於中歲時陳薦朔望敬
禮力耕數畝蓬首垢服以自操作未鹽或不給則以
糠覈咽之怡如也雲奇死氏方二十三所懷孕以哭
過而實一女適錢亦早寡依母居焉知州白登明給

額獎之氏自嘆詩殘菊含霜點翠苔孑然零落帶愁
開冰心懶向蒼天問知是陽和不復回自古名園貴
賞吟春風搖盞百花林可憐惟有霜天月照徹寒梅
夜夜心觀此可以知其志矣

國朝

楊玠妻黃氏名若字若之安吉州守翼聖女翼聖初為
新都令玠挈妻從外父任卒於新都無子氏即守節
於父兄家後祝髮奉竺乾氏律又諱項字自新年七
十三卒建塔於清淨園林氏少入趙氏文倣畫室受

其技翎毛花卉擅絕一時又入蜀山禽異卉寓目輒肖聲價絕貴人不惜重貲購之繼稱未亾人即不復從事女二一適黃侃一適曹洽嗣子漢昭

曹騰妻施氏清流令顏平媳騰卒年二十三無子貞節稱未亾人三十年卒

生員曹起之妻曾氏年二十七夫亾氏親自耕作撫孤光復婚媾成立年六十有二卒

王鳴謙妻顧氏諸生逢源女家祥冢媳年二十夫亾遺腹生子昌又不育氏悲哀欲自決或諭以舅姑在俛然不復言死裙布操作以善事養每食必呼鳴謙曰飯在焚楮作禮撫棺痛哭如初喪時年四十有四卒

呂楠雪洲為立傳鳴謙弟博庸奉其棺與兄合葬焉陸祖齡繼妻蘇氏明經晉侯媳年二十五夫亾遺腹四月生子原家酷貧事翁保孤備歷艱辛年四十一卒右二氏新例俱合旌表惜無後嗣并不得族人上之

當事者請旌建坊俾祀春秋以闡幽光為可嘆也生員顧唐垓妻聞氏垓死食貧守志子維章甫四齡荼苦搢持撫以成立父純儒年老曲盡孝養卒成殯禮

垓有詩集行世

沈起雲妻呂氏諸生文若女年二十嬪沈于沈四載而寡撫孤三錫成立身年六十有七苦節四十餘年其詳見墓志

邵孝生繼妻浦氏孝生死家業已廢盡氏早夜操作積貲以葬孝生大父母以下五喪閭里稱為節孝翰林院待詔陸京妻黃氏明季京為鄉兵所殺氏圖復報仇人得以授首人稱其有幹畧家本素封氏持門戶內外有條撫七孤依次成立守節五十餘年巡撫

張楷題旌建坊於三里橋

陸珣妻吳氏陸溥妻錢氏珣溥叔姪俱不永年珣止遺

吳氏順治年拔貢
任無錫縣學教諭
升元字仲超孫女
州庠生景行女

孤允柔吳教育辛勤成家克裕先氏卒孫潤善承父志奉養彌謹年八十六卒溥止無子錢矢志靡他艱辛備歷詳呂楠苦節歌東海之水四十里奔注印溪溪內滌洄傳不得左帶吾家孝子之故宫石繞吾家節婦之舊域滔滔晝夜清且漣乃有畸人出其間錢家女陸家媳夫死廿年苦失職舅姑相繼歸北邙潛身匿影抱幽德伶仃一女又早止經年無人候顏色

上無一瓦覆下無一隴植青燈熒然夜緝纊總帳蕭
蕭鬼拜食沈淵折臂誓復蘇冥宰有意將常扶涅不
能緇焚不枯良金白璧埋沈途亦有期功強近人了
無聞問等秦越大宗血食成餒鬼蠅營狗苟無遺
至今溪水苔漾綠淙淙傾瀉一何速常與嫠婦哭聲
相繼續雍正二年有司上其行與孀母同日受旌建
坊河南街曰一門兩節

生員周旋元妻顧氏諸生王京妹幼讀書知大禮年二
十二夫亡遺孤鼎未週數歲虔奉舅姑教子成立為

名諸生歲薦率先諸叔營葬兩世四棺人稱節孝雍
正二年旌表建坊

王象三妻陸氏貢生祖禹女諸生道宏冢媳年二十一
夫亡無子依其舅姑以守聲不外揚足不履闕舅姑
歿庀治喪事必先于幼叔曰吾冢媳也弗敢後撫嗣
子教育辛勤克盡母道守節三十餘年雍正二年旌
諸生陸彭繼妻孫氏陸彤妻吳氏彭彤兄弟俱諸生宗
宣子彭室孫常熟孝廉晉錫孫女年二十二適彭克
修婦道四載而嫠持身謹約撫嗣子如己出施恩宗

麟趾川南道過賓
之裔歲貢錫子
周吉字倫彰號嵩
圃子元字方旦亦
諸生

黨彤妻吳憲副魯岡曾孫女有淑德二十六歲夫亡
遺孤勲牧甫三歲齡氏教育辛勤著聲黌序先氏卒
哭子而歿彭彤兄弟早世孫與吳妯娌如姊妹事舅
姑如二子守孀俱三十餘年乾隆四年同日受旌

王麟趾妻周氏孝廉象明孫女年二十九夫亡勤儉操
作克復世業遺孤周吉教養成立為名諸生闡揚母
節士林稱孝乾隆四年題旌

陸鴻儀妻陳氏年二十六夫亡撫子孝寬復早世氏率
孀媳再撫孤孫守節三十二載乾隆九年受旌建坊

於塘南街曰冰心霜操

顧我敬妻呂氏景明長女結褵八月而贅依以舅姑以
守舅姑歿氏無依賴弟一鳴迎以歸孝事老親力勤
佐理姪振元襁褓失怙恃與伯母顧倍加愛護以至
成立年六十九沐浴更合掌而逝乾隆五年具題旌
表建坊於陳智涇

金龍徵繼妻凌氏諸生長平女年十九歸金二十七而
孀矣矢志守貞教諭李煜給獎額一女適陸悅依壻
以終守節四十餘年乾隆五年具題旌表

曹王臣妻王氏明經瑞宦女早歲守寡茹荼飲藥撫孤
徵熊攻苦力學為名諸生先氏而亡率孀媳金氏倚
於嗣孫年八十有一卒

方德球妻姚氏夫亡年二十八無子撫姪為嗣姪夭依
壻壻止無外孫與孀女同守苦節歷今乾隆癸亥年
九十二歲為嫠婦六十四年久與例符候題旌表

李叔佩妻孫氏年二十九夫止遺孤數歲教養成立守
孀三十五年現題旌

程繼鶴妻顧氏夫止氏年二十六夫志貞守保孤成立

歷三十四年現奉旨給銀建坊旌獎

曹虞翌妻鄒氏履祥冢媳年二十五夫止事翁姑孝敬
節操凜然歷今三十九年癸亥題旌乾隆二十年建
坊於河南街曰天恩旌節

邢氏德音女年十九許字呂元堦未嫁夫止聞訃屏服
飾矢志堅守足不踰閩舅姑感其誠欲迎歸置立後
嗣以養餘年會父喪哀毀成疾而卒守貞三十餘年
現題旌表

補遺已旌者不獨邢
李二氏之未旌也

李氏儒初女年二十歲父許字王棟材棟材父惇庸州

諸生儒初受業師也年逾五十無子置妾生棟村甫
數齡而博庸夫婦俱歿妾亦繼之儒初憫其孤迎歸
教養愛婿如子未成婚而儒初卒棟材亦夭李氏矢
志不二謀諸夫黨以從喆為嗣教養婚配葬舅姑及
夫覺覺苦守歷三十餘年乾隆 年題旌建坊

女守貞

二氏未嫁

兵警

鎮地雖腹壤海道所經冠發必震防禦則騷故志

兵警

元

至正十二年三月黃巖人方國珍率島寇入劉家港剽
劫至太倉武陵橋重獲之

至正十四年國珍復率蘭秀山賊入寇剽萬戶董搏霄
率眾破之劉家港再半破之半涇

以上二年入寇不言鎮事然考延真延禧二道院碑

記皆謂是時遭兵燹老氏之宮無一存其後張士誠築城於塗崧以備寇則鎮之受警可知

十七年張士誠築城於塗崧市設義兵營防禦海寇

曹志按先是十六年士誠據平江改隆平府二月市

民丁仲德盜崑山州即降授偽尹時方國珍歸元為

海道防禦萬戶奉檄統溫台明三州舟師趨太倉稱

克復士誠遣守呂珍壘一作子橋禦之三月二十日漕戶

倪蓬頭者貳於方率眾內應自古塘西來出呂不備

呂僅身免士誠策窮議虛其地後七日遣史文炳屠

焚屋舍盡國珍退明年復遣高智廣去太倉故木城

改築磚石禦國珍其築城塗崧志不載年月然張南

郭謂是年七月我

王師取常熟鎮地即歸版圖則士誠築城當於是年無

疑

明

嘉靖十九年九月南沙賊秦璠黃良四出焚掠抗殺官

兵朝廷聞之遣總兵湯慶領邵兵精壯千丁討之十

月三日北剗璠湮市次日進七鴉作將至沙頭鎮把

港指揮夏二官望風奔遣戰艦百餘收至新倉地方
俱為賊焚以潮退不上沿劫村落而還沙溪人各奔
散總兵湯撥邳兵三百於十六日差趙夏二指揮改
長壽寺為督府屯兵撤未幾撤回

三十四年四月賊首王直等巢柘林時老鸛嘴八九圍
之間連二三百里皆賊屯間分一支自青浦白鶴港
而北出太倉一支自劉河入趨崑山州判官金汝舟
指揮姜統敗之劉家河而松江之賊首出青魚涇遇
賊船自劉家河入者六十餘十五日合攻州城既散

入戚浦由沙頭直塘至雙鳳往來屯聚四十餘日埋
井夷灶凡春種牲畜劫獵無遺屍填渠塘 五月十
二日倭賊二大王之黨二千餘人自崑山斜堰至直
塘由七鴉浦入海十八日各縣之圍皆解賊舟悉由
劉家河出凡三百餘艘結大綜而行三日始盡本州
同知張魁判官金汝舟千戶田應山楊尚英王應麟
等追擊之至寶山洋奪其舟四十艘斬截三百九十
二級二十四日賊自七鴉浦作港出者一百一十舟指
揮姜統金汝舟楊尚英等共追擊之斬首一百五十

餘級

見江南
紀畧

三十五年二月倭入七浦寇東鄉四月十二日倭船突
至萬涇團長率兵禦之十八日黃窰新塘之賊合艚
至萬涇與弓兵鄉民合戰不勝走七鴉少退賊復至
屯錢恩橋分其途作二支一由七浦塘至官場路一
往甘草鎮燒劫十九日知州熊桴遣兵襲其巢賊方
出掠聞報還救與官兵戰各無勝敗二十日賊掠璜
涇勢愈熾五月七鴉港吳淞之賊相繼入海總兵俞
大猷設伏劉家河海洋及於茶山東北沈其舟六十

餘賊為颶風所覆無幾存者

曹志按王直徐海皆吾叛人其寇蘇松兩郡者則海
部屯南沙者為蕭顯七柘林者為陳東皆其分支也
海初逼乍浦岸悉焚諸來舟以示必勝嘉靖四月事
也先是倭商閩船至得利去既黃巖黃尚書輩沒其
直倭切憾直素為彼船主號五峯自號徽王因勾倭
入寇前後蹂躪內地十餘年東南鼎沸後為總憲胡
宗憲所誘殺一時入寇諸倭無一生還其國至今言
者猶心悸

國朝

順治二年乙酉五月 清兵已渡江即下徇州縣吾州
城先已降附村鎮尚猶豫觀望時鎮烏龍會首陳堯
夫常熟之亡命本不識所謂忠義特欲借名打糧因
自稱協鎮開府長壽寺見愚民有戀故國者即倡言
大兵已還州城一戰可復於六月十五日人各裂裳
為旗執白梃裹半日糧當至中途聞城內且發兵諸
棍潛遁棄去遇民之近城者悉被戮時城人已薙髮
諸棍日率衆堵截於劉順橋焚劫近城薙髮鄉民遇

有城人探親北下者遂指為奸細梟其首因是城鄉
隔絕父子兄弟相仇殺既獲一人馘其耳擊牌入城
曰精兵十萬指日克復其意固在恐嚇城兵使不即
下猶得恣其劫掠也我將聞之即發李成棟兵馬步
齊下民遇之者屠戮無遺尸橫遍路湖水盡赤焚燒
廬舍十之三俘掠婦女童稚財物牲畜無算時七月
三十日也次日步兵先歸騎兵復屠璜涇始收兵歸
城自有鎮來殺戮之禍莫慘於此要皆自陳懋始而
卒漏網至今人猶恨之

順治十二年乙未遊擊王士龍自福山移沙溪踞黃氏園居住自鎮之始有兵先是十一年甲午總兵張名振率水師五百餘艘泊崇明半洋沙往來江海間時東南海備甚弛陸兵不習水戰每出挫敗巡撫都御史周公國佐請添設水師三營各統以遊擊專習水戰其營一支本汛福山畏其地逼海託言接濟崇餉遂移沙頭王任去任遊擊錢勝典徐氏宅為署錢罷楊芳以本郡人知人情不與因詳撫軍移駐閘口楊罷周垣以閘口荒僻復移鎮典顧氏宅為署此戊戌年事

也

十六年己亥春周垣為總鎮調任崇川新添水師左協副將者素誠本吳淞汛亦貪鎮內地混詳總制駐防七鴉而實移沙頭踞沙頭封占馮氏宅為署其下都游守把各占宅一所共八所出民房一百二十間與兵屯處合鎮大騷又縱兵搶奪民甚苦之

是時巡按馬公騰升行部至州民趨訴疏糾聽處民方幸其不日解任不意是年夏遭遇鄭師擾江上檄援金陵彼遂得洩其憤六月十九日發兵破門截奪

一空八月十九日兵回凶暴愈甚是夜及次日霖雨如注兵於雨中沿門槌擊男婦驚竄冒雨而出顛蹶如枕無家可投草棲露宿竟夜沐雨於是紳衿以至小民家家養兵兵之索食所命必至竭蹶稍後鞭笞隨之無不析器以爨并食而供其不能養兵者挈家逃避蓋初時兵猶散處各汛至此則合營俱屯一鎮初時以昏惰不知禁戢至此則放縱洩憤人不堪命矣

當鄭師之入鎮江也總鎮梁公花鳳自崇明赴援六

月二十九日前營先至鎮領兵官周垣前曾駐鎮怒民不與啣怨報復虐及衣冠初一日梁自過所統兵無犯初二日疇營兵過沿門毆擊警入躲避取其財物初三日陳佟二營過則恣意搶掠畧無顧忌不幸無所物色則縛至舟中拷打炙詐極其慘毒初四日過鎮訖鎮之婦女咸歸思整頓門戶復理生計初六日陳佟忽自西復回人出不意倉惶竄避不知所之一家眷屬至有病趨而損足折臂者佟營一過竟去陳自東復回屯鎮七日兵皆挈妻子排闥直入內室

供養搜括無所不至

按此二營梁本命留守崇川朶頤前四營之出兵有掠也違令離汛而欲前恐梁不允欲歸則兵不從遂往來盤桓於沙頭直塘雙鳳三鎮之間而恣其劫掠然二鎮止一過禍猶淺獨吾鎮最酷

十七年庚子副將袁誠以聽勘去五月二十日遼左張公大來接任以舊署為聽勘未結之宅不進泊舟河干聽州官覓宅官出價典徐太僕舊宅改衙署居之六月十七日進公署戢兵嚴肅家丁三百人無一敢

橫冒強奪命之罷市者復合舟不擅拏四方之客商亦至鎮民稍安冬十月即陞本鎮十九日赴任崇明民皆執香阻道立去思碑於市西甘露庵之側以德之

碑記附在後
吳偉業撰

公號龍宇本沂州鎮以事左調黃岡副將再調南安三調蘇州至是復陞總鎮

順治辛丑三月以張公陞任凡左協兵之在鎮者悉調往崇川復調右協將王光前至鎮從前兵房悉為去兵拆毀新兵至復責保長每甲買民房一間脩葺備

器用甲內人家出二金保長各費數金鎮復一騷九月蘇 倪二大人巡海條議七鴉甚溢無煩副將防守調往上海沙溪自此無兵

曹志按鎮自乙未王士龍之竊踞迄辛丑王光前之調撤共屯兵七年凡徽商大賈悉徙去土著之紳衿士庶無不憔悴破家民房大宅強半拆毀鎮之景色自此益凋

大都督總戎龍宇張公德政碑記順治十七年十二月國子監祭酒治

通家弟吳今
偉業拜撰

皇帝鼎定海內一統窮髮之地悉歸版圖惟海南猶未寧謐大總兵張公提偏師鎮海而沙溪則建牙地也未幾大臣交薦章滿公車

天子下念公舊勲晉總戎移鎮崇川去之日沙溪之人辭香夾道送者百里執爵長跪至於不忍即別而又伐石誌恩爰請言於余窮念海上自軍興以來濱海之州繹騷者以百數而士民環萃則惟婁東婁東三面枕海要害以十數而樓船之所出入甍宇之所屯聚至設重臣以控其地則惟沙溪沙溪民不滿千去

海無不舍無城郭堡集而惟為水陸孔道故前後建
燾不之他而之此民日夜引領望曰是安得大總戎
如張公者而來鎮吾土乎公蓋嘗鎮沂鎮黃次復鎮
嶺威惠流傳材官宿將談者色動民咸樂得以為師
乃公果以簡命而來既至民戎協和市里安堵民
咸相慶如更生先是民苦兵日久有橐鞬負矢縵纓
而前者則蝟縮不敢窺夜半枕上聞浙瀝人馬聲則
倉皇挈妻子謀避有芻牧薪蒸室廬器械民不敢自
為睨而半以分之飲飛之屬公曰是而尤之勢且無

民使兵枵腹而受吾約束則又無兵於是首先設餉
侵者畢出者立散而間或不軫則自洗其橐佐之
有取一笠一桿者立決以徇兵乃凜凜奉文法而無
一橫目於人間問之市肆肆價平矣問之田疇疇禾
熟矣舟車商賈輻輳無裹足避他境者矣沙溪之人
曰異哉向者苦兵而今且喜兵也向者以兵為虐我
而今且以兵為暱我也每飯必祝惟恐一日大總戎
之去已而公竟以簡命遷余謂之曰若安知大總
戎之所自乎家世以從龍功爵五等開闢擁旄者不

一人當其在齊淮間也海寇猝發公夜半卷戰擊賊無遺

天子立賜副將軍印而又立進之山左授大將節旄後雖以他事轉楚黃復轉江嶺

天子未嘗一日不念其功今中外推轂再把麾旄鉞所固宜豈而輩所能長有乎且崇川去沙溪一衣帶水鳴鏑可聞猶公守下也若又何思沙溪之人曰赤子之於父母膝下則嬉堂下則思太山之雲不崇朝而雨天下終不如江河之近於自足也惡得無思然則今之樹豐碑勒巨碣歌舞公之德於不朽也語有

之無言不酌無德不報沙溪之人天性柔厚是其固然非壻德而喜為桀驁者也又古之人思慕愛戴或恐其或遠則一託之於言豳風之詩曰有袞衣兮無以我公歸兮桓公使高子將南陽之甲魯人賴焉以為美談若者之志亦東山之念周公魯人之望高子也異日元戎小倣隊公以輕航而巡於其旁有歸然於道左者能瞻焉一顧乎夫亦可油然而益思所以安之矣

附呂雪洲沙溪兵荒紀畧

明末之事前人已有紀載而沙溪大不逾斗顛連逃
竄流離殺戮之慘越今六十餘年尚有聞而知之者
予則見而而知之但是時齒幼十不得二三欲訪求
其細而故老盡矣就目擊而身膺之者輒疎其大畧
俾後之君子以備觀覽

崇正十三年民間閩傳 上帝在極樂宮中惡下民
淫奢太甚積戾如山當降大罰又有十女一男百家
十室之謠其說不知起於何自家說傳戶說甚有罵指

通衢勸人修省者又民間鍋底有字跡印記其家似篆非篆千家八九又婦人梳頭手持髮梢火星爍爍將愈重則火愈熾猫背亦然自二月至八月不雨支幹河皆揚塵人皆鑿井河底三四丈而始及泉數家同一井夜半操甃瓶綆以往而井上已先有人在焉木綿禾稻及蔬果之屬如焦如焚至秋無半粟可獲一綿可收者未聞下詔蠲租而征輸之令四出未價四兩五錢小民棄墳墓背田里逃於四方中產之家傾瓶竭壘買求他邦以應上求而民已竭盡無餘矣

是年七月飛蝗大起如日在烟霧中塞野漫空人行道上擁足沒脛撲人面額輒至赤腫所集處蘆葦樹葉其聲若剪若鋸若牛羊之食芻若干軍萬馬行沙漠之中聞之心胆皆碎至明年辛巳遂大青始食麥葉繼食青草又食樹皮凡村墟里落之間荒墳廢宅之上孳子攜女攀枝折條而樹無完膚矣樹皮盡乃食土相傳掘地得土色如猪肝作粥亦無惡味但性下墜食一二日即患脫肛以死沿至五六月飢而死者日凡二三百日見二人合買葷餅一片各分其半且

行且食行不數步即躄倒而死其一再行百步不能過一溝亦死於溝之側徐儕生先生買棺木瘞之棺盡以蘆蓆裹之蘆蓆盡則皆裸體葬之兩人擡一屍過吾門者竟日不盡則知他處亦如之至後葬不盡則舉而擲諸野為烏鳶之食者不知凡幾儕生先生又設粥南道院所活不下數千人十五年壬午春秋皆稔民困稍甦意謂百室一家之謠奇荒盡之矣寧知乙酉七月三日十日之禍祭未甲申李寇作亂江以南晏然至乙酉正月有商維揚者踉蹌以歸曰高

兵叛矣維揚一空矣時猶未信也又有自北來者曰清兵渡江矣疑信相半至五月十七夜雨忽傳海兵至竄逃者填塞於道至天明絕無其事逃者歸相顧錯愕莫知所自詢之各府州縣里邑莫不皆然而皆是夜自古亂作先見於人心而後及於國運此足徵也當此之時鎮中烏龍會大興烏龍會者陳堯夫為首儼為都督其眾糾鎮中無賴四五百人以長壽寺作公署某人為閣老某人為大將其間有稍稍識字可以執筆者坐於內署叅帷幄之謀有一王三閣

老五虎四將軍之號皆互相稱某老爺日與諸大姓索金帛號曰助餉稍遲唯唯即拳毆之其人死而復甦者屢屢諸無賴皆腰斧出入過衣冠者輒漫罵叱喝而衣冠者低頭屏息趨而避之以為僥倖不遭捶挫也平日語言小憤顏色小過無以報復羣凶至門什物立碎血食慘打曳行街市妻子踰垣雞犬星散又復行金購賄富者數百次者百金然後解去羣行村落望之如虎見者鼠竄羣凶各致千金妻子羅綺所詐人花布米豈狼籍於市一時物價為之頓賤六

月初松江張孟兩帥至太倉即薙髮歸順秋毫無犯鄉人不肯薙髮於是鄉城之路隔絕州人見有髮者執而戮之鄉人見薙髮者亦然如是縱有親戚不敢救也陳克夫下戰書於張孟兩帥稱精兵十萬戰馬五千刻期交戰至六月十三日率烏合之衆二百餘人又排門每家一人共得千餘人以草帽衣衫為盔甲鋤頭竹杖為刀鎗依然搖旗吶喊未至城下而殺者殺俘者俘幸脫鋒鏑者抱頭鼠竄歸而人心愈惶惑矣日日曰兵來而卒不至於是乎逃者始歸傳者

不信人樂故廬州之人且廉得其狀且利所有日請
大兵南下至七月三十日督師李成棟率騎兵五
千餘步兵三千及州之亡命販夫屠僧之徒又二千
餘人又州之水陸中權營馬步兵千餘其運浮橋擡
大炮者不計其數分為兩枝一從西官路進一從東
官路進州人前茅北人後勁沙溪聞之始為逃避之
計一時男女老幼哀號叫喊填巷塞街若衣若錢狼
籍於地皆棄之而去予家口二十餘人先君率之北
行至更樓橋三兄虬林忽不見復向南尋人叢中有

相識者曰兵已至新橋殺傷甚衆南去何為遂由後
場橋至井亭遙見隔河殺人衆皆喪胆行至塘橋家
墳有橋甚狹而河廣濶數百人爭渡強有力者排擠
而去予家口待甚久挨擠而過獨予相失在後既不
見父母而逃難者甚衆予惟號泣而已忽有老媪年
已五十餘見其扶橋反手招予予方挽其手得過見
兩大人向南而泣是時號哭之聲震天動地中箭着
鎗拋男棄女負傷帶血而逃者不可勝數屍橫遍野
血流成渠西北行三四里一婦人遮道而請視之乃

昔年女婢年長而出者隨過其家方浙米為粥方傳
兵至踉蹌而奔又往西北五六里至友王元翊家屋
宇寬廣可以棲身但其家眷屬亦避他所聞客至甫
啣而始食一粥而日舖矣鎮炮聲不絕更餘聞叩門
聲不敢應久之乃曰吾聞君聘也亦避難而至者挈
其家口及親戚四十餘人曰此地尚近不可安身須
往支塘乃常熟界可保無虞君聘是以家眷相託已
獨出難鎮明日即被戮兩家共六十餘人匆匆就道
灑淚而別主人天黑如潑墨踰躄北行見鬼燈數十

點出沒於荒墳枯荻之中流星散落如雨先君歎曰
洪範曰庶民惟星民其隕如星乎吾六十餘人不知
前途之死與生也衆皆流涕行至四鼓達陳君渥先
生家先生好藏書精於易理時先生已物故其夫人
與二子長完亦次字文欣然延接時君聘所託諸人
往支塘去南北分手號泣路隅先君止之曰此非哭
泣之所乃收淚而別予家居陳氏中堂僮僕居側飽
食安寢無兵戈烽火之驚不異蓮花世界越八日為
八月初八日先君念三兄存止室廬在否欲出一訪

予不忍先君獨行隨之以出徑小路生遂至失路遇
斷橋水濶且深先君負予而涉幾至沉溺賴蘆葦一
枝曳定得免行至北道院西先君曰前有被殺汝勿
怖予目不敢瞬疾趨而過而臭穢不堪甚矣過橋二
十餘步見一婦人死於田側懷中一稚子犬食其半
傷心慘目至此為極至更樓橋東倒西橫交錯於地
北街尸橫成堆無下足處至新橋遇兩人各相驚彼
疑我鬼我亦疑彼為鬼也及諦視之乃相識者賀曰
公家幸無恙可喜先君首問我三兄曰不知疑其必

死矣為之隕涕兩人言某某殺矣某家婦擄去矣某
家子某家女擄去矣有死於箭死於鎗死於刀有死
於斷頭頸死於截手足死於破胸腹不一其狀婦女
有被污而仍殺者有被污而自尋死者有砍傷仆地
扶起而頭脫落者有孕婦身死而其腹猶翕然動者
傷心慘目不可殫述皆烏龍會之遺禍也兵與州人
斬門砍戶搜括資財破壁扶垣掘土毀樞室無完物
囊橐各飽數百船銜尾載去舟不能裝悉委諸水是
役也所虜婦女一千八百餘所虜童子一千餘殺人

約五千八百餘銜衢私巷古墓荒穢積尸如山七浦
蔽流水黑而綠海潮不上鳥雀無聲鎮南至油車橋
北至井亭東至洋涇西至曹家墳方幅數十里無一
家倖免者兩人媿媿各慶此身之不死也言訖別去
予隨先君至南衙見室廬無恙門闥洞開室中無遺
筋矣進中堂地設草鋪可卧數十人想夜間有憇息
於此者再進則猪毛雞骨積堆於地想劫掠之後有
飽食於此者惴惴不敢久留隨即下鄉過南鄰王侍
川之門其門亦開意其兵退而返也呼之不應一人

獨坐於堂逼而視之則已坐殺者矣不知何人並非
王氏眷屬也予大駭而出北衙殺人多處不敢再過
於是從慧華庵向西轉北過石橋又轉西過曹家倉
向北小路而行果無死人遂達張涇有二三十人操
戈挾矢而至是為鄉兵見予先君認作細作遂繫之
欲加害予叩頭哀求其言姓氏里居今避居陳君渥
家張涇曹氏皆屬至戚而彼若不聞也俄有一人穿
白道袍自西而東反操其手行走甚緩予待其來一
言以救而卒不至良久始到一見叱喝諸凶各各俯

首蓋曹孔暘予之姻親孔老遂送予父子到家復送至寓自是之後不敢出鎮也至八月中南北皆難髮結狀上州州大夫下令曰遵法者赦勿罪而民心稍安九月初一日挈家歸里時合鎮閉戶不獨米薪無處可買即水火亦無處可乞或父哭其子或子哭其父或父母哭其子女子女哭其父母比戶皆然予一家內外及僮僕五十餘口不損一人可謂天之獨厚於我而佑之矣但失我三兄父母不快耳至明年丙戌八月忽有書歸知在雲間初避時走朱和橋與兵

遇擄至太倉兵返雲間有參客張姓者與兵善以四金易張秦人妻孥三十餘口俱被戮無家可歸而囊挾重貲欲以兄為子而予兄以親在不願也先父母得書大喜即措四金遣人往迎時江南初定道路多梗時被繫繫縛哀懇得免及抵家短衣被髮儼然邊塞人矣迄今六十餘年追往事宛如昔夢約畧記之十不得一也時康熙四十六年丁亥八月
呂子云嘗讀春秋書曰螟蝗生又曰幾月幾日不雨又曰某人與某戰於某未嘗不廢書而嘆曰當此之

時人何不幸也人生七尺軀饑寒困之兵燹逼之不
知何以存活也乃顛沛流離與古人所遭無異感上
天之庇父母之恩得以無恙優遊齒髮以至於老何
其幸哉何其幸哉

按先生就一身所歷言之予聞當時故老其言大抵
相類兵過之後尸骸遍地里中好善者於四郊架木
焚燒彙聚其骨葬之後人鑿鑿往見而嘆息云

沙頭里志卷十

里人曹一庵先生修輯 徠亭陸松齡鶴芬增訂
逸事

鎮地多高仰種木棉穀耕錄曰閩廣多種木棉紡織為
布曰吉貝松江府東去五十里許曰烏泥涇其地土
田磽瘠民食不給因謀樹藝以資生業遂覓種於彼
初無踏車推弓之製率用手剖去子棉絃竹弧置案
間振掉成劑厥功甚艱國初時有一媪名賁婆者自
崖州來乃教以做捍彈紡織之具至於錯紗配色綜

線挈花各有其法以故織成被褥帶悅其上折枝團
鳳棋局字樣燦然若寫人既授教競相作為轉貨他
郡家既就殷媪卒莫不感恩灑淚而葬之又為立祠
歲時享之

顧以山年十二隨父往陸公市避雨士人室見几上書
閱翻閱竟日主人試之首尾成誦里中以以山識字
選吏負以山為吏今日捷之後察其善書稍加禮竟
以吏員應試登第以山歷官清正耿介時有忌之
者以御陞河南僉事都御史高明贈詩云地暖草逢

春最早城西樓得月偏遲昭君侍色驕延壽吉甫因

讒屈伯奇

載玄亭
閒話

馬紹榮少貧養於穿山周氏周令伴諸子讀穿山多舊
族日詩酒過從當秋成諸長方酣咏桑君某見紹榮
執役戲曰汝能是否紹榮應聲曰青草一何長秋來
要築場築場何所事登稼納糧官糧衆欣賞遂令習
舉業後中鄉試為中書舍人預修憲廟實錄陞太常

寺少卿

載朱國
楨集

章志庵集云周默湧幢小品庵預好畜名畫書法

與夏太常仲昭錢學士原博過從甚密養子馬紹榮亦遂以善書云

紹榮為中書繼娶張都督女封恭人與永興劉定之為友婿有女適興安伯徐威恭人與其女歲朝坤寧宮備承榮過比其卒也貧無以葬又一女適翰林孔目蔡羽即林屋先生

沈寶夫誠父湖州之長興人商於南沙里有思恭顧姓者無子識其賢館以為甥生誠常商於遠教以成名者妻顧力也誠為諸生時與編編修陸鉞善鉞常言

南沙去太倉三十里與予愛好如比鄰然非其言合

而志同乎

誠著延禧觀碑記李王廟

郁華容勲卒於官父僉憲公方移官澧州而祖母沈太

宜人尚在母張宜人留侍旅櫬歸祖母母妻子凡四

世哭之見者為酸鼻子遵守石泉贅於劉後有長女

適少司馬王惇生大司寇世貞而遵永壽一人之身

前見祖父二世進士後又見婿與外孫兩世進士

勲素善謔弱冠察華容戲作詩曰華容知縣是區區

三甲多因不讀書縣丞主簿皆僚友通判同知總上

劉玘子岍字隱之
號玉亭子二機琳
女一通華容令子
即遵也

司忙裏無心吞冷飯閒中有口嚼鹹魚前世業緣今
受苦華容知縣是區區

郁黔四子曰述曰邈曰邁曰運黔以壽終邈謂述曰吾
與兄稍得度日二弟貧父喪宜勉力毋及二弟以傷
吾父地下之靈芝山周子曰近世士大夫子弟此風
僅見於郁氏郁氏遺風本非他姓可及味雲劉子曰
黔沙溪之良也

問云亭話

沙溪未割常地隸於太倉為常熟縣屬鎮時有里人郁
時正蒙貞為縣醫學訓科郡守朱勝雅重其人俾攝

令事兩月處斷公平鄉人畏服且力能請於巡撫都
御史劉公孜獲蠲縣荒絲之科數千萬民其德之
一庵氏曰時正歿於宏治戊申此事去今不太古以
邑人為邑令使民畏服安在周官鄉大夫之制不可
行於今日要在得人耳

聞大道改名龔聞道幼就童子試常熟令留公震臣大
為嘉賞有以冒籍攻者留力持不聽因入常熟縣學
後又自科試及鄉會兩試俱中二十六名

瞿興嗣樂善好施負販者必多償其值曰彼胠足胠手

止求升斗自活何忍與之相較後享年六十無病而

亡見感應
篇集註

桑民懌遷長沙鬱鬱不得志乃作弔湘纍賈生賦自况
再調柳州益無聊因作詩有鷓鴣道我行不得杜宇
勸人歸去休又云投荒此日無言語不與宗元競柳

州詞旨悲切菽園
雜記

藝苑卮言云桑民懌詩如洛陽博徒家無擔石一擲千
金文如杜劇夷歌亦自滿亮耳又題跋云民懌才名
噪一時幾有雕龍繡虎之稱然其書不勝文文不勝

詩大要能不俗

李文安公傑正色立朝清風勁節其家居日所與酌酒

賦詩者王銘庵鼎狄秋林雲漢二桑別駕瀚齋瑾儉

齋瑜故銘庵有詩云別駕南宮兩清絕野蕭暫厠碧

蘭叢觀此可知秋林之為人見常熟
管志

劉紘桑悅姻親也俱居穿山俱名家子俱成化乙酉舉
人俱春官不第俱才于於仕途以不得封贈為恨俱
以外艱歸卒俱享年五十七而桑葬於涓溪劉葬於
進賢涇俱近穿山無一不同所不同者才名耳按

是科頭沙頭發鄉薦三人劉以規竝蔡民懌悅郁宏
德榮蔡與郁年同十九歲亦一時奇事

前輩文禍獨重墓誌表碣者蓋有意焉景泰甲申進士
薊州錢源先崑山人嘗以公差過崑訪求其祖墓父
老無有知者居數日沈通理檢家藏前人墓誌得洪
武七年邑人盧熊所誌錢瑞妻張氏始知其祖墓在
今儒學後為封表源本沙頭郁氏子郁與錢世姻錢
無子郁以一子為其後後成薊州郁今為醫官錢氏
則已絕矣見菽園雜記

龔輔字德用少與沈石田同贅穿山陳九齡家吾鄉舊
多石田畫余弱冠時見沙溪北道院有石田畫壁滿
一屋及畫道士像并題贊豈以外家故嘗往來於此

歟

見顧中庵雙鳳志

景泰中吳民大飢龔鈍庵大章著民風詩有云一經水
早便流離風景蕭條思慘悽到處喚春空有鳥連村
報曉寂無雞頽垣棄井荒蓋宅苦調音凍餓妻更有
社公同寂寞年來不復享豚蹄鍋無粒米竈無薪只
有松楸可濟貧半賣半枕燒俱伐盡可憐流毒到止

人水東日記云此詩有杜荀鶴時世行風致與流俗輩所謂空言無補之詩不同

舊例一經水旱即相率訴州與縣州又相率訴府訴撫按即下令稽勘定災傷分訴撫按必先奏聞祈請蠲免府州縣賢能官亦多為民會計乞憐臺司吾嘗見方崑山臺上書撫按極剴切又嘗見林太守廷楫赴撫按奏請葉侍御忠三請奏而後准行呂侍御光洵三乞天恩皆得蠲免民租自甲辰乙巳嘉靖二十四年連荒旱民間袖手待斃不敢見官府得陳疾苦見周芝山鳳林備採

嘉靖甲寅旱海潮不上井泉枯竭除夕潮忽湧入戚浦過沙頭市民爭持瓶罌汲水一渡而止又非潮汐候不可解是年秋糧嚴文靖公奏全免

曹東樓家居元旦受諸孫拜賀時比部方掇禮魁亦在諸孫之列一見即唱令跪不解何意諸孫拜賀畢兵馬公方從容請於父曰此子以何罪致大人怒東樓曰彼初得一薦即敢衣絨服見見我成何德器兵馬曰彼所衣實布但苧機耳東樓曰尤不可君子惡似是而非者蓋時有苧經綿緯之布曰苧機東樓以為

服之不衷故怒而責之如此

一庵曰余族祖東樓公世稱高貴父子皆係命爵厥孫又得鄉薦即果係輕煖亦不為過乃不少假如此可見前輩家法之嚴服御之儉今則稍稍有家子孫則遍體綾羅苟能握筆作文字便聽縱恣不為檢束矣如此風俗安得子孫有重器家道不凌夷前人之風真可追仰

嘉靖辛卯石溪曹公為南兵馬指揮是時解元趙汴公壻禮魁灼公子方舉鹿鳴宴公在執事府尹問曰汝

太倉州趙汴認乎對曰某女夫又問曹曰某子尹遂拱手起曰若是則不敢復勞汝矣請回一時以為榮

黃大叅明宇致仕家居天啟甲子四年大水里人以荒

報州知州陳如松

字安白雲南同安舉人

勘驗至沙溪青青者

殊無傷也曰似此焉得為災明宇進而語曰草色遙看近却無守曰領教遂准荒上詳各憲

王龍江樸誠自好胞兄晉吾守重慶府矣龍江猶力作冠小帽或謂之曰何不改中龍江曰兄進士我仍百姓何易為曾買同里顏姓田色數俱足居間者恐其

誤請間言之曰我豈不知但彼失業我得業何爭此
卒與之子家楨子來家祥止吉俱名諸生列文苑

曹懋來翼學年二十一試童子科就錄聞父中憲公劾

冢宰汪鉉廷杖棄而走長安督學使者高其義有父
忠子孝之日虛次以待得補諸生是秋遂以錄遺領

鄉薦嘉靖乙酉

宗正甲申鼎革鎮有桀黠者數人收集羽黨名烏龍會
雖市井賣菜傭人奴極不肖但見拳棍敢作黑心者
即收召廡下衣食之遇里中孱弱子即羣起嚙之必

見骨乃止勢寢甚黨羽數百人各置兵器駸駸為不
法會南都鼎定稍稍散逸

夏彝仲允彝松江人甲申城破從容賦詩投水死于存

古完淳天才俊發痛父殉節未嘗湏臾忘死會吳勝

兆謀反正遂與結誓檄文皆出其手吳敗存古亦被

逮下江寧獄吾婁王某彝仲所取士也適以事至江

寧就獄探親存古泣謂曰死無恨惟室中婦方娠不

能竟遣者此一塊肉耳某領之歸走雲間伺其產即

潛抱歸後王亦以他事起大獄倉惶不得所徐方平

太僕復抱之歸撫養成立

曹敬園以牙糶為業嘗於路拾一遺囊中裏金簪一雙
重兩許珠寶俱備欲還失者不曉為誰持物歸語婦
婦有同心行訪失主三日得之詰狀悉合遂返還
呂叔茂少無賴以殺孀坐大辟繫獄數年漏脫甲申乙
酉間為烏龍會頭日糾集黨羽橫行災詐後結衙虎
專工造訪本鎮富室稍失其意鮮不罹大禍田宅妻
妾奴僕充奴赫奕氣攝一方甲午春以細事懷怨陸
宅砌訪呂妾之母陸憲養娘也呂妾探其陸素有儒
母來與直造其室陸不為禮故恨

行事屬于虛遂承釋一日遇呂於城被毆州守白公
驗知其惡即擒正法下之獄一時被害者百有四人
紛紛控告守為追贓家產俱蕩乙未十月朔奉憲枷
號通衢怨家攢毆立斃腦袋迸裂一仇人恨切骨節
取其腦和酒食之
陳屍察縣院前二日乃許收尸出顧雅傳見
一庵叔茂正罪之日白侯即延其族老儒飛卿為
鄉飲賓一鎮二人二人一族一賞一罰大彰勸懲侯
之用意如此深矣

去鎮二三里地名曹家灣有馬張二太倉衛漏軍素暴

悍富賊富賊肆無忌憚丙戌秋道憲馬公逸咨訪拏
禁獄明年張三張年糾集醜類出入數十人晝則酒
有狼籍
鋪卧交橫夜則各橫行打劫殆無虛夜甚或白日成
執器械分隊四出郡強吞市貨鎮人恐懼市為之罷士民黃曾菜等禱
北院城隍行宮連名控憲今廟中有徐
暴佑良之額遂得以次收
禁六月太守賈公樸親臨勘審杖責枷示時值亢旱
曝於酷日之中水滴不許入口張盜父子暨盜魁四
人一時俱斃

附祀城隍神疏陳于潮
青來撰

伏為盜賊陸梁生靈塗炭凶狂熾盛將成禍亂之階
孱弱孤危各有覆亾之懼慘毒極於一方呼天不應
噬嚙遍於四境入地無門欲共剪此巨慝必上聞
於各憲某等事臨勢迫日擊心傷見義必為豈身
家之敢惜當仁不讓何性命之足云惟是眾擎易舉
務祈一力而一心今茲我志既同更賴有終而有始
恨不食其肉而寢其皮誓必覆其巢而搗其穴或有
懷私挾詐之徒大干天怒面是背非之輩速罹陰
誅眾共伸茲誠烟神宜鑒於虛空尚祈默佑於冥冥

之中殄之妖孽顯護於昭昭之上庇我善民謹疏
當廟祀之日諸盜皆伏於附近旁晚而竊數十人舞
爪張牙俱得正法而斃萬一漏網諸人為之糜爛矣
然非州佐商公奕銓潔已愛民實心除盜其不至放
虎歸^山者幾希此商公大有造於沙頭至今人猶感頌
也

丁亥冬十一月有衛三者家瑣涇人統領百餘人手執器
械塞黃布旗上書大明永興四字由穿山至陸家宅
諸生敬傳昆弟二家俱被搶劫至鎮鎮人闔戶圍典

當鋪門索取弓矢不與去集州城外淮雲寺期有內
應者已而寂然踉蹌四散後官逋嚴緊正典刑者不
一如鎮人周壬孫而衛三遠竄數年不獲商公因以
去任

戊子水災饑民載道

皇上發粟於延真道院設粥賑濟監廠則李司訓口貞

陸侍御毅司庫則諸生呂一鳴呂宗萊周麟徵陸松

齡也自本年十二月初一日起至來年三月終止時

二麥未登眾口嗷嗷學師倡義捐貲助賑一日陸侍

御毅金工部樟各助一日鄉飲賓包汝弼助一日廠
中諸董事合助二日既不涉私亦無冒濫闔州粥廠
稱沙頭為善自後鄉紳則巡撫于公準給匾陸曰
功襄博濟金曰指囷協比生監則太守陳公鵬年給
匾曰勞心共濟鄉飲賓包曰心勤利濟

唐東江曰丁亥之冬歲荒民饑四郊多盜凶徒連結
謀於冬至前一夕入城剽劫而城中先有盜魁為內
應商公於丙夜率捕役間行至盜所擒其渠魁故內
應不作而外盜亦逡巡散蓋不動聲色而定大變於

呼吸之間功亦不細矣

毛序詩 吾公磊落才恢奇十年佐政婁江湄居官
飲水魚飲水清節不願求人知茲地自昔稱沃壤濱
海容易藏奸私髡徒乘間謀竊發偽署官職相謾欺
聚黨公然入村落手操戈矛擊幡旗大豕人立狀猙
惡妖鳥夜叫聲出囂黔黎走避若沸鼎城南城北交
奔馳倉卒變生在肘腋倘欲滋蔓難為治惟公職司
實捕盜主名一一能知之持刀跨馬出搜討縛取劇
賊如嬰兒銀鐺拖拽置堂下款服不待加鞭笞是時

訛言尚未息竊恐暴容窺城俾重門鎖鑰曉猶閉柝
鈴巡歷嚴防維公亦徒步率吏卒足生重繭寧言疲
渠魁授首餘孽散一州安堵無傾危瀆劍賣刀鑄農
器三春雨足歸耘耔公之善政難屈指此更感激鐫
心脾鯁生跼伏守環堵曾未懷刺趨堦墀琴書宛然
敞廬在非公保護誰之施會當勒石記公德大書深
刻蟠蛟螭姓名早晚達當宁紫泥褒美遷官資安得
如公十許輩奸宄屏跡民恬熙

王吉武詩

四首
之二

岸幘治中望鳴珂冢宰家鳳毛誰不忝驥足展猶賒
清節懸魚著雄才戮鯉誇十年傳異迹閒散足聲華
亡命何充斥當機摘發神一臬先就縛羣鼠敢紛綸
塵暗飛車捕霜寒所杖巡吾曹眠貼席明府正勞心

雍正十年潮災紀畧

壬子潮災沿州縣三十六浮殍不可勝計即以太鎮言之縣界如劉河一帶州界如七丫以西六七十里之內男婦大小溺死者有司查驗不下數千人或一家而父子俱亡或一家而婦孥盡殞其有幸而存者非集於樹杪即升處屋梁甚或墻垣傾圮屋隨塌倒升處之人有乘潮漂沒而不知所之者此七月十六夜也當初昏之時風聲雨勢挾潮以俱來始則盈於戶內漸則浸及床榻忽焉而水高六七丈及丈餘不

等一時無措多以兩卓為架老幼俱來登苟不能持則相繼溺死次日至午水勢漸退死止枕籍牛羊雞犬一時殆盡潮既橫溢門窗戶牖十室九空凡什物箱籠隨潮湧出來舟撈取者不計其數至有靈柩在室翻倒而浮與波上下權厝在外者更不可問水退之後屍橫遍野並及棺骸盈千累百觸目傷心大戶倉箱盡為紅朽貸與貧人而衣服變色書籍腐爛又不可問矣有餘之家鄰里親戚不招自集多數十少或數人而無依之輩穴居裸處砌瓦堆磚以為炊爨

尤可憐者家無儲粟而道路艱行難於易米南瓜御麥以為佳膳晝則村墟聊落一望森然暮則陰風怒號人鬼相觸悲慘之狀於斯已極然則此猶近海地方也至於沙頭南北距海已遙而潮勢沸騰泛溢於田高阜者三四尺低下者六七尺禾苗花莖先已為颶風所傷村莊墓道抱樹皆倒尋復浸漬水盡黑色而近海之田魚之人畜尸腐尤為臭惡魚不能安隨流而下七浦漁人罾取收網取莫可勝算魚價頓賤人始而食繼則相戒恐染疫疾也明年春疫時兩邑勘

荒鎮尹唐公尊堯不勝悽愴撈取浮尸捐貲掩埋災
報十分州守黃公廷銓身親勘驗雖檢悉情形遂巡
棋報幸巡道包公括力疾言之始得上申然已分差
等有成災十分而災報六七分者矣二麥將下種沿海
之民顆粒無存惟仰給於業主有質典庫者雖其粟
尖已失具保取贖咸得以播種十月奉

旨錢糧概行停比本年漕米除被災田緩征外一半改
折定銀一兩來秋啟征一半交倉賑濟明春又減價
平糶民得稍甦然老稚轉溝壑壯者散四方沿門求

乞接踵於道麩皮糟糠視為奇貨清白家之家充饑
不免城中大戶設廠四門捐貲煮粥賑濟全活多人
而僵臥死猶纍纍幸麥秋有收流民失所者有司量
給路費使盡返籍而疫癘大行本土之人纏綿床第
者又十家八九至秋乃安由後思前真有不堪回首
矣舊例當舖三年已絕今值災荒再緩一年民咸感
之此道憲包公惠也

壬子潮災徠亭陸公已詳誌之矣就余是時所歷約
畧偶記亦附於後壬子歲余館於城中長街周氏
錫祺家七夕解館歸沙溪十六日赴館早起見有舟
泊後河為卞後藩兄會元蔚田兄也問其何適彼云

飯後即欲返棹入城余即乘便附其舟是時天色晦冥濃雲蔽日有陰雨狀至雙鳳即風雨迷迷午後至其前倉場則雨猛風狂舟幾不可行薄暮進東關邵宅前冒雨登岸烈風大作屋瓦翻動有聲向西飛墜邵留余宿余却之借雨具而至館行至東土地廟前水已沒脛過舟涇橋余恐為風吹仆蹲下身軀半執蓋柄疾趨而過至長街則水已沒膝矣衣濕淋漓汗流浹背主家驚駭慰問夜臥風聲雨勢如天崩地塌徹夜震驚館空朝東前有大池竹木菜地廣潤數畝幸館屋新造不甚高大且後靠樓牆雖東風震撼不致傾倒次日起視四圍大樹竹木蕩籬吹仆無存最可駭者臥房側折倒一樹僅懸尺許倖免壓着凡窓縫日色遙離淒涼景况不寒而慄二十日將昏之際漸瀝日色遠離淒涼景况不寒而慄二十日將昏之際漸外間忽聞傳東關水又湧至遠聽空中如有數千百人叫號哭泣聲往來無不驚駭頃之寂然無事後聞四方幾十里內俱於是夜有如是情形余知淹死人畜無數魚必不可食主家後膳有尺許鱸魚主

人遜食余勉進一箸臭惡不堪即吐出後不食魚者月餘主家田畝俱在東土佃戶漂溺死亡者數十家理合申報當事余為之備寫慘傷情詞蒙批彙詳余一生不寫狀紙為此奇災破格一寫云拙鳩老人記

稗說

鎮諸巨族惟瞿氏最古今其後已絕次則郁氏自元中
世由崑山遷至曹氏自元至正間由海虞福山遷至
呂氏亦元末自吳郡葑門瓦礫涇遷至葉氏本海虞
虹橋人景泰間贅於郁因籍沙頭陸氏自萬歷中由
州城遷三里橋天啟四年復分居於鎮周氏在元時
為常熟縣雙鳳鄉人一遷於崑新安鄉即三家市今
半存本鄉及鎮其半又遷於崑城

桑宗道號雲野道人祖悅高恬淡無競舉止間雅好道術

多所悟解農有田居間為怪物所擾乞宗道符篆揭
之爰舍得安寢覺而窺其外有黑虎蹲其旁怪遂息
其律已端厚人稱為德士

劉以則家藏有小李將軍落照圖宋祕府物舊藏於崑
山道士黃元微永樂初有疾元微者若告其收買黃
子澄畫幾至不測為此圖也後為劉氏構求之又藏
釋夢休風竹圖六字宋徽宗御書有內府圖記趙雍

題名

見邵
穆志

李貞一沙頭女子嘉靖間人少有夙慧其父老儒人也

抱置膝上令咏燭詩應聲曰淚滴非因痛花開豈為
春其父推墮地曰非良女子也後果以放誕置死

載
明

選詩

陳某者塗崧人家頗饒夸奢無節每設廣席殺釘如雞
鵝之類每一客前必具頭尾嘗泊舟蘇州沙盆潭買
蟹作螯湯以螯小不堪盡棄去狎一妓為製金銀首
飾妓哂其吝悉拋水中令重製積歲產蕩乃僦屋居
手藝蔬妻辟纊自給鄰翁憐其勞苦持白酒一壺蓋
腐一盂饋之一嚼病泄累日妻曰沙盆潭首飾留今

日何如某云又殺我矣見菽園雜記

計典御史貪止名不謹萬曆癸巳蘇瓚獨以貪黜國朝
以來一人而已以劾江右李才坐死故也按雲南惟
擢攬金號蘇唐僧蓋其土金經同音見州志

去鎮四五里村名新洋有編戶謝甲美鬚髯行多不謹
萬曆癸丑春三月家十一口悉病疫甲死妻孥相繼
且九人止二老媪未絕宗姻問疾入其門並見兩疫
鬼朱髮青面齒如劍即各怖走多染疾死於是閉戶
經月屍狼籍一日有人走鎮上坐凶肆與僧對解腰

纏銀錠共秤見四十二金以六金有奇買棺九別存
半銀錠握掌中餘仍腰纏喚船戶朱大郎舁棺安置
皆畢先起岸叮嚀可載至新洋村問謝家便舁入因
出握中半銀錠示大郎云是值值大郎如其言及門
不聞聲心怪排扉入歷門三四重屍相枕數果九而
買棺鎮上長髯者亦與則謝甲也審視腰纏與握中
銀錠皆在連呼怪事久之聞呻吟就看兩老媪卧病
問客何為者叩主人翁媪死已一月大佛念佛出見
兩疫鬼遁身壁角中大郎熟視醜狀罵業畜枉害人

性命尚不去言已兩疫鬼歛然滅乃前走村中尋求
謝中表某輩與殮此九人而二媪時亦能強言動知
疫鬼已去發屋棟得藏銀二千餘金驗之悉官物大
郎不敢取竟回去沙頭人傳鬼買棺云見州志
曹氏墓丁有子年十二偶跨碑跌龜背戲忽神蕩覆體
若行淫又二日陽暴長即生毳毛口繞髯長者至尺
雉復生徧體亦如猪鬃而形如故精時時溢疑石龜
崇鑿一日兒一日即枯凡十三日而殂

穿山農家兒保保肢體無骨數歲柔不能行立談禍福

頗應家因以饒一日謂母曰道士來兒死矣請厚賂
祈免俄一道士來焚符柳下保保即嘔血再焚一鱣
死水面大倍常首如拳保保死出庚編

曾君衡市井營生好為俚句有輕薄子鐫其姓名砌入

縉紳錄翰林間持以給之曰君詩達御覽已蒙欽

賜此可証也曹信之往蘇謁撫軍湯公斌值講鄉約

布衣大袖逕造其所湯公與之揖後詢知其慳適至

太倉知州余瑞國杖責監禁復為句曰欽賜翰林坐

牢獄半升白米兩盞粥州官無禮責十板天下蒼生

皆不服

周詢臣 岳少 有文行工部曹 潞亭 延為子師赴館之夕
夢有冠帶而造其室者加禮甚恭詢臣以先達推讓
者久之曰余主人也諸生幸賴先生將與余為同年
明日以告潞亭出緱山公像示之與夢中所見無異
緱山蓋戊子己丑聯捷詢臣必登第但為期尚遠耳
越二十年乙酉詢臣以驟病卒其家塾年四十九計
緱山公沒年亦四十九

曹濂園

延懿

康熙丙午孝廉連上春官不第又年近五

旬無子不知所終有僧名水月能知未來事適至吾
婁濂園往詢索憲稿一篇閱之曰好好多在尾上後
數年連舉二子例選赴京辛未成進士授程鄉知縣
子儀又成進士

曹元承履祥

為南寧府幕賓有常州呂調梅寓觀初亦

為南府客也病甚與元承謀後事有銀百兩貸一商
行貨恐未及取託元承代促之歸家無妻子惟老親
年逾八旬浪游十載存亡未卜兩弟某某即可以付
之調梅死元承經理其喪立位於寺置田四畝葬調

梅外即授之任持為歲時祭祀需而墓地亦得所託
矣於商人處取銀如數歸至常州訪其弟老親尚無
恙付與之感泣無報惟願其蚤斯衍慶而已蓋元承
中年喪子時娶妾而歸故以此為祝抵家果連生二
子卒年八十有六

沙頭里志卷十終